

Luke Diadzadkanni Gamoe Nastshul.

Luke speche skor.

I specha dikan luke "Mashike skutshabsgunni chaglassi" spechan dia dzadte innog. Khoj gyalla silkan amchi yanja dogtar, Yahudapa mankan tatpacan tan skutshabs Paului topazhig inpin. I spechabo Yeshu donste sotea zhanste stinne lo nyishu tsabgyaddi nyekhorla dia dzadte innog.

Khojji i spechabo Theuphelus zerkanboa dia dzads. I nanja luke dikangun gyudte kho ma khagcan sponbo tan Yeshu mashikeka tatpa cokanzhig inkanbo ndanja hagoanog.

Luke i specha diadzadcessi gyuntshangun

Tanpo jigstenpagunni phia Yeshu Mashika Konchoggi ldamma dzadkanni skyabgon inkanbo salpo coste stances.

Nyispa Yeshui mitshee, khoj ltamspane donsshes matshad sotea zhanja dzadkan tshagpa, tus manpoe snunla Konchoggi lunstonpagunni lunstan salkan tshanma dub cugga dzadkanbo shadces.

Sumpa Yeshui mitshebo citshanme nanja soso, migsal, cigcig mane medkanbo stances.

Zhipa Yeshua sdugsnal thonste shyanshinjika shigosnan Yerushalemma skyodcessi thagcad mastanpo yodpin ciazerna tegun yan khoj sotea zhansshes gyudte jigstenpagunni phia khoj skyabgon gyurcessi Konchoggi thabsldinpo danjaa dubces thuggyus yodpin..

I chagdis dicessi skor.

1:1 ne 4

1 ¹ Cespe Theuphelus, gome lobtuggunni dunla Tsoo Yeshui mitshee nanja cunjangun mi manpoe dumste tshir nanzhin dicessi stondu coste innog.

² Gome lobtuggunni migne thonje nazhaa shadkangun khojgunni Griiste innog.

³ Gozugne parla citshanmaa gyalla coste starcod tanste nean cunjangun tshir nanzhin, ma stiwacan Theuphelus nyerañji phia dices thagcadpin. ⁴ Nyerañja Yeshui skorla labzha thobkangun danpo inkanbo tantan cocessi phia ne diad.

Yohanan thussalkan skyecessi lunstan.

1:5 ne 25

⁵ Heroda, Yahuda yuljoŋssi gyalpo indus, Zakarya lamagunni sde abiye zerkanboe thusmi lamazhig inpin. Abiye, lama chenmo Aronni phorgyud inpin, yaŋ zakarye nama Elisabeddaŋ Aronni gyudne inpin. ⁶ Zakarya taŋ Elisabed nyisko Konchoggi skundunla ɗaŋpo mirig inpin ciazerna, khoŋgunni Tsoo Konchoggi kagya taŋ thims tshaŋmaa ŋuŋcesla snaŋŋa gyalla taŋŋadpin. ⁷ Innaŋ khoŋgunla ɗugu medpin ciazerna Elisabedla ɗugu major, yaŋ khoŋgun rgaste yodpin.

⁸ Zakarya yodkanni lame khagpe chodkhaŋŋi naŋŋa zhabstog zhucessi thal in zane zakarye chodkhaŋŋi naŋŋa Konchoggi skundunla zhabstog zhuadpin.

⁹ Lamagunni lugŋol naŋzhin gyan gyabste Konchoggi chodkhaŋŋi naŋŋa spos dugcesla zakarye miŋ biŋ. ¹⁰ Khoe spos dugin yod zane mitshogspo philogga dugste moslam zhuadpin.

¹¹ Tene zakarye Tsooe phonyazhig spos dugkanni chodthii yas chogsla zhaŋste jal. ¹² Zakarye phonyabo jallacig kho ɗogste ŋante jigs. ¹³ Innaŋ phonye khoa mols, "Zakarya, jigs majigs. Konchoggi khyoraŋŋi moslam sanna dzads. Khyoraŋŋi nama Elisabedla butshazhig jorin yaŋ khyoraŋŋi khoe miŋŋa Yohanan tog. ¹⁴ Khoe khyoraŋŋa gamo taŋ skyidpo khyoŋin yaŋ kho skyecespoe mi maŋpoe gamo coin, ¹⁵ ciazerna Tsoo Konchoggi skundunla kho ma khagcan gyurin. Khoe chaŋ ya zhan raroshesgun thuŋ magos. Skyes saŋ ŋunla kho ame caŋkhogga yod zaneaŋ dampe thugnyiddi gaŋin. ¹⁶ Khoe Israelpa maŋpo Tsoo khoŋgunni Konchoggika logste khyoŋin. ¹⁷ Lunstonpa Eliyaa tsogssi semsnyid taŋ waŋ nyampo kho Tsooe ŋunla soŋte, aba taŋ ɗugu gunni naŋŋa thundel yoŋcugin, yaŋ khaa minyankangun Konchoggi codlammi naŋŋa ɗulkangunni shesrabsgunla nyancugste Tsoo skyodcessi tussi phia migun ɗalɗig coin."

¹⁸ Tene zakarye phonyaa zers, "Nyeraŋŋi molkangun tantan cuŋcespo ŋe kazuggi idshes? Ciazerna ŋa rgas yaŋ ŋe name loaŋ chenmo innog."

¹⁹ Phonye mols, "Ŋaa Gabriel, Konchoggi skundunla laŋste dugkan yaŋ khyoraŋŋa i lon zaŋpobo shaddala kalla dzadte in. ²⁰ Innaŋ khyoraŋŋi ŋe zerkangun id mashespa, khyoraŋŋi butsha skyeskye tshogpa khyoraŋ haŋdaŋ gyurte spera taŋ minyan. Ciazerna ŋe zerkangun ldamma dzadkanni tussika ɗaŋɗaa ɗubin."

²¹ Tenna zane philogga ŋuŋste yodkangunni Zakarya chodkhaŋŋi naŋŋa ciphia maŋpo gorranog sam. ²² Zakarya philogga biŋŋacig spera taŋ manyan. Khoa

chodkhañji nañña zhalzigs thoñkanbo khoñgunla hago ciazerna spera tañ manyanpa khoe lagpa nyampo stags cos.

²³ Lame zhabstog zhucessi tus tsharracig, kho khañpaa logste soñ. ²⁴ Tusbanshiggi stiñne khoe nama Elisabed phancesma gyur, yañ kho lzawa şña tshagpa suañ mathugga khañpa dugs. ²⁵ Elisabeddi zers, "Ñe kane ʈugu mijorcessi thelbabo migunni dunla medkan dzadte Tsoo Konchoggi ñeka tsamshiggi thugrje dzadte innog."

Tsoo Yesu Itamshessi luñstan.

1:26 ne 38

²⁶ Elisabed skyecesma gyurte lzawa ɗugpe nañña Konchoggi, phonya Gabriel Galillii yuljoñssi ɗoñkhyer Natsaredla, ²⁷ Miryam zerkanni stsañma nachuñzhig yodsa kalla dzads. Kho gyalpo Dabiddi phorgyud Yoseb zerkanboa namaa ʈiste inpin. ²⁸ Phonya Miryam yodsa skyodte mols, "Jule, cinlabscanni bumo, Tsoo Konchog khyorañ nyampo yod."

²⁹ Miryammi phonye molkungun tshorracig, khoe sems thetshoms soñte i molkungunni ton ci inhe sam. ³⁰ Innañ phonye mols, "Miryam, jigs majigs, Konchoggi khyorañña thugrje dzadte innog. ³¹ Phancesma gyurte khyorañña şasshig Itamsin yañ khyorañji khoñji tshanla Yesu tog. ³² Khoñ ni ma tagpo zhugste khoñña kunwañ Konchoggi şas zhuin. Tsoo Konchoggi khoñña, khoñrañji phamespo gyalpo Dabiddi zhugsthis salin. ³³ Khoñji Israelli mirgyuddika tusgyun wañşulla dzadin. Khoñji gyalşiddi thama mane miyoñ."

³⁴ Miryammi phonyaa zers, "Ña butsha nyampo ɗel machakanni nachuñzhig inpa tebo kazuggi ɗub thubin?" ³⁵ Phonye lansals, "Dampe thugnyid khyorañjika babste tibkyag tsogsla kunwañ Konchoggi sheddi khyorañ kabba dzadin. Tennaboephia khyorañña Itamskanni dampa ʈuguboa Konchoggi şas zhuin. ³⁶ Rgaste yodkan khyorañji nyen Elisabeddañ ʈugu jorces yod. Khoa ʈugu jormanyankan zernañ kho phancesma gyurte lzawa ɗugpoe nañña in. ³⁷ Ciazerna Konchogga dzad minyances cañ medkyag."

³⁸ Tene Miryammi zers, "Ña Tsoo Konchoggi zhabstogma in. Nyerañji molkan nañzhin ɗubshig." Tene kho borte tekane phonya skyods.

Miryam taɲ Elisabed thugs.**1:39 ne 45**

³⁹ Tenna stiɲne Miryammi ɗaldig coste, yahude ri yulli naɲɲa ɗoɲkhyerzhigga gyogspa soɲ, ⁴⁰ teru Zakarya taɲ Elisabeddi khaɲpaa lebte khoe Elisabedla "Ju" zers. ⁴¹ Elisabedla Miryammi ju zerra tshorracig, khoe caɲkhogga yodkanni ɲugubo choms yaɲ Elisabed dampe thugnyiddi gaɲ.

⁴² Elisabeddi Miryammaa shednaɲ zers, "Bumogunni naɲne Konchoggi nyeraɲɲa cinlabs salla dzads. Nyeraɲɲa jorcescanni ɲaspoaɲ cinlabscan in. ⁴³ Ɗa yodsa ɲe Tsooe ama skyodte ɲa tsamshiggi stsiwa salla dzadte innog. ⁴⁴ Nyeraɲɲi ju molla tshorracig ɲe caɲkhogga yodkanni ɲugubo thadte choms. ⁴⁵ Nyeraɲ cinlabscan innog ciazerna Tsooe molkanbo ɗaɗa ɗubcugga dzadcespoa nyeraɲɲi idshes cos.

Miryammi stodlu.**1:46 ne 56**

⁴⁶ Yaɲ Miryammi zers,

"Ɗe semssi thilne Tsoo Konchogga stodpa phullad,

⁴⁷ Yaɲ ɲe semsnyiddi gamo coad

Ciazhuna khoɲ ɲaa skyobba dzadkanni Konchog in.

⁴⁸ Khoɲɲi khoɲraɲɲi nyamshuɲ zhabstogpa thugrje stante snaɲɲa dzads.

Tanepharla Mirabs tshaɲme ɲaa cinlabscan zerin.

⁴⁹ Ciazerna ɲe phia kunwaɲ Konchoggi chaglas gaɲscan dzads.

Khoɲɲi tshan dampa in.

⁵⁰ Khoɲɲi jigssi naɲɲa ɗulkangun nyampo

Khoɲɲi snyiɲrje Mirabsne Mirabs lusin.

⁵¹ Khoɲɲi khoɲraɲɲi stobscanni chag ɲkyaɲɲa dzadte

Phosocangun yancugga dzads.

⁵² Khoɲɲi waɲɲulpagun thissi kane phabba dzads,

Innaɲ nyamschuɲgun stagga dzads.

⁵³ Khoɲɲi stogskangun tshim cugga dzads,

Innaɲ chugpogun stoɲpa logste sals.

⁵⁴ Khoɲɲi snyiɲrje dzadcespo rjedda madzadda

Khoɲraɲɲi yogpo Israelpagunla rogs dzads.

⁵⁵ Ciazerna khoɲɲi Abraham taɲ khoe phorgyud,

Dadaŋŋi phamespogunla te thamedpe zhalchadpo dzads."

⁵⁶ Miryam Elisabed nyampo lzawa sum zamshig dugste stiŋne khoranŋi khaŋpaa Natsaredla logste soŋ.

Yohanan thussalkan ltams.

1:57 ne 66

⁵⁷ Elisabedla tuŋu jorcessi tus lebbacig khoa butshazhig jor. ⁵⁸ Nyenđuŋ taŋ khyimtshespa gunni Elisabedla Tsooe snyiŋrje chenmo dzadkanbo tshorte, khoŋgunni kho nyampo gamo cos.

⁵⁹ Zhag gyadpe zhagga khoŋgun tuŋuboa sunnad^a cocesla dzomte, abe miŋ tsogsla tuŋuaŋ Zakarya miŋ tagces cos. ⁶⁰ Innaŋ khoe ame zers, "Man khoe miŋŋa Yohanan taggos."

⁶¹ Khoŋgunni khoa zers, "Khyozhe gyuddi naŋne i miŋbo suaŋ med." ⁶² Tene khoe abaa lagpa nyampo stags coin khoe miŋ ci tagnyinrag zerte khoa tiŋ.

⁶³ Zakarye stags coin lagshiŋzhig toŋ zers yaŋ khoe teka, "Khoe miŋŋa Yohanan tog" Griispa khoŋ tshaŋma halas. ⁶⁴ Tennamalla khoa yaŋskyar spera taŋnyan yaŋ khoe Konchogga stodpa phuls.

⁶⁵ Tegun tshorte khyimtshespagun Konchoggi jigssi gaŋ, yaŋ yahude ri yul gaŋpoe naŋŋa te cuŋkangunni nastshulbo phel. ⁶⁶ Te nastshul tshorkan tshaŋme Tsooe khoeka chag borte cinlabs salkanbo hagote khoranŋ cig taŋ cigga tiŋ, "Ldante i tuŋubo cizhig gyurinhe?"

Zakarye luŋstan.

1:67 ne 80

⁶⁷ Tene aba Zakarya dampe thugnyiddi gaŋste luŋstan shads,

⁶⁸ "Israelli Tsoo Konchogga stodpa phul

Ciazhuna khoŋ skyodte khoŋraŋŋi migun thar cugga dzads.

⁶⁹⁻⁷⁰ Sjunme luŋstonpa dampagun gyudte

Konchoggi molkan naŋzhin, ŋadaŋŋi phia

Khoŋŋi zhabstogpa gyalpo Dabiddi phorgyudne

Khyudcan skyabgonzhig kalla dzads,

⁷¹ Ta dao taŋ naphrad cokan tshaŋmane ŋadaŋgun skyobba dzadin.

^a1:59 sunnaddi tonbo ni butshe she kane pagspa cadte stags cocespo innog.

- ⁷² Konchoggi n̄adaŋŋi phamespogunla dampa chaddon dzadkanbo
Idtua borra dzadte khoŋgunnika snyinrje dzads.
- ⁷³ Khoŋŋi n̄adaŋŋi phamespo Abraham nyampo
Naa khurra dzadte te chaddonbo dzads.
- ^{74–75} N̄adaŋgun n̄adaŋgunni ɗaoe lagne tharcug dzads
Ta n̄adaŋgunni mitshe gaŋpo jigssnaŋ medpa
Dampa taŋ ɗaŋpoe naŋŋa Konchogga zhabstog zhunyanin.
- ⁷⁶ Ne butsha, khyoraŋŋa kunwaŋ Konchoggi luŋstonpa zerin
Khyoraŋ Tsooe saŋ sŋunla soŋte,
Khoŋ skyodcesla ɗalɗig coin.
- ⁷⁷ Migunni sdigpagunla shagspa dzadcespo gyudte
Khyoraŋŋi Tsooe migunla tharpa thobcessi lambo stanin.
- ⁷⁸ Konchoggi camspa gaŋskanni snyinrje gyudte
Khoŋŋi Mashika n̄amoe od ldaŋshanbo
N̄adaŋgunnika shar cugga dzadin.
- ⁷⁹ Semsnyiddi mundig taŋ shicessi jigssnaŋŋi
Naŋŋa yodkangunla od shar cugga dzadte
N̄adaŋŋi kaŋpagun zhide lammika khyoŋŋa dzadin."
- ⁸⁰ Tene Yohanan ldante thugnyiddi naŋŋa shedcan soŋ. Israelpagunla chosshadces
gozug coco tshogpa khoŋ ristoŋŋi naŋŋa zhugs.

Yeshu Mashika Itams.

2:1 ne 7

2¹ Tedusla Rommi gyalpo Augustussi Rom gyaɗsiddi yogga yodkanni yul tshaŋme miɗaŋs stsicesla ka taŋs. ² (Kyirinius Siriya yuljoŋssi kalon inni tusla, i miɗaŋs stsicespo taŋporaŋ inpin) ³ Yaŋ mitshaŋma miŋ ɗicesla raŋraŋŋi phamespoe yulla soŋ. ⁴ Yoseb gyalpo Dabiddi phorgyudne inpa, khoaŋ Galilli yuljoŋssi Natsared ɗoŋkhyerne, Yahuda yuljoŋssi Dabiddi ɗoŋkhyer Bedlehemma soŋ. ⁵ Yosebbi nama ɗiste inkanni Miryam, kaboa ɗugu jorces yodpin, kho nyampo miŋ ɗicesla khyers.

⁶ Teru yodtus, ɗugu jorcessi tuspo leb. ⁷ Yaŋ Miryamma goma ɗugu, butshazhig Itams. Khoe ɗugu rassi naŋŋa tumste ɗessi naŋŋa bors, ciazerna khoŋgunla ɗaŋsa dugse naŋ mathobba inpin.

Lugsdzigun taŋ namkhe phonyagun.

2:8 ne 21

⁸ Te tshanla, nyekhorri spaŋthaŋzhiggika lugsdzigun dugste khoŋraŋŋi luggun ŝuŋŋadpin. ⁹ Tsooe phonyazhig khoŋgunni jal, yaŋ Tsooe zirjiddi khoŋgun yodse nyekhorri nassa odcan gyurpa, khoŋgun ŝante jigs. ¹⁰ Innaŋ phonye khoŋgunla mols, "Majigsshig, ŋe mitshaŋmala ma gamo khyoŋcescanni gamoe nastshul shaddad. ¹¹ Diriŋ khyozhe phamespoe gyalpo Dabiddi doŋkhyerri naŋŋa skyabgonbo thuŋste in. Khoŋ Konchoggi ldamma dzadkanni Mashika, Tsoobo in. ¹² Yaŋ teboe stagspo ni khyozhagunla tuŋuzhig rassi naŋŋa tumste, deŝsi naŋŋa nyalte thoŋin."

¹³ Hunmedla namkhe phonye tshogs chenmozhiŋ ŝoŋte, te phonya nyampo Konchogga stodpa phulin mols,

¹⁴ "Namkhe thoshogga zhugste yodkangunni

Konchogga stodpa phul,

Yaŋ Konchog thugsthadda dzadkanni

Jigstenpagunnika zhide cuŋ"

¹⁵ Khoŋgun borte phonyagun namkhaa logste skyoddacig, lugsdzigunni cig taŋ cigga zers, "Ta Tsooe ŋadaŋŋa molkan cuŋkangun stala ŋadaŋ Bedlehemma chen."

¹⁶ Tene khoŋgun gyogspa soŋte, Miryam, Yoseb taŋ deŝsi naŋŋa nyalkan tuŋubo jal. ¹⁷ Tuŋu jalte stiŋne lugsdzigunni tuŋui skorla molkanni nastshulbo tshaŋmala shads. ¹⁸ Lugsdzigunni shadkangun tshorkanni mi tshaŋma halas. ¹⁹ Innaŋ Miryammi cuŋkan tshaŋma snyiŋŋi naŋŋa khurte yaŋ te tshaŋme skorla samba taŋin dugs. ²⁰ Lugsdzigunni tshorkan taŋ thoŋkan tshaŋme phia Konchogga stodpa phulin logste soŋ, ciazerna tegun phonye molkan naŋzhin daŋdaa yodpin. ²¹ Zhag gyadpe zhagga, nam tuŋua sunnad^b cocessi tus inpin, tuŋui tshanla Yesu tags, kazug tuŋu Miryammi caŋkhogga chagssi saŋ ŝunla phonye, te miŋbo tagga dzadcesla molte inpin.

^b2:21 sunnaddi tonbo ni butshe she kane pagspa cadte stags cocespo innog.

Tsoo Yesu chodkhaṅṅa khyerra dzads.**2:22 ne 40**

²² Luṅstonpa Mozessi kathims naṅzhin ṭugu skyeste stiṅne ama stsaṅma chacessi tus tshaṅṅacig, Yoseb taṅ Miryammi ṭugubo Tsoo Konchoggi inkan stancesi phia Yerushalemmi chodkhaṅṅa khyers. ²³ (Tsooe kathimssi naṅṅa Griiste dug, "Butsha gobu tshaṅma Tsooe inkanbo stangosin.") ²⁴ Tene Tsooe kathimssi naṅzhin, "Phurgon karmo chacig ya phurgonni ṭugu nyis" khoṅgunni ṣogchodla phuls." ²⁵ Tenna tusla Yerushalemmi naṅṅa Shimion tatpacan taṅ ḍaṅpo mizhig, kho Israelpagunla tharpa khyoṅkanni ldamma dzadkanni Mashika skyodcesla ṣuṅste yodpin. Yaṅ dampe thugnyid kho nyampo yodpin. ²⁶ Dampe thugnyiddi khoa namtshogpa khoe Tsoo Konchoggi ldamma dzadkanni Mashika mijal tetetshogpa kho mishi molte ṣṅon cugga dzads. ²⁷ Dampe thugnyiddi Shimion chodkhaṅṅa khyerra dzads. Kathimssi lugṣol naṅzhin ṭugua cogoshespo coala phamagunni Yesu chodkhaṅṅa khyoṅṅacig, ²⁸ Shimionni ṭugu lagpe naṅṅa khurte Konchogga stodpa phulin zers,

²⁹ "Tsoo kunwaṅ, nyeraṅṅi zhalchad dzadkanbo ḍub pasaṅ,
Nyeraṅṅi zhabstogpa zhide nyampo shicesla goṅspa sal.

³⁰ De migne nyeraṅṅi tharpabo jal,

³¹ Kabo mi tshaṅme phia nyeraṅṅi ḍalḍig dzadte in.

³² Khoṅ ni Yahudapa mankangunla Konchog ṣṅoncugkanni od in,
Yaṅ nyeraṅṅi mi Israelpagunni spalbo in."

³³ Khoṅṅi skorla molkangun tshorte ṭugui aba taṅ ama halas. ³⁴ Tene Shimionni khoṅgunla cinlabs salte, ama Miryamma mols, "Konchoggi thabsldiṅs naṅzhin i ṭugubo gyudte Israelpa maṅpozhiḡ gyelces yaṅ maṅpozhiḡga tharpa thobin. Khoṅ Konchoggi chogsne inkanbo migunla hagoteaṅ maṅpoe khoṅṅa gyabgal coin. ³⁵ Teboe zhaste mi maṅpoe snyiṅṅi thilli samtshulgun ṣṅoncugga dzadin yaṅ khyoraṅṅi semslaṅ rai zugkan tsogs tsherkha yoṅin."

³⁶ Asherri mirigsne inkanni Phanuelli bumo Anna, ma rgadmo luṅstonmazhiḡ yodpin. Nama coste lo rdunni stiṅne khoe magpa shi. ³⁷ Ane maraṅmo gyurte stiṅne khoe yaṅskyar nama macos. Kho chodkhaṅṅe mane mabiṅṅa, tshan taṅ nyima Konchogga colin, nyenas (Yaṅṅa roza) dugste moslam zhuadpin. Ta khoa lo 84 chadpin, ³⁸ Shimionni Yoseb taṅ Miryamma spera taṅssa kho yoṅste

Konchogga thugrjeche zhuin, khoe Yerushalempagunla tharpa thobcesla şunste yodkan tshaŋmala ʔuguboe skorla shads.

³⁹ Tsooe kathimssi gosdom naŋzhin co tsharracig Yoseb taŋ Miryam Galillii yuljoŋs, khoranŋunni ɗoŋkhyer Natsaredla logste skyods. ⁴⁰ Yaŋ ʔugu ldante shedcan gyur. Khoŋ shesrabssi ganste Konchoggi thugrje khoŋŋika yodpin.

Yeshu butsha chodkhaŋŋa skyods.

2:41 ne 52

⁴¹ Yeshui phamagun lozhuŋ pesaggi tuschen stsiala Yerushalemma skyoddadpin.

⁴² Yeshui guŋlo rcugnyis cha zane lugşol naŋzhin khoŋgun Yerushalem gyalsa tuschen stsia skyods. ⁴³ Tuschen stsi tsharte khoŋgun ranjulla logte chaa zane butsha Yeshu phamagun nyampo machaa Yerushalemma zhugs, innanŋ khoŋŋi phamagunla tebo gyus masonŋ. ⁴⁴ Khoŋgunni Yeshu ʔopagun nyampo yoddo samte zhagciggi lam ɗulte stiŋne nyen taŋ dzao gunni ʔoa ʔugubo tsalces gozug.

⁴⁵ Mathob pasanŋ Yerushalemma logte khoŋ tsalla soŋ. ⁴⁶ Zhag sumpe zhagga khoŋ chodkhaŋŋi naŋŋa chos shadkanni gerganŋunni ʔoa zhugste khoŋgunla nyanin ʔiwa ʔiin thoŋ. ⁴⁷ Khoŋŋi molla tshorkan tshaŋma khoŋŋi rigpa taŋ khaspa lan salkanboeka halas.

⁴⁸ Khoŋgun nyampo Yeshu thoŋŋacig phamagun halas yaŋ ame khoŋŋa zers, "Butsha, khyoraŋŋi ŋazhaa izug cia cospin. Khyoraŋŋi aba taŋ ŋe tsherkhaa nyampo khyoraŋ tsalpin"

⁴⁹ Yeshui khoŋgunla mols, "Khyozhe ciphia ŋaa tsalpin. Ŋe yabbi khaŋpe naŋŋa ŋa duggoshespo gyusmedda?" ⁵⁰ Innanŋ khoŋŋi molkanbo phamagunla hamago.

⁵¹ Tene Yeshu khoŋgun nyampo Natsaredla logste skyods, yaŋ phamagunni kanyanna dzads. Khoŋŋi ame cuŋkan tshaŋma rincan coste khoranŋi semssi naŋŋa khurte dugs. ⁵² Yeshu shesrabs taŋ skuzugssi naŋŋa ldanna dzads yaŋ khoŋŋa migunne stsiwa yaŋ Konchog khoŋŋika thugnyessa dzads.

Yohanan thussalkanni chosshadda dzads.

3:1 ne 20

3 ¹ Rommi gyalpo tibiryussi waŋşulli lo 15 pa nam Pontu Pilatu Yahuda yuljoŋssi kalon, Heroda Galilli yuljoŋs lonpo, khoe aco Philib Ituraya taŋ ʔragonitis yuljoŋssi lonpo yaŋ Lisanyas Abilene yuljoŋssi lonpo ² yaŋ Annas taŋ Kayaphas lama chenmoe Koseka yoddi tus ristoŋŋi naŋŋa Konchoggi ka zakarye butshaa

Yohanana kalla dzads. ³ Yordan ltsaŋspoe nyekhorri yul tshaŋmala Yohanana skyodte shagspa thobcessi phia sdigpa cokangunnika gyodpa coste thuslencesla chosshads. ⁴ Sŋunme tus luŋstonpa yeshaye speche naŋŋa Yohananni skorla dia dzadte innog,

' "Ristoŋŋi naŋŋa skad chenmozhiggi molin,

'Tsoo phebshesla ɔaldig coshig,^c

Yaŋ khoŋŋi phebslambo ɔaŋpo coshig.

⁵ Luŋpa tshaŋma skaŋŋa dzadin.

Yaŋ ri chenmo taŋ chuŋungun mammo dzadin.

Lam kyagkyoggun soŋ,

Yaŋ gaŋhobsgun snyomste tiŋtiŋ coshig.

⁶ Yaŋ mitshaŋme Konchoggi tharlambo jalin.'

⁷ Yohananni thuslenna yoŋkanni mitshogsla mols, "Khyozhaa tugrulli phorgyudgun, yoŋcescanni Konchoggi chadpane shor zerte khyozhaa spaŋ sui phuds? ⁸ Sdigpa coces spaŋste Konchoggi lammika ɔulkanni ɔasbu smincug. Yaŋ raŋ taŋ raŋŋa mazer, 'Ŋazhaa Abrahammi phorgyud in pasaŋ tharin.' Ŋe khyozhagunla zerrad, Konchoggi i rdoagunni naŋŋe Abrahammi phia phorgyud dzadnyanin. ⁹ Shaŋ coshig, stari ni lcaŋmagunni stsika borte dug, ɔasbu zaŋpo masminkanni lcaŋma tshaŋma cadte mee naŋŋa phaŋin."

¹⁰ Mitshogspoe Yohanana tis, "Ta ŋazhagunni ci cogos?"

¹¹ Yohananni khoŋgunla mols, "Kos nyis yodkangunni cigpo medkangunla toŋ yaŋ zan yodkangunni medkangunla goste toŋ."

¹² Thallenkangunnaŋ thuslenna yoŋste tis, "Lobponle ŋazhagunni ci cogos?"

¹³ Khoŋŋi khoŋgunla mols, "Lengoshessi saŋ thalte thal malen."

¹⁴ Tene magmi khaciggi Yohanana tis, "Ŋazhagunni ci cogos?"

Khoŋŋi khoŋgunla mols, "Jigsnaŋ stante ya zusme nyadgal kalte suzhiggi kane pene malen. Raŋŋa phogs thobkanboeka tshimste dug."

¹⁵ Migun Konchoggi ldamma dzadkanni Mashika skyodcesla suŋste yod pasaŋ khoŋgunni Yohanana khoŋraŋ Mashika in mannahe sammadpin. ¹⁶ Yohananni migunla mols, "Ŋe khyozhaa chuithus taŋŋad. Innaŋ ŋe stiŋne skyodcescanbo, ŋe saŋ maŋŋa waŋcan, yaŋ ŋaa zhabshi tsogsla khoŋŋi zhabdams tolcessi ospa med. Khoŋŋi dampe thugnyid taŋ mee thusalin. ¹⁷ Zhiŋbadpe yulthagga zar nyampo, ɔo

^c3:4 Griissi skaddi naŋŋa "Tsoo phia phebslammi ɔaldig coshig" molte dug.

tañ phugma pheste ðo khoranji banje nanja yan phugma mee nanja şagga tsogsla khorñian khoranji migun tañ mi ñanpagun soso phea dzadin. ¹⁸ Yohananni migunla tetsogs mañpo spañ phudin gamoe nastshulbo shads.

¹⁹ Innañ Yohananni kalon Herodala, acoe nama Herodas nyampo nama coces tañ zhan lasñan cokan tshañme phia skyonrjod coa dzads. ²⁰ Te sdigpagunnika nanma Herodadi Yohanan tsonla kags.

Yeshua thussalkan tañ khorñi phamespogun.

3:21 ne 38

²¹ Mitshañme thuslen zane Tsoo Yeshuiñ thuslenna dzads. Khorñi moslam zhua dzad zane namkhaa bete ²² dampe thugnyid phurgon tsogssi zoste nanja khorñika babs. Yan namkane suñskadshiggi mols, "Khyorañ ñe butsha cespabo in, khyorañ nyampo ñaa maşante thadpo in."

²³ Yeshui Konchoggi zhabstog dzadces gozug zane khorñi guñlo sumcu zam chadpin. Migunni Yeshu Yosebbi butsha innog sammadpin.

"Yoseb ni Helii butsha inpin.

²⁴ Heli ni Madthaddi butsha,
Madthad ni Livii butsha,
Livi ni Melkii butsha,
Melki ni Yannayii butsha,
Yannayi ni Yosebbi butsha inpin.

²⁵ Yoseb ni madtathiyi butsha
Madtathiya ni Amossi butsha,
Amos ni Nahummi butsha,
Nahum ni Eslii butsha,
Esli ni Naggayii butsha inpin.

²⁶ Naggayi ni Maaddi butsha,
Maad ni madtathiyi butsha,
Madtathiya ni Semeinni butsha,
Semein ni Yoseggi butsha,
Yoseg ni yude butsha inpin.

²⁷ Yuda ni Yoannanni butsha,
Yoannan ni resi butsha,
Resa ni Zerupabelli butsha,

Zerupbabel ni Shaaltiyelli butsha,
Shaaltiyel ni Nerii butsha inpin.

²⁸ Neri ni Melkii butsha,

Melki ni Addii butsha,

Addi ni Kosammi butsha,

Kosam ni Elmadammi butsha,

Elmadam ni Erri butsha inpin.

²⁹ Er ni Yoshuae butsha,

Yoshua ni Eliezerri butsha,

Eliezer ni Yoremmi butsha,

Yorem ni Madthaddi butsha,

Madthad ni Livii butsha inpin.

³⁰ Livi ni Shimionni butsha,

Shimion ni yahude butsha,

Yahuda ni Yosebbi butsha,

Yoseb ni Yonammi butsha,

Yonam ni Eliyakimmi butsha inpin.

³¹ Eliyakim ni melee butsha,

Melea ni mennani butsha,

menna ni madtathi butsha,

Madtatha ni Nathanni butsha,

Nathan ni Dabiddi butsha inpin.

³² Dabid ni Yishee butsha,

Yishe ni Obeddi butsha,

Obed ni Boazzi butsha,

Boaz ni Salmonni butsha,

Salmon ni Nahashonni butsha inpin.

³³ Nahashon ni Amminadabbi butsha,

Amminadab ni adminni butsha,

admin ni Arnii butsha,

Arni ni Hesronni butsha,

Hesron ni Pheressi butsha,

Pheres ni yahude butsha inpin.

³⁴ Yahuda ni Yakobbi butsha,

Yakob ni Isakgi butsha,
 Isak ni Abrahammi butsha
 Abraham ni Tirahhi butsha,
 Tirah ni Hahorri butsha inpin.

³⁵ Hahor ni Seruggi butsha,
 Serug ni Reui butsha,
 Reu ni Pheleggi butsha,
 peleg ni Eberri butsha,
 Eber ni Shelaggi butsha inpin.

³⁶ Shelag ni Kenanni butsha,
 Kenan ni Arpagshaddi butsha,
 Arpagshad ni Shemmi butsha,
 Shem ni Noae butsha,
 Noa ni Lameggi butsha inpin.

³⁷ Lameg ni Mathushelaggi butsha,
 Mathushelag ni enoggi butsha,
 enog ni Yeredde butsha,
 Yered ni Mahalalelli butsha,
 Mahalalel ni Kenanni butsha inpin.

³⁸ Kenan ni Enoshshi butsha,
 Enosh ni Seddi butsha,
 Sed ni Adammi butsha,
 yaŋ Adam ni Konchoggi dzadkanni mibo inpin.

Shetanni Yeshua tshodlta lens.

4:1 ne 13

4 ¹ Tsoo Yeshu dampe thugnyiddi gaŋste Yordan ltsaŋsponne logste skyods, yaŋ dampe thugnyiddi khoŋ ristoŋŋi naŋŋa khyerra dzads. ² Tshannyin zhibcu rdudgunni gobe Yeshu sdigpe naŋŋa gyelcugcesla stsonḍus cos. Tedus gaŋpo khoŋ dontaŋ caŋ madonpa stiŋjugpeka khoŋ rims.

³ Rdudgunni gobaboe khoŋŋa zers, "Galtes nyeraŋ Konchoggi ŋas inna i rdoagun tagi gyurcesla ka sal?"

⁴ Yeshui lansals, "Dampe suŋrabssi naŋŋa ḍiadzadte dug,
 'Mi tagi cigpoe sotea milus.' "

⁵ Rdudgunni gobe khoṅ nassa thonpozelligika khyerte khoṅṅa jigstenni gyalṣid tshaṅma ṣibciggi naṅṅa stante, ⁶ khoe Yeshua zers, "De khyoraṅṅa igunni spal taṅ waṅchaa tshaṅma taṅin, ciazerna tegun ṅaa taṅste inpa ṅe, ṅaraṅ thadkanboa taṅin.

⁷ Galtes khyoraṅṅi ṅa chagphulte colna ṅe khyoraṅṅa i tshaṅma taṅin."

⁸ Yeshui khoa lansals, "Dampe suṅrabssi naṅṅa ḍiadzadte dug,

'Khyozhe Tsoo khyozharaṅṅi Konchogga colgos.

Yaṅ khoṅ cigpoa zhabstog zhugos.' "

⁹ Tene rdudgunni gobe Yeshu Yerushalemmi gyalsa thidte khyers yaṅ chodkhaṅṅi goliṅṅa khyerte zers, "Galtes nyeraṅ Konchoggi ṣas inna ikane thurla lcebbaṅ

¹⁰ ciazerna suṅrabssi naṅṅa ḍiadzadte dug,

'Khyoraṅ skyobcesla Konchoggi phonyagunla ka salin,

¹¹ Khyoraṅṅi kaṅpaṅ rdoeka phog micugcessi phia

Phonyagunni lagpa ṣkyaṅste khyoraṅ zumma dzadin'."

¹² Yeshui khoa lansals, "Dampe suṅrabssi naṅṅa iboaṅ moldug, 'Tsoo khyozharaṅṅi Konchogga tshod mastaa.' " ¹³ Rdudgunni gobe Yeshua tshodltaa tsharracig khoa yaṅskabs thobthob tshagpa khoṅṅe bete soṅ.

Natsaredpagunni Yeshua stsiwa macos.

4:14 ne 30

¹⁴ Tene Tsoo Yeshu dampe thugnyiddi stobssi gaṅste, Galillii yuljoṅsla logste skyods yaṅ khoṅṅi skorla nastshul yuljoṅs gaṅpoe naṅṅa phel. ¹⁵ Khoṅṅi Yahudape dukhaṅgunni naṅṅa labzha salces gozug dzads yaṅ tshaṅme khoṅṅaa stodpa phuls.

¹⁶ Yeshu Natsareddi ḍoṅkhyerla skyods karu khoṅ ldante inpin yaṅ khoṅraṅṅi lobs naṅzhin shabbad ṅaltshoe zhagga dukhaṅṅi naṅṅa skyods, yaṅ dampe suṅrabssi naṅṅe silla dzadcesla zhaṅs. ¹⁷ Yeshaye luṅstonpe Griiskanni specha khoṅṅi lagga taṅs yaṅ specha pheste tsalla dzadkanbo thob, tebo ni,

¹⁸⁻¹⁹ "Tsoo Konchoggi thugnyid ṅeka nas,

Ciazerna khoṅṅi ṅa nyamshuṅgunla

Gamoe nastshul shadcesla skoa dzads.

Tsonpagunla tharpa thobces, zharagunla thoṅces,

Sdugsṅalli naṅṅa yodkangun phudces

Yaṅ Tsoo Konchoggi khoṅraṅṅi migunnika

Thugrje dzadcessi tus lebkanbo khyabḍags cocesla

Khoṅṅi ṅa kalla dzads."

²⁰ Khoŋŋi specha sil tsharracig, ŝilte dukhaŋŋi rogs cokanboa salte seka zhugs. Dukhaŋŋi naŋŋa dzomste yodkan tshaŋme khoŋŋa staste dugŝ. ²¹ Khoŋŋi khoŋgunla mols, "Dampe suŋrabssi naŋŋe dagsa khyozhe tshorkangun, diriŋ ɗaŋɗa ɗubte innog."

²² Tshaŋme khoŋŋa stodpa taŋŝ yaŋ khoŋŋi khaspa taŋ lagmo zhaltagun tshorte tshaŋma halas yaŋ zers, "Kho Yosebbi butshaa manogga?"

²³ Yeshui khoŋgunla mols, "Tantanla khyozhe i tamspebo ŋaa zerin, 'Amchi raŋ phancuggaŋ, Kapharnahummi ɗoŋkhyerri naŋŋa cokanni las ŋazhe tshorkangun tsogs raŋŋi yulli naŋŋa cossaŋ.' ²⁴ Ɗe khyozhaa denba zerrad, luŋstonpa suzhiggaŋ khoranŋunni yulla gasus mithob.

²⁵ Sŋunme luŋstonpa eliye tusla lo sumnaŋphad charpa mababssa yul gaŋpoe naŋŋa muge tagpo cuŋŋi tusla Israelli yulli naŋŋa ane maraŋmo maŋpo yodkanbo tantan innog. ²⁶ Innaŋ Konchoggi luŋstonpa Eliya khoŋ suzhiggikaŋ kalla madzadda, Yahudapa mankan Sidon yuljoŋssi Zarepad yulli naŋŋa dugkanni ane maraŋmoboeka kalla dzads. ²⁷ Yaŋ luŋstonpa elishe tuslaŋ Israelli naŋŋa dzenadcanni mi maŋpo yodkanni ɗone ciggaŋ phancugga madzadda Siriyapa Naaman cigpo phancugga dzadte stsaŋma dzads."

²⁸ Tebo tshorte dukhaŋŋi naŋŋa yodkan tshaŋmala ŝo ŝaŋte yoŋŝ. ²⁹ Khoŋgun laŋste Yeshu ɗoŋkhyerne philoggaa phiŋste ɗoŋkhyerbo tshugste yodkanni ri zurrika phaŋcesla khoŋ khyers. ³⁰ Innaŋ khoŋ khoŋgunni ɗone caŋ ghagzhaa medda biŋte skyods.

Yeshui rdudpo phiŋŋa dzads.

4:31 ne 37

³¹ Tene Tsoo Yeshu Galillii yuljoŋssi Kapharnahum ɗoŋkhyerla skyods yaŋ shabbaddi ŋaltshoe zhagga mimanŝla labzha salces gozugs. ³² Khoŋgun Yeshui labzhagunnika halas, ciazerna khoŋŋi waŋcha nyampo molla dzaddadpin.

³³ Dukhaŋŋi naŋŋa rdud zhugskanni mizhig yodpin. Khoe kuco ŝaŋte taŋin zers, ³⁴ "Natsaredpa Yeshu, nyeraŋŋa ŋazhagunni kane ci gossad? Nyeraŋ ŋazhagun medkan coala skyodte inna? Nyeraŋ su zhugste inkanbo ŋaa gyusyod. Nyeraŋ Konchoggi dampabo zhugste innog"

³⁵ Yeshui khoa khaskyeya dzadte mols, "Cubcod khoe naŋŋe biŋte yoŋ." Tennamalla rdudpoe migunni dunla te mibo sa rdabste nodpa maskyalla khoe naŋŋe biŋte soŋ.

³⁶ Mitshaŋma halaste cig taŋ cigga zers, "I miboe tsamshiggi khyud taŋ waŋchaa nyampo zerdug, khoe ka taŋkanboa rdudgunniaŋ khaa nyante biŋte yoŋdug."

³⁷ Yaŋ khoŋŋi skorla nastshulbo yuljoŋs gaŋpoa phel.

Yeshui nadpagun phancugga dzads.

4:38 ne 44

³⁸ Tsoo Yeshu dukhaŋne biŋte Shimon Pitarri khaŋpa skyods. Shimoni name ama tshad ŋante yoŋste yodpin yaŋ khoŋgunni Yeshua khoa rogs dzadcesla zhuspa

³⁹ khoŋ khoe maltse dunla zhaŋste tshadpoa khaskyeacig tshadpo medkan soŋ, tennamalla kho laŋste khoŋgunla zhabstog zhus.

⁴⁰ Nyima nubin yod zane migunni zumo snatshogs yodkan tshaŋma Yeshu yodsa khyoŋs, yaŋ khoŋŋi rereka chag borra dzadte, khoŋgun gyalcugga dzads. ⁴¹ Khoŋ maŋpoe naŋne rdudgun biŋste yoŋ zane kuco taŋin zers, "Nyeran Konchoggi ŋas innog." Innaŋ Yeshui tegunla khaskyeste spera zer macugs ciazerna tegunni khoŋ Konchoggi ldamma dzadkanni Mashika inkanbo shessadpin. ⁴² Namlaŋssacig Yeshu yaŋsuaŋ medse nassazhigga skyods. Mitshogssi khoŋ tsalladpin yaŋ khoŋ thobbacig khoŋgunni Yeshua juju zhuin khoŋgun borte miskyodcesla zers.

⁴³ Khoŋŋi khoŋgunla mols, "Daa zhan doŋkhyergunni naŋnaŋ Konchoggi gyalŋiddi gamoe nastshul shadgos. Tenna gyuntshanboe phia Konchoggi ŋa kalla dzadte in."

⁴⁴ Tene khoŋŋi yahude yuljoŋs gaŋpoe naŋna skyodte dukhaŋgunni naŋna labzha salladpin.

Yeshui lobtug taŋpo.

5:1 ne 11

5 ¹ Zhagshig Tsoo Yeshu Genesared tshoe thama zhaŋste yodtus, Konchoggi ka nyancesla khoŋŋa mitshogs chenmozhiggi skorte nanin khyoŋŋadpin. ² Khoŋŋi tuziŋ nyis tshoe thama borte zigs, nyapagun tenaŋne biŋste nyadolgun thuadpin.

³ Shimon Pitarri inkanni tuziŋboe naŋna skyodte Yeshui khoa tuziŋbo thamane tsapig chui naŋna khyercesla mols yaŋ tuziŋŋika zhugste mitshogsla labzha sals.

⁴ Labzha sal tsharracig khoŋŋi Shimonla mols, "Chu koŋdo yodsa tuziŋ khyerte nya zumcesla nyadolbo phoŋ."

⁵ Shimoni khoŋŋa zers, "Sponbole, ŋazhe tshan gaŋpo stsonduŋs ŋante costeaŋ nya ciggaŋ makhad. Innaŋ nyeraŋŋi mol pasaŋ ŋe nyadol phaŋin." ⁶ Yaŋ khoŋgunni tezug coacig, nya mamaŋpo khadte khoŋgunni nyadol chadkyis soŋ. ⁷ Zhan tuziŋŋi

naŋŋa yodkanni ɔɔpagunla lagpa yugste rogs coala yoŋ zers. Khoŋgun yoŋste ɔɔziŋ nyisko chui naŋŋa nubkyis chacha tshogpa nye skaŋs.

⁸ Tebo thoŋŋacig Shimon Pitar Yeshui pigmoe dunla gyelte zers, "Tsoo, ŋane thagriŋŋa skyod ŋa sdigcanzhig in." ⁹ Ciazerna kho taŋ khoe ɔɔpagun nya khadkanni dzadpabo thoŋte ma halas ¹⁰ yaŋ Shimonni tshoŋpa ɔɔpa zebeddii butsha Yakob taŋ Yohanannaŋ halas. Yeshui Shimonla mols, "Majigsshig, tanepharla khyozhe nye tshabsla migun zумыin." ¹¹ Tene khoŋgunni ɔɔziŋgun thama khyoŋs yaŋ citshaŋma phaŋste Yeshui gyabne ɔɔaŋs.

Yeshui dzenad yodkanzhig phancugga dzads.

5:12 ne 16

¹² Tsoo Yeshu ɔɔŋkhyerzhiggi naŋŋa yodtus teru zugspo gaŋpoa dzenad yodkanni mizhig yodpin. Khoe Yeshu jallacig, seka gyelte juju zhuin zers, "Tsoole, nyeraŋ thugsthadna ŋa gyalcugste stsaŋma dzad nyannanog."

¹³ Yeshui chag ɔɔkyaŋste khoa thugcugga dzadte mols, "Ŋa khyoraŋ gyal cugte stsaŋma coa thaddarag." Tennamalla dzenadpo medkan soŋ. ¹⁴ Tene khoŋŋi khoa ka sals, "Suaŋ mashad, innaŋ soŋte raŋŋi zugspo lama ston yaŋ luŋstonpa Mozessi ka salkan naŋzhin Konchogga chodpa phul, tebo migunla khyoraŋ stsaŋma chakanni spaŋpo in."

¹⁵ Innaŋ khoŋŋi skorla nastshulbo maŋŋa phel. Teboe zhaste mitshogsgun khoŋŋa nyances taŋ nadne phancesla khoŋ yodsa yoŋs. ¹⁶ Innaŋ Yeshu yaŋne yaŋ moslam zhuala suaŋ medse nassa skyoddadpin.

Yeshui khoŋskanzhig phancugga dzads.

5:17 ne 26

¹⁷ Zhagshig Tsoo Yeshui labzha salla dzad zane Galilli taŋ yahude gamyul tshaŋma taŋ Yerushalem gyalsane yoŋskanni pharushipagun taŋ chosthimsla khaspagun teru seka dugste yodpin, yaŋ phancugcessi Konchoggi stobs Yeshu nyampo yodpin.

¹⁸ Tene mi khaciggi zaphogkanzhig maltseka khurte khyoŋs yaŋ khaŋpe naŋŋa Yeshu yodsa khyercessi stsonɔus cos. ¹⁹ Mitshogssi zhaste khoŋgunla kho naŋkugga khyer manyan. Khoŋgun khaŋpe khethogga soŋte thogssa kogste maltsaa nyampo kho mitshogssi zhuŋŋa Yeshui dunla phabs. ²⁰ Khoŋgunni mibo

gyalcugcessi tatpa cokanbo Yeshui zigste khoṅṅi zaphogkanboa mols, "Dzao, ṅe khyoraṅṅi sdigpagunla shagspa taṅṅad."

²¹ Tene chosthimsla khaspa taṅ pharushipa gunni semssi naṅṅa sams, "Dadlog zhukanni i mibo su innog. Konchog mastog sua sdigpa shagspa sal nyanin."

²² Khoṅṅunni samkanbo Yeshui khyente ṅia dzads, "Khyozhe khyozharaṅṅi semssi naṅṅa izug cia sammad? ²³ Ci sammaraḡ, 'Khyoraṅṅi sdigpaa shagspa taṅste in' zercespo lamo innogga ya 'Laṅste ḡul' zercespo? ²⁴ Innaṅ mirigssibua jigstennika sdigpaa shagspa taṅcessi waṅchaa yodkanbo khyozhaa stanin" tene Yeshui zaphogkanboa mols, "Ṃe khyoraṅ zerrad, loṅs, raṅṅi maltsa khurte khaṅpa soṅ."

²⁵ Tennamalla khoṅṅunni dunla kho laṅste khorāṅ nyalkanni maltsabo khurte Konchogga stodpa phulin khaṅpa soṅ. ²⁶ Mitshaṅma halaste Konchogga stodpa phuls, yaṅ stsiwa taṅ jigssi naṅṅa zers, "Diriṅ ṅadaṅṅunni halasshessi chaglas thoṅ."

Yeshui thallenkan Livia bodda dzads.

5:27 ne 32

²⁷ Te stiṅne Tsoo Yeshu philogga skyods yaṅ Livi zerkanbo thalnense nasseka dugste yodda zigs yaṅ khoṅṅi khoa mols, "Ṃe stiṅraṅne ḡoṅs." ²⁸ Kho laṅs yaṅ citshaṅma phaṅste Yeshui stiṅraṅne ḡaṅs.

²⁹ Tene Livi Yeshui phia khorāṅṅi khaṅpa ḡon chenmozhiḡ taṅs. Thallenkan taṅ zhan, mitshogs chenmozhiḡḡi khoṅṅun nyampo kharji zadpin. ³⁰ Innaṅ pharushipagun taṅ tenna sde chosthimsla khaspa gunni Yeshui lobṅuggunla skyonrjod coin zers, "Khyozhe thallenkan taṅ sdigcan migun nyampo cia zad yaṅ thuṅṅad?"

³¹ Yeshui khoṅṅunla lansals, "Zumo yoṅkanzhigga mane khamzaṅ mizhiḡḡa amchi gossa manog. ³² Ṃaa khyozha ḡaṅpo in samkangunla manpa, sdigcangunla gyadpa cocesla bodda yoṅspin."

Roza dugscessi skor.

5:33 ne 39

³³ Tene khoṅṅunni Yeshua zers, "Yohananni lobṅuggun taṅ pharushipe lobṅuggun lan maṅpo nyenasla dugste moslam zhurug, innaṅ nyeraṅṅi lobṅuggun tusgyun zen thuṅṅin cia dugganog?"

³⁴ Yeshui lansals, "Bagstonni nan̄a magpa nyampo yod zane khoe ðonpogun nyenasla duginna? Midug. ³⁵ Innan̄ tuspo lebin nam magpa ðonpogunne pheste khyerin, tene khon̄gunni sdugpo coste nyenaslaugin."

³⁶ Yeshui i ruṅspo shadda dzads, "Suzhiggian̄ koslag soma cadte snyin̄peka lanba tabba manog, galtes tabna koslag somabo chadin yan̄ lamba somabo snyin̄peka mizobs.

³⁷ "Tenna tsogsla chan̄ soma pagspe skyapa snyin̄pe nan̄a milug. Galtes lugna chan̄boa skyur lan̄ste pagspe skyapa boste chadin, chan̄ bote skyapan̄ dodmed chen. ³⁸ Chan̄ soma skyapa some nan̄a gyan̄gos. ³⁹ Yan̄ chan̄ snyin̄pa thun̄ste stin̄ne suzhiggian̄ soma thun̄in̄ ðoa manog. "Chan̄ snyin̄pa ðodcan rag" zerin.

Yeshu, shabbaddi Tsoo.

6:1 ne 11

6 ¹ Tsoo Yeshu shabbaddi ṅaltshoe zhagga zhin̄ gyudte skyodin yod zane, khon̄ṅi lob̄tuggunni zhin̄ṅi snyema cadte lagpeka snyeste saon gun zos. ² Pharushipa khaciggi ṅis, "Khyozhagunni shabbaddi ṅaltshoe zhagga las coste cia chosthims caggad^d?"

³ Yeshui khon̄gunla lansals, "Dabid tan̄ khoe ṅopagun stogste yod zane ci cos dampe sun̄rabssi nan̄ne khyozhe mane masilpinna? ⁴ Dabid Konchoggi kurri chodpa phulse nasse nan̄a son̄te dampe tagi khurte zos, tebo Yahudape lamaa mane zachogga medpin, yan̄ khoe, ṅopagunlan̄ tan̄s. ⁵ Tene Yeshui khon̄gunla mols, "Mirigssibua shabbaddi ṅaltshoe zhagga ci co chogs ya michogs zercessi wan̄cha yod."

⁶ Zhan shabbaddi zhagshigga Yeshu dukhan̄a skyodte labzha sals, teru lagpa yaspa khon̄ste kol manyankanni mizhig yodpin. ⁷ Yeshui kho gyalcugna shabbaddi zhagga las cocespoa skyon kalcesla chosthimsla khaspagun tan̄ pharushipagunni khon̄ṅa gyalla coste stendugs.

⁸ Khon̄gunni sambabo khyentean̄ lagpa khon̄skanni miboa Yeshui mols, "Yon̄ yan̄ tshan̄me dunla lon̄s." Tene kho yon̄ste lan̄ste dug. ⁹ Tene khon̄ṅi khon̄gunla mols, "ṅe khyozhaa ṅiad, chosthims nan̄zhin̄ shabbaddi zhagga las zan̄po co chogganogga ya ṅanpa, ṅog skyob chogganogga ya medkan?"

^d6:2 Yahudape thimsla shabbaddi zhagga las cochogga medpin.

¹⁰ Yeshui u gyurin khoṅ rerea zigs, tene lagpa khoṅskanboa mols, "Lagpa ṣkyoṅ" yaṅ khoe lagpa ṣkyaṅspa tebo siṅ gyal. ¹¹ Innaṅ khoṅgunla ṣo ṣaṅte yoṅste Yeshu nyampo ci coin zerte khoranṅunni naṅṅa ḍabs coces gozug.

Yeshui skutshabs rcugnyispo skoa dzads.

6:12 ne 16

¹² Zhagshig Yeshu moslam zhuala rihiggika skyods, yaṅ tshan gaṅpo Konchogga moslam zhus. ¹³ Datog chacig lobṭuggun bodda dzads yaṅ khoṅgunni ṭone rcugnyis ldamma dzadte khoṅgun skutshabsla skoa dzads. ¹⁴ Skutshabs rcugnyispoe miṅgun,
Shimon (Yeshui khoe miṅṅa Piṭar tagga dzads), khoe no Enḍriu, Yakob, Yohanan, Philib, Bartholma, ¹⁵ Madtha, Thomas taṅ Alphaiussi butsha Yakob, Shimon (Khoa yuldadcan zerradpin), ¹⁶ Yuda^e Yakobbi butsha taṅ Yuda karyodpa kaboe Tsoo Yeshua stiṅne ṅolog cos.

Cinlabs taṅ jigssnaṅ.

6:17 ne 26

¹⁷ Tsoo Yeshu lobṭuggun nyampo rine babste nassa nyomshig phalcanzhiggika zhugs. Teka khoṅṅi lobṭug maṅpo taṅ Yahuda yuljoṅs, Yerushalem gyalsa yaṅ gyatshoe thama yodkanni Thayir taṅ Sidon gyalsa gunne yoṅskanni mitshogs chenmo dzomte yodpin. ¹⁸ Khoṅgun Yeshu yodsa khoṅṅi labzha nyances yaṅ khoṅraṅgunni nad gyalcuggala yoṅs, yaṅ goṅpo zhugste yodkangunnaṅ Yeshui phancugga dzads. ¹⁹ Mitshaṅme Yeshua lagpa thugcessi stsonḍus coadpin ciazerna khoṅṅi naṅne phancugcessi stobs biṅste nadpa tshaṅma gyalcugga dzads.

²⁰ Tene Yeshui lobṭuggunla zigste mols,

"Nyalbacan khyozhaa cinlabscan in,

Ciazerna khyozhaa Konchoggi gyalṣid norskalla thobin.

²¹ Dagsa stogskangun khyozhaa cinlabscan in

Ciazerna khyozhagun tshimshugga dzadin.

Dagsa ṅukangun khyozhaa cinlabscan in

Ciazerna khyozhagun godin.

²² Mirigssibua tatpa cocespoe

^e6:16 khoa Thaddaussaṅ zerradpin

Migunni naphrad coste,

Theł cugste ʈoa maʂea ʈanpa thekangun

Khyozhaa cinlabsan in.

²³ Tezug cuŋnacig thadpo coste choms, ciazerna namkhe nanpa khyozhaa solras ʈagpo yod. Tenna tsogs ʈanpa kxoŋgi phamespogunniaŋ Konchoggi luŋstonpagun nyampo cospin,

²⁴ Innan khyozhaa chugpogunla tsamshiggi jigspa miyoŋ

Khyozhagunla skyidpo thob tsharte in.

²⁵ Dagsa ʈodpa ʈanʂkangun khyozhaa tsamshiggi jigspa miyoŋ

Khyozhaa stogri ʂante thoŋin.

Dagsa godkangun khyozhaa tsamshiggi jigspa miyoŋ,

Khyozhagunla sdugpo taŋ ʈuces yoŋin.

²⁶ Mitshaŋme stodpa taŋkan khyozhaa tsamshiggi jigspa miyoŋ

Kxoŋgunni phamespogunniaŋ zusme luŋstonpagunla

Stodpa taŋste inpin.

ʈaogunla yasha coces.

6:27 ne 36

²⁷ Innan ʈe khyozhaa nyankangunla zerrad, ʈaogunla camspa yaŋ khyozhaa naphrad cokangunla zaŋpo cos, ²⁸ khyozhaa ʈan tabskangunla cinlabs toŋ yaŋ khyozhaa ʈanpa cokangunni phia moslam tob. ²⁹ Galtes suzhiggi khyozhe ʈampa yaspaa ʈamlcags taŋna, ʈampa yomaŋ ʈamlcags lennala stantoŋ. Galtes suzhiggi khyozhe Kospo kogste khyerna khoa kamispoaŋ khyercesne ghag maghag. ³⁰ Toŋ zerkan tshaŋmala toŋ, yaŋ miospa coste khyozhe nor khyerkanboa logste khyoŋ mazer. ³¹ Zhanme khyozhaa cogos samkan tsogs khyozhagunniaŋ zhanmagunla cos.

³² Galtes khyozhaa camspa cokangunla khyozhe camspa cona, khyozhaa ci phanthogs thobin. Sdigcangunniaŋ kxoŋpa camspa cokangunla camspa coanog.

³³ Yaŋ galtes khyozhe khyozhaa zaŋpo cokangunla zaŋpo cona khyozhaa ci phanthogs thobin. Mi sdigcangunniaŋ tezug coanog. ³⁴ Yaŋ galtes khyozhe logste thobcessi rewaa yodkangunla skyiste taŋna, khyozhaa ci phanthogs thobin. Mi sdigcangunniaŋ sdigcangunla skyiste gaŋpo logste thobcessi rewaa borranog.

³⁵ Innan khyozhe ʈaogunla camspa taŋ zaŋpo cos yaŋ logste thobcessi samba mataŋpa kxoŋgunla skyis. Tene khyozhaa solras chenmo thobin yaŋ khyozhagun

kunwan Konchoggi tugugun gyurin ciazerna khotji, kaŋin midankan taŋ miŋanpa tshaŋmala thugrje zigsanog. ³⁶ Khyozhe namkhe yab snyinjrecan zhugskan tsogsla khyozhaŋ snyinjrecan gyur.

Zhanme skyon phiŋces.

6:37 ne 42

³⁷ Khyozhe zhanmaa skyonrjod maco tene khyozhaŋ skyonrjod midzad. Zhanmaa nyalwe naŋŋa lebcessi ospa dug mazer, tene khyozhaŋ nyalwe chadpa mipfog. Shagspa toŋ tene khyozhaŋ shagspa salla dzadin. ³⁸ Zhanma toŋ, tene khyozhaŋ salla dzadin, tebo tabcessi noddin naŋŋa nante skaŋste ludin Konchoggi semssaŋste khyozhe thoe naŋŋa salin. Khyozhe kolkanni tshadpo khyozhagunni phiaŋ kolla dzadin."

³⁹ Khoŋgunla ruŋs gyudte Yeshui mols, "Zharazhiggi zharaa lam stannyaninna? Nyiska sadoŋŋi naŋŋa migyellaa? ⁴⁰ Lobtug lobponni saŋ tagga manog, innaŋ lobponne lobjoŋ tharkhyel thobste stiŋne lobtuggaŋ kho tsogs gyurin.

⁴¹ Khyozhe raŋŋi miggi naŋŋa yodkanni rduŋmaboa naŋstag coa medna tene spunni miggi naŋŋa yodkanni shiŋpheboa cia stad? ⁴² Khyoraŋŋi spunla, 'De khyoraŋŋi miggi naŋne shiŋphebo phiŋin' zercessi hampa kazuggi coad, nam khyoraŋŋi miggi naŋŋa yodkanni rduŋmabo khyoraŋŋa thoŋŋa midug. Khyozhaa khachospagun, sŋunla raŋŋi miggi rduŋmabo phiŋ, tene spunni miggi naŋne shiŋphebo phiŋŋala khyozhaa salpo coste thoŋ thubin."

Lcaŋma taŋ teboe ɗasbu.

6:43 ne 45

⁴³ "Lcaŋma zaŋpozhiŋga ɗasbu ŋanpa mismin yaŋ lcaŋma ŋanpazhiŋga ɗasbu zaŋpo mismin. ⁴⁴ Lcaŋme rigspo teboe ɗasbui kane shessanog. Tshermanŋi kane phiggi khazas ya lcaŋtsherri kane rgunni khazas mitu. ⁴⁵ Mi zaŋpoe sems zaŋpoe baŋdzodne ɗasbu zaŋpo sminnanog, yaŋ mi ŋanpe sems ŋanpe baŋdzodne ɗasbu ŋanpa sminnanog. Snyin gaŋste ludkanbo kane biŋŋanog.

Magldan sna nyis.

6:46 ne 49

⁴⁶ "Khyozhe ŋa Tsoole Tsoole cia zerrad, nam khyozhe ŋe zerkangun coa midug? ⁴⁷ Ɗeka yoŋste ŋe speragun nyante teka laglen cokaŋbo kazug mizhiŋ

in ñe khyozhaa stanin. ⁴⁸ Kho konḁo ḁuste khaṅpa stsigcesla ḁaggika magldan taṅkanni mi tsogs in. Chulog yoṅste khaṅpa ṣaṅte phognaṅ zhiḡ mazhiḡ ciazerna tebo stanpo stsigste yodpin. ⁴⁹ Ñe zerkangun tshorte laglen macokanbo, magldan mataṅṅa khaṅpa seka stsigskan tsogs in. Chuloggi chu phoggacig khaṅpabo rdibste pad medkan chen."

Maggye sponboe tatpa.

7:1 ne 10

7 ¹ Migunla labzha tshaṅma sal tsharracig, Tsoo Yeshu Kapharnahummi ḁoṅkhyerla skyods. ² Teru Rompa maggye sponboe, ma cespā cokanni yogpohigga zumo ṣaṅte yoṅste shikyis yodpin. ³ Magmi sponboa Yeshui skorla tshorracig, skyodte yogpobo phancugga dzadcessi zhuwaa phulcesla Yahudape sponbo khacig Yeshu yodsa lamcugs. ⁴ Khoṅgun Yeshu yodsa yoṅs yaṅ snyiṅne zhuwaa ṣaṅte phulte zers, "I mibo nyeraṅṅi roḡs dzadcessi ospa in ⁵ ciazerna khoe ṅadaṅṅi migunla camspa coste ṅadaṅṅi dukhaṅbo stsiggala roḡs coste in." ⁶ Tene Yeshu khoṅgun nyampo skyods.

Khaṅpe nyemōa lebte yod zane, maggye sponboe khorāṅṅi dzaogun Yeshua izug zercesla kals, "Tsoo obgyal madzad, nyeraṅ ṅe khaṅpa skyodcessi ospa ṅa man. ⁷ Tenna gyuntshanboe phia ṅaa nyeraṅṅi dunla jalcespoaṅ ospa matshor. Innaṅ nyeraṅṅi ka salna, ṅe yogpo phanin ⁸ waṅche yogga ṅaṅ duggad yaṅ ṅe waṅche yogga magmigun yod. Ñe cigga soṅ zerna chanog yaṅ cigga yoṅ zerna yoṅṅanog, yaṅ ṅe yogpoa i laspo cos zerna coanog."

⁹ Yeshui tebo sannacig, halaste khoṅṅa ḁaṅste yoṅkanni mitshogs chogsla gyurte mols, "Ñe khyozhaa zerrad, Israelli naṅṅaṅ ṅa itsogssi tatpacanzhiḡ mane mathob."

¹⁰ Tene lamcugkanni migun khaṅpa logte lebbacig, yogpōboa zumo gyalte thoṅ.

Yeshui maraṅmozhiḡḡi butsha sontea laṅṅa dzads.

7:11 ne 17

¹¹ Stiṅma zhagga Tsoo Yeshu Nayin ḁoṅkhyerla skyods, yaṅ khoṅṅi lobṅug taṅ mitshogs chenmozhiḡ khoṅ nyampo saṅ. ¹² ḁoṅkhyerri gyasghoe nyemo lebbacig ane maraṅmozhiḡḡi butshaa cigcigpo shikanni ro philogga phiṅste khyoṅṅadpin yaṅ te ḁoṅkhyerri mitshogs chenmo kho nyampo yodpin. ¹³ Yeshe bumobo zigssacig, snyiṅrje skyeste khoa mols, "Ñu maṅu." ¹⁴ Tene roghammi dunla skyodte chagstsea dzads, spur khurkangun ḁul maḁulla dugḡ. Khoṅṅi mols,

"Khyogtoŋ khyoraŋŋa ŋe zerrad, loŋs." ¹⁵ Shikanbo laŋste spera taŋces gozugs yaŋ Yeshui kho khoraŋŋi ama stadda dzads.

¹⁶ Mitshaŋme jigssi naŋŋa Konchogga stodpa phulin zers, "Luŋstonpa taŋpozhiŋ ŋadaŋŋi ŋoa skyodte innog. Konchog ŋadaŋŋi migunla rogs dzaddala skyodte innog." ¹⁷ Te nastshulbo yahude yuljoŋs gaŋpo taŋ nyekhorri yul tshaŋme naŋŋa khyebs.

Tsoo Yeshu taŋ Yohanan thussalkan.

7:18 ne 35

¹⁸ Yohananni lobtuggunni khoŋŋa Tsoo Yeshui dzadkan tshaŋma shadspa, lobtug nyis bodte, ¹⁹ Yeshu yodsa i ŋiwabo ŋiala lamcugs, "Luŋstonpagunni skyodin molkan Mashika nyeraŋ zhugste inna ya ŋazhaa yaŋzhigga ŋuŋ?"

²⁰ Khoŋgun Yeshu yodsa lebbacig zers, "Yohanan thussalkanni ŋazhaa ibo ŋiala kals, 'Luŋstonpagunni skyodin molkan Mashika nyeraŋ zhugste inna ya ŋazhaa yaŋzhigga ŋuŋ?' "

²¹ Tenna tusla Yeshui nad yoŋkan, zumo yodkan maŋpo phancugs, goŋpo zhugskan maŋpo phiŋŋa dzads yaŋ zhara maŋpoa migne thoŋ cugga dzads.

²² Yeshui lon khyoŋkangunla lansals, "Logste soŋ yaŋ khyozhe thoŋkan taŋ tshorkan gun Yohananla shod. Zharagunla thoŋ, zhaogun duls, dzenadcangun gyalte stsaŋma soŋ, matshorkangunni tshor, shikangun sontea laŋs, yaŋ nyalbacangunla gamoe nastshul shads. ²³ Khoa shod, ŋe cokangunni zhaste ŋaa maphaŋkangunla cinlabs salla dzadin.

²⁴ Yohananni lon khyoŋkangun logste cha tsharracig, Yeshui mitshogsla Yohananni skorla molces gozugs, "Khyozhaa ristoŋŋi naŋŋa kazug mizhigga stala soŋpin? Chui thame ljaŋspa luŋspoe skulla tsogsla, labzhe naŋŋa tusgyun gyurja khyoŋkan zhigga? ²⁵ Galtes manna khyozhagun ci stala soŋpin? Mi koslag jampo taŋ rincan gonkanzhig khyozhagunni thoŋŋa? Mathoŋ. Kos rincan gonkan taŋ rincan calag kolin mitshe phudkangun gyalpoe kharla dugganog. ²⁶ Khyozhaa luŋstonpazhigga stala soŋpinna? Ona, kho luŋstonpa saŋ taggazhiŋ in. ²⁷ Dampe suŋrabssi naŋŋa khoe skorla Konchoggi molla dzadte dug,

"Stos, khyoraŋŋi saŋ sŋunla ŋe ŋaraŋŋi lonkhyerkanbo kalin.

Khoe khyoraŋŋi phia lam daldig coin.

²⁸ Æe khyozhaa zerrad, dagsa tshogpa skyeskan migunni naŋne Yohananni saŋ taggazhig suaŋ medpa innog, innaŋ namkhe gyałšiddi naŋŋa chuŋshogpo Yohananni saŋ tagga in.

²⁹ (Thalnenkangunnaŋ theste Yeshui molkangun tshorkan tshaŋme, Konchoggi thabspo ni dzomspo innog zers ciazerna khoŋgunni Yohananni salkanni thus lente inpin. ³⁰ Innaŋ pharushipagun taŋ chosthimsla khaspagunni Yohananne thus malenna khoŋraŋgunni phia Konchoggi thabspo phaŋs).

³¹ Yeshui mols, "Æe i Mirabspo su nyampo ldur? Khoŋgun su tsogs innog?"
³² Thomssi naŋŋa dugkanni ŋugugun tsogs kagunni cig taŋ cigga bodin zerdug,
 Æazhe liŋbu phusteaŋ khyozhaa mastses.
 Æazhe shadpa taŋ zane khyozhaa maŋus.

³³ Tenna tsogsla Yohanan thusalkan yoŋste zan mazos ya chaŋ mathuŋspa khyozhe khoe naŋŋa rdud zhugste innog zers. ³⁴ Mirigssibu yoŋte zan zoste chaŋ thuŋspa, khyozhe kho zen dugkan taŋ raroste dugkan yaŋ thallenkan taŋ sdigcan gunni dzao innog zers. ³⁵ Innaŋ ŋazhaa Konchoggi shesrabssi lammika đulkanbo shesrabscangunni shessanog^f."

Yeshui sdigcan bumozhigga shagspa sals.

7:36 ne 50

³⁶ Tene pharushipazhiggi Tsoo Yeshua khoe khaŋpa dontaŋŋa bodpa, Yeshu khoe khaŋpa skyodte dontaŋ donnala cogtse dunla zhugs. ³⁷ Te đoŋkhyerri naŋŋa codlam ŋaŋpa yodkanni bumozhigga Yeshu pharushipe khaŋpa dontaŋ donna zhugste yodkanbo tshorracig, kho karyol kuspoe noddı naŋŋa ŋizhimcanni marnag rincan skaŋskanbo khurte yoŋs. ³⁸ Yeshui gyabba khoŋŋi zhabssi dunla pigdoŋ tsugste ŋuinnaŋ chima nyampo khoŋŋi zhabs lonpa coste khoranŋi řa nyampo phiin, pug taŋste, khoe ŋizhimcanni marnag lugs.

³⁹ Yeshu dontaŋŋa bodkanni pharushipaboe tegun thoŋte, "Galtes khoŋ luŋstonpazhig inna, khoŋŋa lagpa stsein yodkanni bumobo sdigcanzhig inkan shesgos" sam.

⁴⁰ Khoe samin yodkanboa Yeshui lansals, "Shimon ŋe khyoraŋŋa cig zerin."
 Khoe zers, "Lobponle molla dzad."

^f7:35 Griissi skaddi naŋŋa i kaŋpabo izuggi Griiste yodte innog "Innaŋ denbe shesrabspo ni teboe ŋugu tshaŋme stannanog."

⁴¹ Bulon taŋkanzhiggi mi nyisla pene bulon taŋs, cigpoa zhagma ŋabgye lacha zamshig yaŋ cigpoa zhagma ŋabcui lacha zamshig. ⁴² Khoŋ nyiskoa bulon logste shal manyan pasan bulon taŋkanboe khoŋgunni bulonbo phudtaŋs. Ta khoŋgunni naŋne sui bulon taŋkanboa maŋŋa cespa coin."

⁴³ Shimonni zers, "Ŋe sammaraŋ bulon maŋŋa phudkanboe." Yeshui mols, "Khyoraŋŋi ɗaŋpo zers."

⁴⁴ Tene bumobo chogsla zigste Yeshui Shimonla mols, "I bumo thoŋŋaa? Ŋa khyoraŋŋi khaŋpa yoŋsteaŋ khyoraŋŋi ŋe kaŋpa ɗhuala chu mataŋs, innaŋ i bumoboe ŋe kaŋpa khoranŋi chima nyampo ɗhuste ɗaa nyampo phis. ⁴⁵ Khyoraŋŋi ŋaa pug mataŋs innaŋ i bumoboe ŋa naŋŋa yoŋspane pharla ŋe kaŋpaa pug taŋin dug. ⁴⁶ Khyoraŋŋi ŋe goa marnag maskus innaŋ i bumoe ɗizhimbo ŋe kaŋpeka lugs."

⁴⁷ "Ŋe khyoraŋŋa zerrad, i bumoe sdigpa cokaŋ maŋpoa shagspa taŋspa, khoe cespa maŋpo cos. Innaŋ sdigpa nyuŋun cokanni sdigpa shagspa taŋkanboe camspa nyuŋun cos."

⁴⁸ Tene Yeshui bumoboa mols, "Khyoraŋŋi sdigpagunla shagspa taŋste in."

⁴⁹ Zhan ɗonpogunni khoranŋ cig taŋ cigga zers, "Sdigpa shagspa taŋcessi hampa cokanni i mibo su innog."

⁵⁰ Yeshui bumoboa mols, "Khyoraŋŋi dadpe khyoraŋ skyobste in. Ta soŋ Konchoggi zhide khoranŋ nyampo innog."

Yeshua ɗaŋskanni bumogun.

8:1 ne 3

8 ¹ Stiŋma zhagga Tsoo Yeshu Konchoggi gyaɗsiddi gamoe nastshul shadcesla ɗoŋkhyer taŋ gamyul cigne cigga skyods, yaŋ khoŋ nyampo lobɗug rcugnyispo yaŋ ² rdud zhugskan taŋ nad gunne gyalcugga dzadkanni bumo khacig yodpin: rdud rdun phiŋŋa dzadkanni Miryam Magdallenma, ³ Herodadi chagzod kuze nama Yoanna, Susanna taŋ yaŋ bumo maŋpo. Khoŋgunni raŋŋi nor gyudte Yeshu taŋ khoŋŋi lobɗug rcugnyispoe gosdomgun riggaɗpin.

Zhiŋbadpe saon tabkanni ruŋs.

8:4 ne 15

⁴ ɗoŋkhyer sosone migun yoŋte Yeshu yodsa michogs chenmo dzomin yod zane khoŋŋi i ruŋspo shadda dzads, ⁵ "Zhiŋbadpazhig saon tabbala soŋ. Zhiŋŋa saon

tab zane khacig lammika bud, mii kanpe nans yaŋ cipa yoŋste tegun zos. ⁶ Saon khacig ɗaggika bud yaŋ skyeacig, se naŋŋa hus medpa skamste shi. ⁷ Saon khacig tshermanŋi ɗoa bud yaŋ saon nyampo tshermanŋ skyeste nanpa zhiŋbo ldan mathub. ⁸ Zhan saongun sa gyalla yodse zhiŋŋika budpa, skyeste stonthog smin, kabo saon tabkan ni 100 gyur yodpin." Tebo mol tsharracig khoŋŋi shednaŋ mols, "Namchog yodkangunni ŋe zerkanla nyonshig."

⁹ Tene yeshi lobtuggunni khoŋŋi shadda dzadkanni ruŋssi tonbo khoŋŋa ɗis. ¹⁰ Khoŋŋi khoŋgunla mols, "Konchoggi gyaɗɗiddi saŋwagun khyozhaa hagocesla goŋspa salla dzadte innog, innaŋ dampe suŋrabssi naŋŋa ɗia dzadkanbo ɗanda ɗubcesla ŋe zhangunla ruŋs gyudte shaddad, tebo ni,

"Khoŋgunni ŋe cokangun thoŋnaŋ ŋa su inkanbo ŋoshessa midug,

Khoŋgunni ŋe shadkangun tshornaŋ hagothubba midug."

¹¹ "Te ruŋssi ton ni ibo in, saonbo ni Konchoggi ka in. ¹² Lammika saon budkangun ni Konchoggi ka tshorkangun innog, innaŋ tatpa coste tharpa mithobcesla shetan yoŋste khoŋgunni snyiŋŋi naŋne tebo kogste khyerranog. ¹³ ɗaggika saon budkanbo ni Konchoggi ka tshorracig thadpo nyampo tatpa cokangun innog. Teboa paɗag tiŋcan med pasanŋ khoŋgunni tus nyuŋunzhiggi phia tatpa corug, yaŋ tshodlte tusla tatpa phaŋin. ¹⁴ Tshermanŋssi ɗoa budkanni saongun ni, Konchoggi ka tshorkangun innog innaŋ mitshe tsherkha, gyunor taŋ skyidpo gunni nante khoŋgunni tatpa ldanna manog. ¹⁵ Innaŋ sa zaŋpoeka saon budkanbo ni snyiŋ zaŋpo taŋ ɗaŋpo nyampo Konchoggi ka nyankangun innog yaŋ zodpa nyampo tebo stanpo thamste dugspa ɗasbu maŋpo sminnanog."

Od taŋ odstagssi ruŋs.

8:16 ne 18

¹⁶ "Migunni od tugste gormoe yogga vaste ya maltse yogga maborra naŋŋa yoŋkangunni teboe ldaŋssi naŋŋa thoŋcesla odstagssika borin. ¹⁷ Vaste borkan tshaŋma philogga phiŋŋa dzadin, yaŋ kabste borkan tshaŋma oddi naŋŋa khyoŋŋa dzadte tshaŋma sŋoncugga dzadin.

¹⁸ Teboephia khyozhe nyantshulboeka snaŋstag toŋ. Ɗe labzha nyankangunla maŋŋa hagocugga dzadin, innaŋ manyankangunne hagote yod samkanboan khyerra dzadin."

Yeshui denbe naŋmi

8:19 ne 21

¹⁹ Tene Tsoo Yeshui ama taŋ nogun khoŋ jalla yoŋs, innaŋ mitshogs chenmo yodcespoe khoŋŋi dunla leb mathub. ²⁰ Mizhiggi khoŋŋa zers, "Nyeranŋi ama taŋ nogun nyeraŋ jalla philogga ŋunte dug."

²¹ Yeshui lansals, "Konchoggi ka nyante laglen cokangun ŋe ama taŋ nogun in."

Yeshui luŋrag medkan dzads.

8:22 ne 25

²² Zhagshig Tsoo Yeshui khoŋraŋŋi lobtuggunla mols, "Dadaŋ tshoe pharka chen." Tene khoŋgun tuziŋzhiggi naŋŋa zhonte skyods. ²³ Tuziŋŋi naŋŋa chaa zane Yeshu nalla skyods. Namtshubste tshoe naŋŋa luŋrag tagpo yoŋste tuziŋ chui gaŋste nubcessi jigssnaŋ yodpin.

²⁴ Lobtuggun soŋte Yeshui nyidtshadda dzadte zers, "Sponbole, sponbole, ŋazhagun chui naŋŋa nubte shices dug." Khoŋ zhaŋste luŋrag taŋ chulbag gunla khaskyeya dzads, tennamalla tegun medkan soŋte zhide cuŋ. ²⁵ Khoŋŋi khoŋgunla, "Khyozhe tatpa karu soŋ" mols.

Lobtuggun jigsin halaste cig taŋ cigga zers, "Khoŋ su innog? Khoŋŋi ka sallacig luŋspo taŋ gyatshoiŋ khaa nyandug.

Yeshui mizhigne rdudgun phiŋŋa dzads.

8:26 ne 39

²⁶ Tene khoŋgun tuziŋŋi naŋŋa Galilli yuljoŋsne tshoe pharka yodkanni Gerasenni yuljoŋsla leb. ²⁷ Tsoo Yeshu tuziŋne biŋŋa dzaddacig, tenna doŋkhyerri mi, rdud zhugskan zhig khoŋ jallala yoŋs. Kho ljernyalla tus maŋpozhighne pharla khaŋpa madugga Romkhaŋgunni naŋŋa duggadpin.

²⁸ Khoe Yeshu jallacig kuco ŋante taŋin Yeshui zhabssi dunla gyelte zers, "Yeshu Konchog kunwaŋŋi ŋas, nyeraŋ ŋe lassi naŋŋa cia deŋsad? Juju ŋa nags stanna madzad" ²⁹ Ciazerna Yeshui rdudpoa, miboe naŋne biŋte yoŋ molte ka sals. (Miboe kaŋlag lcagthags nyampo ciŋste ŋuŋkan dugsteaŋ rdudpoe lan maŋpo khoeka waŋ ŋulte lcagthags cagste kho ristoŋŋa khyerradpin).

³⁰ Yeshui tia dzads, "Khyoraŋŋi miŋ ci in."

Khoe lantaņs, "Rdudtshogs" ciazerna khoe naņņa rdud maņpo zhugste yodpin.
³¹ Yaņ tegunni lan maņpo Yeshua khoņgun thaa mane medkanni sadoņ tiņcanni
 naņņa phaņņa midzadcesla juju zhus.

³² Teru rika phaggi khyu chenmozhig stsa zen yodpin. Rdudgunni Yeshua juju
 zhuste khoņgun te phaggunni naņņa chacugga dzadcesla zers, Yeshui tegunla
 goņspa salla dzads. ³³ Tene rdudgun miboe naņne biņte phaggunni naņņa zhugs.
 Yaņ phaggi khyu rine thurla baņtaņste tshoe naņņa bud yaņ chui naņņa nubte shi.

³⁴ Phagtshokangunni cuņkangun thoņņacig baņtaņste doņkhyer taņ nyekhorri
 nassagunla soņte tegun shads. ³⁵ Tene cuņkangun stala migun soņ, Yeshu yodsa
 lebbacig, rdudgun phiņkanni mibo Yeshui zhabssi dunla koslag gonte snyo
 masnyoa dugste thoņpa khoņgun jigs. ³⁶ Te tshaņma thoņkangunni rdudgun
 zhugskanni mibo Yeshui kazuggi gyalcugga dzadskanbo migunla shads. ³⁷ Gerasen
 yuljoņssi mitshaņma mașante jigspa, khoņgunni Yeshua khoņgunni yulne biņte
 skyod zers. Tene Yeshu taņ lobtuggun tuziņņa zhonte logste skyods.

³⁸ Rdudgun phiņkanni miboe Yeshua juju kho khoņ nyampo yoņ cugga dzadcesla
 zhuwa phuls, innaņ Yeshui kho logste lamcugga dzadte mols, ³⁹ "Khaņpa logste
 soņ, yaņ mitshaņmala khyoraņņi phia Konchoggi dzadkan tshaņma shod." Tene
 kho soņte doņkhyer gaņpoe naņņa Yeshui khoe phia dzadkan tshaņma shads.

Bumo chuņun shikan taņ nachuņ zumo yoņkan.

8:40 ne 56

⁴⁰ Tshoe aņo chogssi pharka lebbacig mitshogs chenmozhiggi Yeshua gasus zhus
 ciazerna khoņgun khoņ skyodcesla suņste yodpin. ⁴¹ Tene Yeras zerkan Yahudape
 dukhaņņi uskyoņzhig yoņste Yeshui zhabssi dunla gyelte juju zhuin khoe khaņpa
 skyodcesla zers, ⁴² ciazerna halam lo rcugnyis chakanni khoe bumo cigcigpo
 shikyis yodpin.

Yeshu kho nyampo skyod zane mitshogs chenmoe khoņņa nante khyoņs,
⁴³ budkanni lo rcugnyisne pharla tusgyun zugspo zhigcessi zumo yoņskanni
 bumozhig mitshogssi toa yodpin. Suzhiggaņ kho nadpone phancug manyan. ⁴⁴ Kho
 Yeshui gyabne yoņste khoņņi namze tuzhigga lagpa tuggacig, khoe thagpo chad.

⁴⁵ Yeshui mols, "Daasui lagpa tugs."

Mitshaņme lagpa matugspin zers, tene Pițarri zers, "Sponbole, mitshogssi nyeraņ
 nanin phulin khyoņdug."

⁴⁶ Innaj Yeshui mols, "Suzhiggi ña lagpa tugs ciazerna ñe nañne phancugkanni stobs biñte chakanbo ña tshor." ⁴⁷ Tene bumoboe tebo vaste bor minyannanog samte, darin Yeshui dunla yoñste khoññi zhabssika gyels. Mitshañme dunla khoe Yeshua lagpa cia stsespin yañ lagpa tuggacig tennamalla khoe zumo phankanbo shads. ⁴⁸ Tene Yeshui khoa mols, "Bumo khyoraññi dadpe khyorañ phancugste in. Zhidee nyampo soñ."

⁴⁹ Khoññi zhalta salin yod zane, dukhaññi uskyoñ Yerassi khañpane mizhig yoñste khoa zers, "Nyeraññi bumobo shi. Ta lobponlea obgyal stanna madzad."

⁵⁰ Tebo tshorracig, Yeshui Yerasla mols, "Jigs majigs, khyoraññi tatpabo stanpo yodna khyoraññi bumo gyalin."

⁵¹ Yeshu Yerassi khañpa lebbacig, Piñar, Yakob, Yohanan tañ bumoe phama mastogs zhansuzhiggañ khoñ nyampo yoñ cugga madzads. ⁵² Tenna tusla mitshañma ñuin nyañan coadpin, Yeshui khoñgunla mols, "Mañu, kho mashia nyidlogste in."

⁵³ Khoñgunni ðhelgod tañs ciazerna khoñgunla bumo shite inkan gyusyodpin.

⁵⁴ Innaj Yeshui bumoe lagpa thamssa dzadte khoa mols, "Ñe ðugu, loñs."

⁵⁵ Tennamalla bumoe semsnyid logste yoñspa kho koag lañs yañ Yeshui khoñgunla bumoboa citoñshig zaa tañcesla mols. ⁵⁶ Phamagun mañante halas innaj Yeshui khoñgunla cuñkanbo suañ mishadcesla ka sals.

Yeshui lobñug rcugnyispo kalla dzads.

9:1 ne 9

9¹ Tsoo Yeshui skutshabs rcugnyispoa bodda dzadte rdud zhugskangunni nañne rdud tshañma phiñces tañ nad phancugcessi khyud tañ wañcha salla dzads. ² Yañ Konchoggi gyalñiddi gamoe nastshul shadces tañ zumo yoñkangun phancugcesla tekane lamcugga dzads. ³ Khoñgunla mols, "Khyorañgunni bessi phia ðulcessi berga, ya jola, ya kharji ya pene ya koslag theba makhur. ⁴ Khyozhaa dugsa tañkanni khañpe nañña dug nam tshogpa te ðoñkhyerne biñte chaa michaa. ⁵ ðoñkhyerzhiggi nañña suzhiggiañ khyozhaa gasus macona, te ðoñkhyerne biñte chaa zane raññi kañpe thalba ðugste khoñgun Konchoggi chadpe phia borte inkanbo ston." ⁶ Khoñgun khamyulne khamyulla skyodte karuñsa gamoe nastshul shads yañ zumo yoñkangun phancugga dzads.

⁷ Kalon Herodala Yeshui dzadkan tshañma tshorpa thamathetshoms soñ ciazerna khaciggi Yohanan shikangunni ðone santea lañña dzadte innog zerradpin.

⁸ Zhan khaciggi sɔnme luɔstonpa Eliya sɔnte innog yaɔ khaciggi sɔnme luɔstonpagunni ʈone cig sɔntea laɔste innog zers. ⁹ Herodadi zers, "De Yohananni go cadcugste inpin. Tene ibo su innog kaboe skorla ɔa halasshessi speragun tshorin innog" yaɔ khoe Yeshu thoɔncessi skabzhig tsalladpin.

Yeshui mi stoɔɔɔaa kharji sals.

9:10 ne 17

¹⁰ Tsoo Yeshui skutshabsgun logte yoɔste khoɔgunni cɔkan tshaɔme skorla shads, yaɔ Yeshui khoɔgun cigpo ʈidte Bedseda zerkanni doɔkhyerla skyods.

¹¹ Innaɔ mitshogsla tebo gyussɔnte khoɔɔi stiɔraɔne ɔaɔste sɔɔ. Yeshui khoɔgunla gasus zhuste Konchoggi gyaɔsiddi skorla shadda dzads yaɔ khoɔɔi zumo yoɔste yodkangun phancugga dzads.

¹² Nyima gorgorla, lobɔug rcugnyispo Yeshu yodsa yoɔste zers, "Nyekhorri nassa taɔ gamyulgunla sɔnte khorɔgunni phia zan nyoces yaɔ dugsa tsalcesla mitshogspo lamcugga dzaddaɔ ciazerna ɔadaɔgun caɔ medse ristoɔɔi naɔɔa innog."

¹³ Yeshui mols, "Khyozhe khoɔgunla zaces toɔ."

Khoɔgunni lantaɔs, "Dazhaa i mitshogsla gabcessi zan nyoa sɔnte mane, ɔazhe lagga tagi ɔɔa taɔ nya nyis mane med" ¹⁴ Teru yodkanni butshagunni^g ɔaɔska stoɔɔa zamshig yodpin.

Yeshui lobɔuggunla mols, "Ta tshaɔma halam ɔɔabcu ɔɔabcui sde coste dugcug."

¹⁵ Tene khoɔɔi molkan naɔzhin khoɔgunni mitshaɔma dugcugs. ¹⁶ Yeshui tagi ɔɔa taɔ nya nyispo chagga namste, namkhaa zigste Konchogga thugrjeche zhus, yaɔ cagste mitshogsla gocessi phia lobɔuggunla salla dzads. ¹⁷ Khoɔ tshaɔma ɔaɔɔaɔ zos yaɔ lobɔuggunni laglusgun lɔuspa pagtse rcugnyis gaɔ.

Pitarri Yeshu su inkanbo shads.

9:18 ne 27

¹⁸ Zhagshig Yeshui cigpo moslam zhua skyods khoɔɔi lobɔuggun khoɔɔi nyemoa yodpin, khoɔɔi khoɔgunla ʈia dzads, "Migunni ɔa su innog zerdug?"

¹⁹ Khoɔgunni lantaɔs, "Khaciggi ʈussalkan Yohanan, khaciggi luɔstonpa Eliya, yaɔ zhanmagunni luɔstonpa shikangunni ʈone cigcig sɔntea laɔste innog zerdug."

^g9:14 te mitshogssi naɔɔa bumo taɔ ʈugu gunnaɔ yodkyag. Innaɔ tegun mastsia innog

²⁰ Yeshui mols, "Khyozhagunni ɲa su innog zerrad."

Pitarri lantaɲs, "Nyeranɲ Konchoggi ldamma dzadkanni Mashika zhugste innog."

²¹ Yeshui khoŋgunla te speragun suaɲ mishadcesla ka sals. ²² Khoŋɲi mols, "Uskyoŋgun, lama uskyoŋgun taɲ chosthimsla khaspagunni kane mirigssibua sdugsɲal maɲpo nyoŋste sadgoshes yaɲ zhag sumpe zhagga sonpo laɲin."

²³ Tene khoŋɲi khoŋ tshaɲmala mols, "De stiɲraɲne yoŋɲa thadkangun, raɲdod phaɲste zhagdaɲ raɲɲi sdugsɲalli ŋkyaɲshiɲ khurte ɲaa ɗaɲsgos. ²⁴ Raɲŋog skyobnyin yodkangunni denbe mitshe skyalin, innaɲ ɲe phia khoranɲi ŋog skyalkangunni denbe mitshebo skyobin. ²⁵ Mizhigga jigsten gaɲpo thobteaɲ raɲɲi denbe mitshe skyalna ci phanthogs. ²⁶ Galtes suzhiggi ɲaa taɲ ɲe labzhagunla ɲhelba tshorna, ɲa mirigssibu ɲaraɲɲi zirrijid taɲ yabbi zirrijiddi naɲɲa dampe phonyagun nyampo logste yoɲ zane, ɲeaɲ khoa ɲhelba tshorin." ²⁷ De khyozhaa denba zerrad, ika yodkan khacig Konchoggi gyaɲsid thoŋte mane mishi."

Yeshui zirrijid sɲons.

9:28 ne 36

²⁸ Tegun molte halam zhag gyaddi stiɲne Yeshui Piɲar, Yohanan taɲ Yakob ɲhidte rizhiggika moslam zhuala skyods. ²⁹ Moslam zhuin yod zane khoŋɲi zhaldonɲi naɲɲa gyurja yoɲs, yaɲ khoŋɲi namzaa staminyances odcan karmo gyur. ³⁰ Hunmedla khoŋgunni mi nyis, Mozes taɲ eliyɛ Yeshua zhalsa salin jal.

³¹ Khoŋgunni zirrijiddi naɲɲa Yeshu jigstene skyodcessi skorla molla dzadin tshor, kabo Yerushalemmi naɲɲa khoŋɲi gyogspa ɗubcugga dzadin.

³² Piɲar taɲ khoe ɲopagun nyidla chen yodpin, innaɲ Yeshui zirrijid sɲonnacig khoŋgun nyidne padtshad yaɲ khoŋgunni Yeshui zirrijid taɲ khoŋ nyampo zhaɲste yodkanni mi nyisko jal. ³³ Yaɲ Mozes taɲ Eliya Yeshune bete skyod zane Piɲarri Yeshua zers, "Sponbole, ɲazhaa ika yodcespo magyalla soɲ. Yoŋshiggaɲ zhugsa sum stsigin, nyeraɲɲi phia cig, Mozessi phia cig, yaɲ eliyɛ phia cig." Khoa ci zergoshespo hamagopa, khoe tebo zers.

³⁴ Khoe tegun zerin yod zane ŋinzhig babste khoŋgun kabs, ŋinni kabin yod zane khoŋgun ŋante jigs. ³⁵ Tene ŋinni naɲne suɲskadciggi mols, "Ibo ɲe ŋas ɲaraɲɲi ldamkanbo in, khoe kanyon."

³⁶ Suɲskadpoe mol tsharracig, khoŋgunni Yeshu cigpo mastogs suaɲ majal. Lobɲuggunni thoŋkan taɲ tshorkangun tedusla suaɲ mashadda saɲste bors."

Yeshui butshazhiggi nanne rdud phiṅṅa dzads.

9:37 ne 45

³⁷ Stiṅmazhagga khoṅgun rine babste skyoddacig, mitshogs chenmozhig Yeshu thuggala yoṅs. ³⁸ Mitshogssi ṭone mizhiggi kuco taṅin zers, "Lobponle, juju ṅe butsha phancugga dzaddaṅ, kho ṅe ṭugua cigcigpo in. ³⁹ Rdudpo ṅe butshe nanṅa zhugsacig khoe kuco ṣaṅṭe taṅdug yaṅ kho sa gyabste zugspo gaṅpo darin kane voa biṅdug. Tus maṅchea rdudpo khoe nanṅa dugste khoa nags ṣaṅṭe standug. ⁴⁰ Nyeraṅṅi lobṭuggunla rdudpo phiṅ juju zerte zhuwa phulpin innaṅ khoṅgunla tebo phiṅ manyan."

⁴¹ Yeshui mols, "Tatpa medkan taṅ ṅanpa Mirabs, namtshogpa ṅa khyozhagun nyampo dug? Namtshogpa ṅe khyoraṅgun nyampo zodpa bor? Khyoraṅṅi butshabo ika khyoṅ."

⁴² Butshabo yoṅ zane rdudpoe kho sa gyabste zugspobo darin lus. Innaṅ Yeshui rdudpoa khaskyea dzadte butshabo phancugga dzads yaṅ kho khoranṅi abaa stads. ⁴³ Khoṅ tshaṅma Konchoggi chaglas jigspo thoṅte halas.

Mitshaṅme Yeshui dzadkan tshaṅma halaste sten yod zane, Yeshui khoṅraṅṅi lobṭuggunla mols, ⁴⁴ "Ḍe zercscanboa gyalla coste nyon: mirigssibua ṅolog coste ḍaogunni lagga stadin." ⁴⁵ Innaṅ khoṅgunla Yeshui molkanbo hamago ciazerna tegun saṅwe nanṅa borra dzadte inpin, yaṅ khoṅgunla teboe tonbo ṭicesla hampa mayoṅs.

Konchoggi gyaṣiddi nanṅa tagshog.

9:46 ne 50

⁴⁶ Lobṭuggunni nanṅa khoranṅunni ṭone tagshog su in zerin zerzer gozug. ⁴⁷ Tsoo Yeshui khoṅgunni samba khyenpa khoṅṅi ṭugu chuṅunzhig khyoṅste khoṅraṅṅi ldoa laṅcugga dzads. ⁴⁸ Tene Yeshui khoṅgunla mols, "Ḍe lobṭug incespoe suzhiggi i ṭugu tsogsshigga gasus cona ṅaa gasus coste in yaṅ suzhiggi ṅaa gasus cona ṅa kalla dzadkanni yabba gasus zhuste in. Khyozhe ṭone chuṅshogpo tagshog in."

⁴⁹ Yohananni zers, "Tsoo, mizhiggi nyeraṅṅi tshan khurte rdud phiṅṅa ṅazhe thoṅ, yaṅ ṅazhe khoa tebo co micugcessi stonḍus cospin ciazerna kho ṅadaṅṅi ṭopa manpin."

⁵⁰ Innaṅ Yeshui mols, "Khoa ghag maghag, suzhiggi khyozhe gyabgal macona kho khyozhe chogsla innog."

Samarriyapagunni Yeshua stsiwa macos.**9:51 ne 56**

⁵¹ Tsoo Yeshu namkhaa lencesti tus nyemo lebpa semssi nanja thetshoms madzadda khoj Yerushalem chogsla skyodda dzads. ⁵² Khojji lon khyerkan khagcig sjunla lamcugga dzads, chen yod zane khojgun Samarriya yuljonssi gamyulzhigga sojte Yeshu migun nyampo thugcesla daldig cos. ⁵³ Innañ te gamyulpagunni khojja gasus mazhus ciazerna khoj Yerushalemma skyodda dzadcespo khojgunla gyussoj. ⁵⁴ Khojji lobtug Yakob tañ Yohananni tebo thoñjacig zers, "Tsoo, nyeerañ thugsthadna ñazhe namkane me babste khojgun medkan cocesla ka tañña?"

⁵⁵ Innañ Yeshui khoj chogsla gyurra dzadte khaskyeya dzads. ⁵⁶ Tene khojgun zhan gamyulzhigga skyods.

Yeshua ñañshes lamo man.**9:57 ne 62**

⁵⁷ Tsoo Yeshu tañ khojji lobtuggun lamne skyod zane mizhiggi Yeshua zers, "Nyerañ karu skyodnañ ña nyerañña ñañste yoñin."

⁵⁸ Yeshui lansals, "Watsei watshañs tañ, namkhe ca catshañs yodte innog, innañ ña mirigssibua go borte ñaltshocessi nassañ med."

⁵⁹ Yeshui zhan mizhigga mols, "Ñe stiñrañne ñoñs", innañ khoe zers, "Tsoole, sjunla ña khañpa sojte ñarañji aba shite subcessi phia daldig cocesla goñspa sal."

⁶⁰ Yeshui khoa mols, "Semsnyiddi thogne shikangunla khorangunni shikangun subcug, innañ khyorañ sojte migunla Konchoggi gyalşidpo shod."

⁶¹ Yañ mizhiggi zers, "Tsoo, ña nyerañji stiñrañne ñañsin, innañ sjunla ña ñe nañtshañsla ju zerrala chacugga dzad."

⁶² Yeshui khoa mols, "Sholla thamste gyabba stakangun Konchoggi gyalşiddi nañña zhabshi zhuacessi ospa man."

Lobtug rduncudonnyis kalla dzads.**10:1 ne 20**

10 ¹ Te stiñne Tsooe zhan lobtug rduncudonnyis ldamma dzads yañ khojgun nyisnyis coste khojji sañ sjunla khoj skyodcescanni ñoñkhyer tañ nassa tshañmala kalla dzads. ² Yeshui khojgunla mols, "Stonthog chenmozhib ña

chogchog dug, innaŋ stonthog rŋakanni lasmi ma nyuŋunzhig mane midug. Teboephia stonthoggi dagpo Konchogga stonthog rŋakanni lasmi maŋŋa kalla dzadcesla zhuwa phul. ³ Ta soŋ ŋe khyozhaa shaŋkui ʒoa lugu tsogsla lamcuggad. ⁴ Khomags ya jola ya pabu makhur, yaŋ lamma migunla lonʒulin dugste tus godla mataŋ."

⁵ "Khyozha khaŋpazhiggi naŋŋa chacig gomaraŋ zer, 'Konchoggi zhide te khaŋpaboa salshig.' ⁶ Te khaŋpe naŋŋa zhidecan mizhig yodna, Konchoggi zhide khoa salin. Galtes medna, tebo khyozhaa salla dzadin. ⁷ Khyozhaa ci taŋkanbo zen thuŋin tenna khaŋpe naŋŋa dug, ciazerna las cokanni mia lachaa thobces ospa innog. Khaŋpa cigne cigga ɖulin madug."

⁸ "Ɖoŋkhyerzhigga lebbacig khyozhaa gasus cona khoŋgunni taŋkanni zangun zo. ⁹ Teru yodkanni nadpagun phancug yaŋ khoŋgunla, 'Konchoggi gyałsid khyozhe nyemo innog' zerte shod. ¹⁰ Innaŋ Ɖoŋkhyerzhiggi naŋŋa lebste suzhiggiyaŋ khyozha gasus macona, te Ɖoŋkhyerri lammika soŋ yaŋ zer, ¹¹ 'Ɖazhe kaŋpa jarkanni khyozhe Ɖoŋkhyerri thalbaboaŋ phiste ŋazhe khyozhagun Konchoggi chadpe phia borte inkanbo stannad. Teneaŋ ibo hagogos: Konchoggi gyałsid nyemo innog.' ¹² Ɖe khyozhaa zerrad, Konchoggi ldamma dzadkanni zhagga, Sodom Ɖoŋkhyerri miŋanpagunni saŋ te Ɖoŋkhyerri migunla chadpa maŋŋa ʒante phogin."

¹³ "Korazinpa taŋ Bedsedapa gun khyozhagunla tsamshiggi jigsnaŋ manog. Galtes khyozhe naŋŋa stankanni dzadpagun, Thayir taŋ Sidon Ɖoŋkhyer ŋanpagunni naŋŋa stanpinna, khoŋgunni sdigpa spaŋste gyodpa coste buri gonte, Gogthal yogin sdugpo coste yodɖo. ¹⁴ Innaŋ Konchoggi thimscaddi zhagga, Thayir taŋ Sidonpa Ɖoŋkhyerri miŋanpagunni saŋ khyozhaa chadpa maŋŋa ʒante phogin. ¹⁵ Wa Kapharnahumpagun ci khyozhaa, stsiwa taŋste namkhaa thenna dzaddanog samma ragga? Mane mithen. Khyozhagun nyalwe naŋŋa phaŋŋa dzadin."

¹⁶ Yeshui khoŋŋi lobɖuggunla mols, "Khyozhe lon nyankangunni ŋaŋ nyante innog, yaŋ khyozhe lon manyankangunni ŋaŋ manyanna innog. Ɖa manyankangunni ŋa kalla dzadkanboa manyanna innog."

¹⁷ Tene rduncudonnyispo skyidpo nyampo logste lebte zers, "Tsoo, nyeraŋŋi tshanni naŋŋa, rdud tshaŋmeaŋ ŋazhe kanyans."

¹⁸ Yeshui khoŋgunla mols, "Shetan skamlag tsogsla namkhe naŋne buddala ŋe thoŋ. ¹⁹ Stos, ŋe khyozhagunla rul taŋ sdigparatse^h gun kaŋyogga nancesi waŋ

^h10:19 hindi skaddi naŋŋa bidchua zerranog

yaŋ ɲadaŋgunni ɗao shetanni waŋ tshaŋma medkan cocessi khyuddaŋ taŋste in yaŋ khyozhagunla suzhiggaŋ nodskyal minyan. ²⁰ Rdudgun khyozhe khaa nyankanboeka gamo macos, innaŋ khyozhagunni miŋ namkhe naŋŋa Griiste inkanboeka gamo cos.

Yeshui yab Konchogga stodpa phulla dzads.

10:21 ne 24

²¹ Tenna tusla Tsoo Yeshu dampe thugnyid gyudte gamoe gaŋste mols, "Ɗe yab namkhaa taŋ jigstenni Tsoole, ɲe nyeraŋŋa stodpa phullad ciazerna nyeraŋŋi ɗaŋpo lambo khaspa taŋ yontancangunne vaste, ɗugu tsogs yodkangunla sɲon cugga dzads. Ona yable tezug dzadcespoa nyeraŋ thugsthad."

²² "Ɗe yab Konchoggi waŋcha tshaŋma ɲaa stadda dzadte in. Yabbi mane zhansuaŋ butsha mishes, yaŋ butshe mane zhansuaŋ yab mishes, innaŋ ɲe ldamkangunla yab sɲoncugin."

²³ Tene lobɗuggun chogsla gyurte zhanmagunla tshor macugga mols, "Ɗe coskangun thonkanni khyozhe miggun cinlabscan in. ²⁴ Ɗe khyozhaa denba zerrad, khyozhagunla thonkan taŋ tshorkan gun, sɲunme luŋstonpa taŋ gyalpo maŋpozhiŋgi thonces taŋ tshorcessi dodpa yodnaŋ mathoŋŋa yaŋ matshorra inpin."

Samarriyapa zaŋpoe ruŋs.

10:25 ne 37

²⁵ Chosthimsla khaspazhiŋ laŋste Tsoo Yeshua tshodltacesla ɗis, "Lobponle, thamedpe mitshe norskalla thobcessi phia ɲe ci cogos?"

²⁶ Yeshui khoa mols, "Kaŋhimssi spechagunni naŋŋa ci ɗia dzadte dug. Khyoraŋŋi tegunni naŋŋe ci hago?"

²⁷ Khoe lantaŋs, "Tsoo Konchogga snyiŋ gaŋpo, sems gaŋpo, stobs gaŋpo taŋ samba gaŋpone cessa cos, yaŋ raŋŋa cokaŋ tsogs khyoraŋŋi khyimtshespa cessa cos."

²⁸ Yeshui khoa mols, "Khyoraŋŋi lan ɗaŋpo taŋs. Ta tenna tsogs cona thamedpe mitshe thobin."

²⁹ Khoe khoran shestrabsan inkanbo stancesla Yeshua ɗis, "Ɗe khyimtshes su innog?"

³⁰ Yeshui ruŋs gyudte lan sals, "Yahudapazhiŋ Yerushalemne thurla Yerikoa soŋ, khoa lamma cagepe spuŋgol coste lɲernyal cos yaŋ khoa ɗante rduŋste shicesla

bors. ³¹ Tenna lamne Yahudape lamazhig soŋ, yaŋ kho thoŋŋacig rogs coe saŋ kho lammi aŋo chogsne soŋ. ³² Tenna tsogsla chodkhaŋŋi naŋŋa zhabstog zhukan Livizhig teka lebte kho thoŋŋacig khoaŋ lammi aŋo chogsne soŋ. ³³ Innaŋ Samarriyapa bespazhig teka leb yaŋ khoe phogkanni mibo thoŋŋacig khoeka snyiŋrje skyes. ³⁴ Khoe dunla soŋte smakhagun gyalcesla marnag taŋ rgunchaŋ lugste ras lagmo ŋils. Tene khoranŋi buŋbuika skyonte beskhaŋŋa khyerte khoa stastog cos. ³⁵ Stiŋmazhagpo khoe beskhaŋ ŋulkanboa mulli pene nyis taŋste, 'I miboa stastog cos, i saŋ maŋŋa chana ŋa logste yoŋŋacig khyoraŋŋa taŋin' zers."

³⁶ "Te summi ŋone cagpe spuŋgol cokan miboe khyimtshespabo khyoraŋŋi su innog sammarag?"

³⁷ Chosthimsa khaspaboe lantaŋs, "Khoa snyiŋrje stankanbo." Yeshui khoa mols, "Soŋte tenna tsogs cos."

Yeshu Miryam taŋ marthe khaŋpa skyods.

10:38 ne 42

³⁸ Tsoo Yeshu taŋ khaŋŋi lobŋuggun Yerushalemma skyod zane gamyulzhigga leb, teru Martha zerkanni bumozhiggi khaŋŋa khoranŋi khaŋpaa gasus zhus.

³⁹ Khoe nomo Miryam Tsooe zhabssi dunla dugste khaŋŋi labzhagunla nyannadpin. ⁴⁰ Innaŋ Yeshua dontaŋ gyaspa ɗalɗig cocessi naŋŋa Martha elte lus. Kho Yeshu yodsa yoŋste zers, "Tsoole, ŋe nomoe ŋaraŋ cigpoa las tshaŋma co cugkanboa snaŋŋa salla medda? Khoa ŋaa yato cos mollaŋ."

⁴¹ Innaŋ Tsooe khoa mols, "Martha, Martha, te las maŋpoe phia khyoraŋŋi tsherkha coste khyoraŋ eldug. ⁴² Innaŋ las cigcig ni khagcan in yaŋ Miryammi tebo ldams, khoe kane tebo suaŋ kogste khyer minyan."

Moslam zhuces labba dzads.

11:1 ne 13

11 ¹ Zhagshig Yeshui nassazhiggika moslam zhuadpin, moslam zhu tsharracig lobŋug ciggi khaŋŋa zers, "Tsoole, ŋazhaa moslam zhuces labba dzaddaŋ kazug Yohananni khoranŋi lobŋuggunla labba dzads."

² Yeshui khaŋgunla mols, "Khyozhe moslam zhu zane izug zer, 'Yab, nyeraŋŋa ŋog yodkan tshaŋme stsiwa thobshig. Nyeraŋŋi gyalŋid gyogspa lebshig.

³ Zhagdaŋ ŋazhaa gosdommi kharji salla dzad.

⁴ Dazhe sdigpa cokangunla shagspa salla dzad,
Ciazhuna nazhe gyabgalla sdigpa cokan tshanmala
Dazhean shagspa tanjad.

Tshodlte tusla sdigpa cocesne nazhaa skyobbadzad.

⁵⁻⁶ Tene khoṅṅi khoṅgunla runzhig shadda dzads, "Khyozha cig, khoranṅi dzaoe khaṅpa tshanphedla sonṅte zerna 'Dzao juju na tagi sum skyiste tonṅan, bessi nanṅa yodkanni ne dzaozhig yonṅpa naa khoa zala tanṅces caṅ med.' ⁷ Tene nanṅkugne zers, 'Da nags mastan. Gho cugtshar yaṅ na tanṅ ne ṅugugun maltse nanṅa zhugstshar. Ne khyoranṅa rogs conyances merag.' ⁸ Ne khyozhaa zerrad, dzao incespoe khoe lanṅste tagi mataṅṅa, khoe thel medpa tonṅ zerin dugs pasanṅ kho lanṅste khoa gossdom yodkanbo tanṅin."

⁹ "Teboephia ne khyozhaa zerrad, zhuin dug khyozhaa salla dzadin, tsalin dug khyozhaa thobcugga dzadin, gho rduṅin dug phea dzadin. ¹⁰ Zhukan tshanmala salla dzadin, tsalkan tshanmala thobin, yaṅ gho rduṅkan tshanmala phea dzadin."

¹¹ "Khyozhagunni ṅone ka ababoe ranṅi butshe nya tonṅ zerna rul tanṅin? ¹² Ya ṅugui thul tonṅ zerna khoa sdigparatseⁱ tanṅinna? ¹³ Khyozhagun sdigcan innanṅ ranṅi ṅugua phanthogscan tanṅces shessadna, khyozhe namkhaa zhugskanni yabbi manṅa phanthogscan dampe thugnyid, khoṅṅa zhuwa zhukangunla misalla?"

Yeshu tanṅ rduddi goba Belzebul.

11:14 ne 28

¹⁴ Tsoo Yeshui mi hanṅanzhigne rdud phiṅṅa dzads. Rdudpo biṅṅacig, hanṅanṅboe spera tanṅ, yaṅ mitshogspo halas. ¹⁵ Innanṅ khoṅ khaciggi zers, "Belzebul rdudgunni gobe khoa rdudgun phiṅcessi khyud tanṅste innog." ¹⁶ Zhan khaciggi khoṅṅa tshodltaste Konchoggi wanṅcha salkanbo tantan cocesla namkhe stagsshig ston zers.

¹⁷ Khoṅgunni samba nanṅpabo Yeshui khyente mols, "Gyalṅiddi nanṅa yodkangun thunte madugna tebo medkan chen, yaṅ nanṅtshanṅzhiggi migun nolin dugna tebo zhigin. ¹⁸ Galtes shetanni khoranṅa nolladna, tene khoe gyalṅidpo kazuggi lusin? Ne tebo zerrad ciazerna khyozhe, ne rduddi goba Belzebul gyudte rdudgun phiṅdug zerranog. ¹⁹ Galtes ne rduddi goba Belzebul gyudte rdudgun phiṅṅadna tene khyozhaa ṅanṅskangunni su gyudte rdudgun phiṅṅanog? Teboephia khoṅgunni khyozhe zerkanboa skyonrjod coin. ²⁰ Innanṅ galtes ne Konchoggi khyud gyudte

ⁱ11:12 hindi skaddi nanṅa bidchua zerranog

rdudgun phiñjadna tene khyozheka namkhe gyalşid leb tsharte in. ²¹ Mi shedcanzhiggi lagcha khurte rañji khar şuñna khoe norgun şku minyan. ²² Innaj khoe sañ stobs cheazhiggi khoa nolte phamkalte kho skyobcesla lokhyel yodkanni lagchagun kogste khoe norgun khyerin."

²³ "De chogsla mankangunni ñaa gyabgalla coanog, yañ ña nyampo las coste đasbu maldumkangunni, ñe lassi đasbu yancugganog.

²⁴ Mizhiggi nañne goñpo biñte stiñne, goñpoe chu medsa ristoñji nañña khorin ñaltshosse nassa tsalteañ mathob pasañ, khoe khorañña zerranog, 'Ña biñte yoñkanni tenna mii nañña logste chen.' ²⁵ Teru lebbacig, te nassabo lagmo lduste citshañma rañrañji malla borte thoñ. ²⁶ Tene kho soñte khorañji sañ mañña ñanpa zhan goñpo rdun khyoñste tenna nasse nañña dug. Yañ te mii naslugpo sñunni sañ thua soñ."

²⁷ Yeshui i zhaltagun molin yod zane mitshogssi ñone bumociggi kuco tañin zers, "Nyerañ ltamskan yañ nyerañña pibi tañkanni ama cinlabscan in."

²⁸ Yeshui lansals, "Konchoggi ka nyante tegunnika laglen cokangun mañña cinlabscan in."

Yeshua stags stancesla zers.

11:29 ne 32

²⁹ Mitshogspo gyasin soñpa Yeshui mols, "I Mirabs ñanpe ñaa halasshessi stags ston zerranog, innaj luñstonpa yone stagspo mane khoñgunla, yañstagsshig mistan. ³⁰ Luñstonpa Yona cuñkanbo ninewapagunni phia Konchoggi kho kalla dzadkanni stagsshig inpin, tenna tsogsla mirigssibu nyampo cuñcescanboañ i Mirabssi phia stagsshig in."

³¹ "Thimscaddi zhagga lañs zane lo chogssi gyalmoie i Mirabspoa chadpa phogces ospa innog zerin ciazerna kho gyalpo Solomoni shesrabssi speragun nyannala sacha ma thagriñne yoñs, stossañ Solomoni sañ taggazhig dagsa ika yod. ³² Konchoggi thimscaddi zhagga lañs zane ninewapagunni i Mirabspoa chadpa phogces ospa innog zerin ciazerna khoñgunni yone chosshadkanbo nyante, gyodpa cos, stossañ Yona sañ taggazhig dagsa ika yod."

Konchoggi od.**11:33 ne 36**

³³ "Suzhiggian od tugste vaste ya gormoe yogga maborra, nanja yonkan tshanme thoncesla odstagsika borin."

³⁴ "Khyozhe mig ni zugssi odpo in. Migpo khamzan yodna, khyozhe lus ganpo oddi ganin, innan migpo khamzan medna, khyozhe lus ganpo mundiggi ganin.

³⁵ Tantan cosshig, khyozharanji nanja od yod samkanbo nospoa mundigta manna? ³⁶ Ta galtes khyozhe zugspo ganpo oddi ganste, khagciggan mundiggi nanja malusna, tene khyozheka od tagpo phogkan tsogsla khyozhe zugspo ganpo ldanshan gyurin.

Yeshui chossi uskyongunla skyonrjod coa dzads.**11:37 ne 54**

³⁷ Tsoo Yeshui zhaltaa mol tsharracig, pharushipazhiggi khoran khoranji kharpa dontanjan skyod zhuspa Yeshu skyodte cogtse dunla zhugs. ³⁸ Phamespoe lugsol nanzhin chag masilla khon dontan donna zhugcespo thonje pharushipa halas.

³⁹ Tene Tsooe khoa mols, "Khyozhaa pharushipagunni kore tan thalli philogpo lagmo corug, innan khyozhe nanjugpo nabsems tan ranjoddi ganste dug.

⁴⁰ Khyozhaa sampa medkangun philog dzadkanboe nanjugpoan dzadte manogga?

⁴¹ Khyozhe snyijne gossdom yodkangunla chinba ton, tene khyozhaa nanjug tan philog nyiskone lagmo thea dzadin."

⁴² "Pharushipagun, khyozhaa tsamshiggi jigspa miyon. Khyozhagunni masala tabkanni yongo chunshoggi nannean rcukhag cigta phuldugpa, innan ospe thimscad tan Konchogga yasha coces gunla sanjan borra midug. Khyozhe te kathimsgunla sanjan coces matshad yongoe rcukhagpoan Konchogga phulgos."

⁴³ Yeshui mols, "Pharushipagun, khyozhaa tsamshiggi jigspa miyon. Khyozhe dukhanji nanja stiwacanni nassa tsallanog, yan thomssi nanja migunni kane stiwa thobcesla thaddanog. ⁴⁴ Khyozhagunla tsamshiggi jigspa miyon, khyozhagun stags medkanni Romkan tsogs innog, te tshitu nassabo nomastogpa migun teka dulte tshitu gyurranog."

⁴⁵ Chosthimsla khaspagunni toneciggi Yeshua, "Lobponle, izug molte nyeranji nanjan thelba cos."

⁴⁶ Yeshui lansals, "Chosthimsla khaspagun khyozhaa tsamshiggi jigspa miyoŋ, khyozhagunni khur minyancesi thimssi khuru lcinte migunla kallanog, innay yato coste tegun stagcesla khoranŋunni dziguay skaŋŋa thadda manog.

⁴⁷ Khyozhaa tsamshiggi jigspa miyoŋ. Khyozhe luŋstonpagunla spurkhaŋ stsigdug kagun khyozhe phamespogunni sads. ⁴⁸ Khyozhe khyozharaŋŋi phamespogunni coskangunla khachamste spaŋpo taŋdug ciazerna khoŋgunni luŋstonpagun sads yaŋ khyozhe khoŋgunni spurkhaŋ stsig. ⁴⁹ Teboe zhaste Konchoggi khoŋraŋŋi shesrabssi naŋŋa khyozhe skorla mols, 'Ŋe khoŋgunnika luŋstonpagun taŋ skutshabsgun kalin, khoŋgunni khacig sadin yaŋ khacigga nagsbardo stanin.' ⁵⁰ Teboephia jigsten chagspane pharla luŋstonpa tshaŋme ŋog lenkanni nyadgalbo inna Mirabspoeka phogin, ⁵¹ Abel sadkane taŋste chodkhaŋ taŋ chodthii parla sadkanni Baragyi butsha zakarye tshogpa. Ŋe denba zerrad, te cuŋkan tshaŋme chadpabo i Mirabspoeka phogin."

⁵² "Chosthimsla khaspa, khyozhaa tsamshiggi jigspa miyoŋ. Khyozhe Konchog sheshessi lambo vaste bordug, khyozharaŋgun tenaŋŋa cha midug matshad tenaŋŋa chen yodkangunla gagskyil taŋdug."

^{53–54} Yeshu tekane skyod zane chosthimsla khaspa taŋ pharushipa tshaŋmaa ŋo yoŋs pasay khoŋŋa skyonjan ŋiwa maŋpo ŋiste khoŋ khadcugcessi stsonduŋ cos.

Shaŋ coces taŋ spospa taŋces.

12:1 ne 12

12 ¹ Tedusla stoŋtag maŋpoe mitshogs dzomcespoe cig taŋ cig nannadpin, Yeshui goma khoŋraŋŋi lobtuggunla zigste mols, "Pharushipe skyurne shaŋ cos kabo khoŋŋi khachospo innog. ² Kabste borkan tshaŋma phiŋŋa dzadin ya vaste borkan tshaŋma migunla ŋjon cugga dzadin. ³ Khyozhe mundiggi naŋŋa zerkangun nyime oddi naŋŋa tshorin, yaŋ khyozhe khaŋpe naŋkugga namchoggi naŋŋa shubste zerkangun khaŋpe khethogne kuco taŋste shadin."

⁴ "Ŋe dzaogun khyozhaa zerrad, lus cigpo sad nyankangunla majigs tesay maŋŋa khoŋŋa caŋ cominyan . ⁵ Innay jigsgoshescanbo ŋe khyozhagunla shadin, lus sadte stiŋne nyalwe naŋŋa phaŋŋa dzadcessi waŋcha yodkanni Konchogga jigs. Ona ŋe khyozhaa zerrad, khoŋŋa jigs."

⁶ "Pene nyisla cipa ŋŋa tsoŋŋa midugga? Innay Konchoggi tegunni naŋne ciggaŋ rjedda dzadda midug. ⁷ Khyozhe goeka yodkanni ŋe daŋskaŋ khoŋŋi khyenna

dzaddanog. Tennaboephia jigs majigs, Konchoggi skundunla cipa maṅpoe saṅ khyozhaa cig maṅṅa rinchea innog."

⁸ "De khyozhaa zerrad, migunni dunla, Yeshu ne Tsoo in zerkan tshaṅmaa mirigssibuiṅ Konchoggi phonyagunni dunla khoṅgun khoe denbe lobṅug in zerin. ⁹ Innaṅ migunni dunla ṅaa misheszun taṅkan tshaṅmaa, ṅeaṅ Konchoggi phonyagunni dunla khoṅgun mishes zerin. ¹⁰ Mirigssibui gyabgalla zerkan tshaṅmaa shagspa salla dzadin, innaṅ dampe thugnyiddi gyabgalla zerkangunla shagspa mane misal."

¹¹ "Khoṅgunni khyozhaa dukhaṅ, waṅṅulpa taṅ waṅcha yodkan gunni dunla khyoṅṅacig raṅ noṅsmed kazuggi stanin ya ci zerin samte tsher matsheer.

¹² Ciazerna tenna tusla zergoshespo dampe thugnyiddi khyozhaa salla dzadin."

Samba medkanni mi chugpozhiggi ruṅs.

12:13 ne 21

¹³ Tene mitshogssi ṅone mizhiggi Tsoo Yeshua zers, "Lobponle, ṅazhaa norskal thobkanbo ṅa nyampo gocesla ne aco mollaṅ."

¹⁴ Yeshui khoa mols, "Dzao khyozhe norskal gokanni thimspoon ya barmia ṅaa sui skos?" ¹⁵ Tene khoṅṅi mitshogsla mols, "Shaṅ cos, nabsemssi rigs tshaṅmane thagriṅṅa khyozhe raṅ skyobste bor ciazerna mizhiggi mitshe rinbo khoa yodkanni norrika raglassa manog."

¹⁶ Tene Yeshui ruṅsshig shadda dzads, "Mi chugpozhiggi sakyadla stonthog gyalla ma maṅpo smin. ¹⁷ Khoe sam 'Ta ne ci coin? I stonthog tshaṅma chudcessi baṅṅa ṅaa med.' ¹⁸ Tene khoe khoranṅa zers, 'De baṅṅagun taṅ lagcha borsa shigste chenmo rig stigin yaṅ tegunni naṅṅa ne ḍonas taṅ nor tshaṅma borin. ¹⁹ De ṅaraṅṅa zerin, "Ḍaa sodecan, ta lo maṅpoe phia nor dug. Ḍaltshoste zothuṅ, skyidpo taṅ thadpo cos.'""

²⁰ "Innaṅ Konchoggi khoa mols, 'Sammed khyoraṅ, diriṅ tshanla khyoraṅṅi ṅog ne khyerin. Raṅṅi phia sagskanni norgun sua phanin?' "

²¹ "Konchoggi dunla chugpo magyurra raṅṅi phia jigstennika nor sagkangunla tenna tsogs chen."

Tsher matsher.**12:22 ne 34**

²² Tene Yeshui rañji lobtuggunla mols, "Teboephia ñe khyozhaa zerrad, ci zen, ya zugsla ci gonin samste rañji mitshee phia tsher matsher. ²³ Zanni sañ soḡpo yañ Kossi sañ luspo khagchea manogga? ²⁴ Khatagunla stos, tegunni zhiñ tabba ya zhiñ ñaa midug, tegunla dzod ya bañña midug, innañ Konchoggi tegunla zan salla dzaddug. Cagunni sañ khyozhaa mañña rin michea. ²⁵ Khyozhaa suzhiggi tsherkha coste khyozhe mitshe nañña chutshod cig skyed thubinna? ²⁶ Khyozhe tsherkha coste tetsogs chuñun lasshig co manyanna, tene zhan luskangunni phia cia tsherkha coad?"

²⁷ "Spanthañji mentoggun kazuggi ldandug stosshig, tegunni las coa ya Baal khalte Kos thagga midug. Innañ ñe khyozhaa zerrad, gyalpo Solomon, khorañji spalli nañña maḡpo koslag gonañ te mentoggun tsogs ldemo tañ dzespo thoñña medpin. ²⁸ Galtes Konchoggi diriñ yodkan thore mea ṣagga phañcescanni spanthañji mentoggunla tetsogssi koslag skon thubbadna, tatpa uthugscan Konchoggi khyozhagunla tegunni sañ koslag ḡago skonna midzadda?"

²⁹ "Teboephia tusgyun khyozhe ci zen ya thuñin masam, tegunni phia tsherkha maco. ³⁰ Jigstenni zhan chosluggi migun te tshañme stiñrañne bañtaññanog, yañ khyozhe namkhe yabbi, khyozhe tetsogs gossdomgun khyenna dzaddanog. ³¹ Innañ khyozhagun Konchoggi gyalṣiddi stiñrañne bañtoñ, tene khoñji teka nante khyozhe zhan gossdomgunnañ salla dzadin."

³² "Ñe lug khyu chuñun, jigs majigs. Khyozhe namkhe yab khyozhagunla khoñrañji gyalṣid salla thugsthaddanog. ³³ Rañji norgun tsoñste nyalbacangunla chinba toñ. Tezug cona khyozhe khyozharañji phia mane michadcessi khomags tañ namkhe nañña mitsharcessi nor thobin, teru ṣkunma miyoñ ya mugpe mizaa. ³⁴ Khyozhe nor yodsa khyozhe snyiññañ chagsin."

Shañ coces.**12:35 ne 48**

³⁵ "Zhabstog zhucessi phia ḡalḡig coste khyozharañji od sparte bor, ³⁶ kazug sponbo bagstonni ḡonne logte lebcesla ṣuñste dugkanni yogpogunni cos. Gho rduññacig khoñgunni gor macugga sponboa gho phes. ³⁷ Sponbo yoññacig ṣuñste nyid matañña thoñkanni yogpogunnika thadpo chen. Ñe khyozhaa denba zerrad,

sponboe zhabstogpe koslag gonte khoᅅgun zan zase cogtse dunla dugcugste, khoᅅgunla zhabstog zhuin. ³⁸ Sponbo tshanphedla ya namlaᅅskyia yoᅅsteaᅅ khoᅅgun nyid mataᅅᅅa shaᅅ coste thoᅅna, khoᅅgunla solras taᅅin."

³⁹ "Innaᅅ ibo hagoshig, galtes tshanla ᅅkunma yoᅅcessi tustshotpo khaᅅdagga gyusyodpinna, khoe khoranᅅi khaᅅpe naᅅᅅa ᅅkunma zhugs micug. ⁴⁰ Teboephia khyozhaa tusgyun ᅅᅅᅅig duggos ciazerna khyozhagunni rewa meddi tusla mirigssibu yoᅅᅅides innog."

⁴¹ Pitarri ᅅis, "Tsoo, i ruᅅssi spebo ᅅazhe phia inna ya mitshaᅅme phia in?"

⁴² Tsooe yaᅅ ruᅅsshig gyudte lansals, "Sponboe khoranᅅi khaᅅpe stastog taᅅ zhan yogpogunla tussika zhagdaᅅᅅi kharji taᅅcessi phia skoskan idshescan taᅅ shesrabsanni chagzod su innog? ⁴³ Sponbo logste yoᅅᅅacig yogpoboe khoe skoskanni laspo coin thoᅅna khoa solras taᅅin. ⁴⁴ De khyozhaa denba zerrad, sponboe, khoranᅅi nor tshaᅅma stastog cocessi khagpo khoa taᅅin. ⁴⁵ Innaᅅ galtes yogpoboe, ᅅe sponbo tusyunriᅅ logste miyoᅅ samste zhan yogpo taᅅ yogmo gunla rduᅅces gozug coste zen chaᅅ thuᅅin rarosna, ⁴⁶ khoe rewa micoe zhagga yaᅅ khoa gyusmeddi tustshotpoeka sponbo yoᅅste kho tumpatumpe naᅅᅅa cadte tatpa medkangun phaᅅse nasse naᅅᅅa phaᅅin.

⁴⁷ Sponboe dodpa yodkanbo shesteaᅅ ᅅᅅᅅig ya tegun laglen macokanni yogpogunla chadpa ᅅaᅅᅅe taᅅin. ⁴⁸ Innaᅅ sponboe dodpagun mashessa chadpa phogcessi las cokanni yogpogunla chadpa nyuᅅun phogin. Khag maᅅᅅa kalkangunni kane zhabstog maᅅᅅa thobcessi rewa borin, yaᅅ maᅅᅅa stadkangunni kane maᅅᅅa stsodin.

Zhide manpa po pudces.

12:49 ne 53

⁴⁹ "De i jigstenpagunni semssi naᅅᅅa me sparra yoᅅspin, yaᅅ ᅅe dodpa ni spar tsharte barin yodcespo in. ⁵⁰ Innaᅅ ᅅe sdugsᅅalli thusshig lences in, tebo ᅅaᅅᅅa ᅅubᅅub tshagpa ᅅaa semsldom ᅅaᅅᅅe rag. ⁵¹ Khyozhe ᅅa jigstennika zhide khyoᅅᅅa yoᅅste innog samma ragga? Man, ᅅe khyozhaa zerrad, ᅅaa po puddala yoᅅste in. ⁵² Tanepharla, sperna naᅅᅅi ᅅᅅe naᅅtshaᅅssi naᅅᅅa po pudin, sumboe nyissi gyabgal ya nyispoe summi gyabgal coin,

⁵³ Deka tatpa cocespoe,

Abe raᅅᅅi butsha ᅅolog yaᅅ

Butshe raᅅᅅi abaa ᅅolog coin.

Ame raŋŋi bumoa ɲolog yaŋ

Bumoe raŋŋi amaa ɲolog coin.

Butshe ame butshe namaa ɲolog yaŋ

Butshe name raŋŋi magpe amaa ɲolog coin."

Stagsgun hagoces.

12:54 ne 59

⁵⁴ Tsoo Yeshui mitshogsla mols, "Khyozhe nub chogsne ŋin laŋŋa thoŋŋacig, charpa taŋces innog zerdug, yaŋ charpa taŋdug. ⁵⁵ Yaŋ lo chogsne luŋspo gyuggacig, khyozhe tshad yoŋces innog zerdug, yaŋ tshad yoŋdug. ⁵⁶ Wa khachospagun, khyozhe namkhaa taŋ seka cuŋkanni namle stagsgun shadnyandug, innaŋ khyozhagunni itussi stagsgun cia shadnyanna merak?"

⁵⁷ "Daŋpo ci in khyozharaŋŋi thagcad cia nyanna merak? ⁵⁸ Khyoraŋŋi nyadgalpa nyampo thimspotni dunla lebbi saŋ ŋjunla lamma thunɗel cocessi stsonɗus cos, te manna khoe khyoraŋ thimspotni dunla ɗudte khyerɗidces innog, yaŋ thimspotni thimskhuŋŋi magspotni stadte, khyoraŋ tsonkhaŋŋa kagin. ⁵⁹ De khyozhaa zerrad, khyoraŋ tsonkhaŋne tetetshogpa miphud namtshogpa khyoraŋŋi chadpe pene tshaŋma mishal.

Sdigpagunne gyodpa coces.

13:1 ne 9

13 ¹ Mi khaciggi Tsoo Yeshua Rommi kalon Pilatui Galillipa khacig chodkhaŋŋa chodpa phul zane sadkanboe skorla shads. ² Yeshui khouŋgunla mols, "Khyozhagunni te Galillipagunla tezug sdugsŋal thoŋpa, zhan Galillipa tshaŋme saŋ maŋŋa sdigcan inɗo samma ragga? ³ De khyozhaa zerrad, tebo denba manog, innaŋ gyodpa macona, khyozhagunnaŋ medkan coa dzadin. ⁴ Ya Shiloammi stsigpa rdibste shikanni mi cobgyadpo Yerushalempa tshaŋmesaŋ maŋŋa sdigcan inɗo samma ragga? ⁵ De khyozhaa zerrad, tebo denba manog, innaŋ khyozhe gyodpa macona, khyozhagunnaŋ medkan coa dzadin."

⁶ Tene Yeshui i ruŋspo shadda dzads, "Mizhiggi khoranaŋŋi rguntshassi naŋŋa phiggi khazassi lcaŋma tsugste, ɗasbu tsalla soŋ innaŋ ɗasbu mathob. ⁷ Khoe tshaskanla zers, 'Lo sum soŋ i lcaŋme kane ŋa ɗasbu ciggaŋ mathob. Cadte phaŋstoŋ, tonmedla nassa gagste bordug'."

⁸ "Tshaskanni lantaŋs, 'Sponbo, taruŋ lo cig borra dzad, ɲe kyir skorte sa skoste lud taŋin. ⁹ Galtes stiŋma lo ɗasbu chagsna gyalla soŋ, innaŋ machagsna cadin.' "

Yeshui shabbaddi zhagga phancugga dzads.

13:10 ne 17

¹⁰ Shabbaddi ɲaltshoe zhagga Tsoo Yeshui Yahudape dukhaŋzhiggi naŋŋa labzha sal zane ¹¹ budkanni lo cobgyadne pharla goŋpoe khoŋscugkanni bumozhig yodpin, kho gurua soŋte ɗaŋpoa laŋs nyanna medpin. ¹² Yeshui kho zigssacig dunla bodda dzadte mols, "Bumo, khyoraŋ i zumone tharin." ¹³ Khoŋŋi khoeka chag borra dzaddacig, tennamalla kho ɗaŋpoa laŋnyante Konchogga stodpa phuls.

¹⁴ Innaŋ dukhaŋŋi uskyoŋŋi shabbaddi zhagga Yeshui nad phancugga dzad pasaŋ, ʂo yoŋste mitshogsla zers, "Zhag ɗug las co chogste innog. Tenna zhag ɗuggi naŋŋa nadne phancugcesla yoŋ, innaŋ shabbaddi zhagga phancug minyan."

¹⁵ Tsooe khoa mols, "Khachospa khyozhe laŋto taŋ buŋbu shabbaddi zhagga ɗesne tolte chu taŋŋa khyerra medda? ¹⁶ Tene budkanni lo cobgyadne pharla shetanni ldamste borkanni Abrahammi phorgyud i bumobo shabbaddi zhagga tharcug magossa?" ¹⁷ Yeshui tegun mollacig, khoŋŋi ɗaogun theiba soŋ, innaŋ mitshogs gaŋpo Yeshui dzadkanni halasshessi chaglasgun thoŋste ma thadpo soŋ.

Nyuŋsskarri sonni ruŋs.

13:18 ne 21

¹⁸ Tene Tsoo Yeshui mols, "Konchoggi gyaɗsidpo ci tsogs innog? Ɗe tebo cizhig nyampo ldur?" ¹⁹ Tebo ni nyuŋskarri saon tsogs innog kabo mizhiggi khoranŋi tshassi naŋŋa tabbala khyers, tebo skyeste lcaŋmaa ldan, yaŋ namkhe cagunni teboe yalgeka tshaŋs cos."

²⁰ Yeshui yaŋskyar ɗia dzads, "Ɗe Konchoggi gyaɗsidpo cizhig nyampo ldur?"

²¹ Tebo skyur tsogs in, kabo bumoe, phe maŋpoe naŋŋa ʂeste ruspa skyurbo pagpe gaŋpoe naŋŋa ɗes."

Gyasgho ɗamoi ruŋs.

13:22 ne 30

²² Tsoo Yeshu ɗoŋkhyer taŋ gamyul gun gyudte Yerushalem chogsla skyod zane khoŋŋi labzha salla dzads. ²³ Mizhiggi Yeshua ɗis, "Tsoole mi nyuŋunzhigga mane tharpa mithobba?"

Khoŋŋi lansals, ²⁴ "Gho ɕamone zhugsshessi stsonɕus ɕante cos, ciazerna ɛe khyozhaa zerrad, mi maŋpoe tenaŋne zhugsshessi stsonɕus coin, innaŋ zhugs minyan. ²⁵ Khaŋdag laŋste gho cugtsharracig, khyozhagun philogga luste gho rduŋin juju, 'Tsoole ɛazhe phia gho pheadzad' zerin. Khoe lantaŋin, 'De khyozhaa shessamed ya khyozhaa kane yoŋste in ɛaa gyusmed.' ²⁶ Tene khyozhe zerin, 'Dazhe nyeraŋ nyampo zospin thuŋspin, ɛazhe doŋkhyerri lamgunnika nyeraŋŋi labzha salla dzads.' ²⁷ Innaŋ khoe lantaŋin, 'De khyozhaa shessamed ya khyozhaa kane yoŋste in ɛaa gyusmed, las ɛanpa cokangun ɛe kane thagriŋŋa soŋ'."

²⁸ "Abraham, Isak, Yakob taŋ luŋstonpa tshaŋma Konchoggi gyaɕiddi naŋŋa yaŋ khyozhagun philogga phaŋskanbo khyozhe thoŋŋacig, khyozhaa ɛuces taŋ so ɕigces yoŋin. ²⁹ Migun shar, lo, nub, caŋne yoŋste, Konchoggi gyaɕiddi naŋŋa dontaŋŋi phia raŋŋi nasseka dugin. ³⁰ Tantan, stiŋjugga yodkangun goeka lebin yaŋ goeka yodkangun stiŋjugga lusin."

Yeshua Yerushalempagunnika thugsskyomo skyods.

13:31 ne 35

³¹ Tenna tusla pharushipa khacig yoŋste khoŋŋa zers, "Ikane zhan nassazhigga skyod ciazerna gyalpo Herodadi nyeraŋ sadcessi skabs tsaldug."

³² Tsoo Yeshui khoŋgunla mols, "Soŋ yaŋ te watsea zer, 'Diriŋ taŋ thore ɛe rdudgun phiŋces taŋ nadpagun phancuggad yaŋ zhag sumpe zhagga ɛa coa yoŋkanni laspo ɕubin.' ³³ Ona, diriŋ, thore taŋ naŋs gun ɛe Yerushalemma chacessi ɛaraŋŋi bespo gag magos, ciazerna tantan luŋstonpazhig Yerushalemmi philogga misad."

³⁴ "Yerushalempa, Yerushalempa, luŋstonpagun sadkan yaŋ khyozheka lamcugga dzadkangunla rdoa gyabste sadkan gun, camoe raŋŋi ɕugugun skyobcesla shogpe yogga kabba tsogsla, ɛeaŋ khyozhaa lan maŋpo kabcessi dodpa cospin, innaŋ khyozhe ɛaa co macugs. ³⁵ Ta stos, khyozhe chodkhaŋŋi naŋŋa naste yodkanbo biŋte skyods. De khyozhaa denba zerrad, khyozhaa ɛa yaŋskyar mithoŋ namtshogpa khyozhe, 'Tsoo Konchoggi waŋche naŋŋa skyodkanbo cinlabscan in' mizer."

Yeshui shabbaddi zhagga phancugga dzads.

14:1 ne 14

14 ¹ Shabbaddi naltshoe zhagshigga Yeshu pharushipe sponbozhiggi khaṅpa dontaṅṅa skyods, pharushipagunni khaṅṅa zhibca coste stendugs. ² Yeshui dunla kaṅlag saṅskanni mizhig yodpin. ³ Yeshui pharushipagun taṅ chosthimsla khaspagunla mols, "Shabbaddi zhagga chosthims naṅzhin nadne phancugna ḍigste innogga ya manog?" ⁴ Innaṅ khaṅgunni caṅ lan mataṅs. Khaṅṅi khoa chagstsea dzadte phancugga dzads, yaṅ kho khoranṅi khaṅpa lamcugga dzads. ⁵ Tene Yeshui khaṅgunla mols, "Galtes shabbaddi zhagga khyozhaa ciggi tuḡu ya lanṅo chudoṅṅi naṅṅa budna, khyozhe tennamalla kho phiṅ mi phiṅṅa?" ⁶ Yaṅskyar khaṅgunni lan mataṅs.

⁷ Donpogunni ḍalḡoa tsalkanbo Yeshui zigssacig khaṅṅi i ruṅspo shadda dzads, ⁸ "Mizhiggi khyoraṅṅa bagstonni ḍonla bodna, ḍalḡoeka madug, ci gyus, ḍon taṅkanboe khyoraṅṅi saṅ khagcan ḍonpozhiḡ bodte yodḍo. ⁹ Galtes yodna khyozhaa nyiskoa ḍon taṅkanbo yoṅste khyoraṅṅa 'Khyoraṅ dugkanni nassa i miboa toṅ' zerna khyoraṅ thelba chen yaṅ khyoraṅ ḍalli jugga chagosin."

¹⁰ "Innaṅ khyoraṅṅa ḍonla bodna soṅte ḍalli jugga dug. Donla bodkanbo yoṅste khyoraṅṅa, 'Dzao ḍalḡoa skyod' zerin. Tene zhanma ḍonpo tshaṅme dunla khyoraṅṅa stsiwa thobin. ¹¹ Tagpo stankan tshaṅma pasmo coa dzadin yaṅ khoranṅ pasmo borkanboa stsiwa salla dzadin."

¹² Tene Yeshui ḍon taṅkanboa mols, "Khyoraṅṅi dzara ya goṅzan taṅ zane raṅṅi dzaogun, ya aco ya no, ya nyenduṅ ya khyimtshe chugpogunla mabod. Galtes bodna, khaṅgunni khyoraṅṅa ḍon lantaṅste khyoraṅṅi ṅinlan loḡsidces innog. ¹³ Innaṅ khyoraṅṅi ḍon taṅ zane nyalbacan, lusskyonba, zhao taṅ zhara gunla bod. ¹⁴ Tene khyoraṅṅa cinlabs salin. Khaṅgunni ḍon lantaṅ mathubnaṅ Konchoggi mi ḍaṅpogun sontea laṅcugga dzad zane khyoraṅṅa solras salin."

Don chenmozhiggi ruṅs.

14:15 ne 24

¹⁵ Tebo tshorte ḍonpo ciggi Yeshua zers, "Konchoggi gyaḡsiddi naṅṅa ḍon zakangun cinlabscan innog."

¹⁶ Innaṅ Yeshui lansals, "Mizhiggi ḍon chenmo taṅces ḍalḍig coste ḍonpo maṅpoa bods. ¹⁷ Dontaṅ ḍubbacig bodte yodkangunla, 'Yoṅshig, dontaṅ ḍubte

yod' zerte bodda khoranji yogpogun lamcugs. ¹⁸ Innañ khoñ tshañme nyadtagces gozugste tañpo miboe zers, 'De dagsarañ zhiñzhig nyospin, teboa stala chagossad, juju ña goñspa sal.' ¹⁹ Zhanzhiggi zers, 'De lanño chañña nyospin, tegun zhiñjika kolte stala chagossad, juju ña goñspa sal.' ²⁰ Zhanzhiggi zers, 'De dagsarañ nama cospin ña yoñnyances merak.' "

²¹ "Tene yogpobo logte yoñste sponboa tegun shad. Sponboa so mañante yoñs yañ yogpoa zers, 'Gyogspa ñoñkhyerri lam tañ şañ gunla soñte nyalbacan, lusskyonba, zhara tañ zhao gun khyoñ.' ²² Yogpoe zers, 'Sponbole, nyerañji molkan nañzhin cospin, innañ taruññañ nassa stoñpa dug.' ²³ Tene sponboe yogpoboa zers, 'De khañpa gañcugcesla ñoñkhyerne philoggi lam tañ şañ gunla soñte teru yodkangun bodte khyoñ. ²⁴ De khyorañña zerrad, ñonla bodkangunni nañne ciggañ ñe ñaldig coskanni ñonni kharji nyañcessi skabs mithob.' "

Yeshui lobtug gyurcesla citshañma phangos.

14:25 ne 35

²⁵ Mitshogs chenmozhiñ Yeshui stiñrañne yoñs, yañ khoñgunni chogsla gyurte khoñji mols, ²⁶ "De stiñrañne yoñdug innañ rañji aba, ama, nama, tuñgu, miñşin matshad rañji şoggañ ñe sañ mañña yasha cokañbo ñe lobtug gyur minyan. ²⁷ Yañ rañji sdugsñalli şkyañşin khurte ñe stiñne maññaşkanbo ñe lobtug gyur minyan."

²⁸ "Galtes khyozha ciggi khañpa tagpozhiñ stigin samna, şunla dugste tebo stsigcessi gossdommi pene khoranji lagga dugga midug mistaa? ²⁹ Te manna magldan tiñste khañpa gañpo ñub mithub, tene tebo thoñkan tshañme habgod tañste zerin ³⁰ 'I miboe khar stsigces cospa innañ ñub mathub'."

³¹ "Ya magmi stoñcu yodkanni gyalpoe, magmi stoñnyishu thidte yoñkanni gyalpoe gyabgalla magtañña che sañ şunla khoe lagga te gyalpoboa phamkalcessi khyud dugga midug staa mistaa? ³² Galtes khyud medna khoe taruñ thagriñña yodkanni ñaoa zhide phia nañdig cocesla thusmigun kalin. ³³ Tenna tsogsla khyozhagunni yodkan tshañma spañ maspañña khyozhaa ñe lobtug gyur minyan."

³⁴ Tsha phanthogscan innog, innañ galtes tshi ñodpo yolna tebo kazuggi logste khyoñin? ³⁵ Te tshaa zhiñji nañña ya ludlañ miphan, tebo philogga phañin. Namchog yodkangunni ñe zerkanla nyonshig."

Lug storkanni ruņs.**15:1 ne 7**

15 ¹Thalnenkangun taņ sdigcangun Yeshui labzhagun nyannala yoņs. ²Innaņ pharushipagun taņ chosthimsla khaspagunni bagaboge shadin zers, "I miboe sdigcangunla gasus zhuste khoņgun nyampo zan zadug."

³Tene Yeshui khoņgunla i ruņspo shadda dzads, ⁴"Khyozha cigga lug gya yodkanboe naņne lug cig storna, zhan gubcu gorgubo thaņstoņņa borte storkanbo thobthob tshagpa tsalla kho michaa? ⁵Thobbacig, gamo nyampo jinbeka khurte ⁶khaņpa khyerin. Tene khoe khoranņi dzao taņ khyimtshes gun bodte zerin, 'Ņa nyampo gamo skyidpo cos ciazerna ņe lug storkanbo thob.' ⁷Ņe khyozhaa zerrad, tenna tsogsla namkhe naņņa mi đaņpo sdigpe kane gyodpa cogosmed samkan gubcu gorgu saņ gyodpa cokanni sdigcan ciggi phia maņņa gamo coin."

Pene storkanni ruņs.**15:8 ne 10**

⁸"Bumozhigga mulli pene rcu yodkanboe naņne cig storna, khoe od dugste khaņpa lduste pene storkanbo thobthob tshagpa gyalla coste mitsalla? ⁹Thobbacig, khyimtshes taņ dzao gun bodte zerin, 'Ņa nyampo skyidpo cos ciazerna ņe pene storkanbo thob.' ¹⁰Ņe khyozhaa zerrad, tenna tsogsla gyodpa cokanni sdigcan ciggi phia Konchoggi phonyagunniaņ gamo coin."

Butshaa storkanni ruņs.**15:11 ne 32**

¹¹Tsoo Yeshui taruņņaņ mols, "Mizhigga butsha nyis yodpin. ¹²Butsha chuņunboe aba zers, 'Aba ņe skalle norskalbo sal.' Tene abe khoranņi norbo butsha nyiskoe naņņa gos. ¹³Zhag khaciggi stiņne, butsha chuņunbo nor tshaņma khurte, thagriņņi yulzhigga soņ. Khoe nor tshaņma samba mataņņa codpa ņanpe naņņa godla taņs. ¹⁴Nor yodkan tshaņma skyag tsharracig, te yulla muge šaņte yoņs, yaņ khoa stogri taņ khyagri thoņ. ¹⁵Tene kho las tsalla te yulli mizhiggika soņ, yaņ khoe zhiņņika phaggunla zan taņņa kho lamcugs. ¹⁶Khoe phaggi zanbo zoste khoranņi đodpa đaņcugcessi dodpa cos, innaņ khoa suiņ caņ mataņs."

¹⁷"Tene khoa samba yoņste zers, 'Ņe abe lapa maņpoe đaņđaņs zoste laglus borradpin, innaņ ņa ika stogri thoņte shices rag. ¹⁸Ņa ņaraņņi abeka logste soņte

zerin, "De Konchog tañ nyerañji gyabgalla sdigpa coste innog. ¹⁹ Daa nyerañji butsha in zercessi ospa man, nyerañji lapazhig tsogsla ñaa borra dzad'." ²⁰ Tene kho lañste khorañji aba yodsa soñ."

"Kho abane taruñ thagriñña yodteañ abe khoe butshaa yonña thoñ yañ khoe sems snyinrje gañs. Aba bañtañste soñ yañ butshaa thilte pug tañs. ²¹ Butshe khoa zers, 'Abale, ñe Konchog tañ nyerañji gyabgalla sdigpa coste innog. Daa nyerañji butsha in zercessi ospa man'. ²² Innañ abe yogpogun bodte zers, 'Gyogspa cos, tshañmesañ rincan Kos khyonste khoa skon, lagpa serri serdub tañ kañpa pabu skon. ²³ Beto gyagspa khyonste sod, ñadañgunni don tañste gamo skyidpo coin, ²⁴ ciazerna ñe i butshabo shite inpin, ta sonte innog. Storte inpin, ta thobte innog.' Yañ khorñgunni gamo skyidpo coces gozugs."

²⁵ "Tenna tusla butshaa chenmobo zhiñne logte khañpe nyemo lebbacig, khoa lu tañ stses tañkan tshor. ²⁶ Khoe, yogpozhiig bodte ci chen innog zerte ñis, ²⁷ yogpoboe lantañs, 'Nyerañji no logste yonñs yañ kho khamzañ thañspo leb pasañ nyerañji abe lañdo gyagspabo sadte gamo skyidpo coin innog'."

²⁸ "Acoa so yonste nañkugga masoñ. Tene aba philogga yonste khoa juju nañña yon zers. ²⁹ Innañ butshe abaa zers, 'De izam lo mañpo nyerañji yogpo coste nyerañji ka nam khaa manyans, ñaa ñarañji dzaogun nyampo gamo coala nyerañji reguzhiggañ matañs. ³⁰ Innañ nyerañji i butsha kaboe zugstsoñmagun nyampo nyerañji nor tshañma godla tañste logste yonñacig, nyerañji khoe phia lañdo gyagspabo sads'."

³¹ "Tene abe khoa zers, 'De butsha khyorañ tusgyun ña nyampo innog, yañ ñe inkan tshañma khyorañji innog. ³² Innañ ñadañgunni gamo skyidpo cogos ciazerna i khyorañji no shite inpin, ta sonte innog. Kho storte inpin, ta thobte innog'."

Chagzod husharzhiggi ruñs.

16:1 ne 15

16 ¹ Tsoo Yeshui lobtuggunla mols, "Mi chugpozhiigga khoe chagzodpoe nor godla tañdug zerte spera tshorpa ² khoe chagzodpo bodte zers, 'Khyorañji skorla ñe ci tshorranog? Khyorañña kalkanni khag tañ pene stsiruggun toñ, tanepharla ñe khyorañ chagzoddi Koseka borramed'."

³ "Chagzodpoe khorañña zers, 'Ta ñe ci cogos? Sponboe ñaa lasne phiñs. Sa skocessi khyud ñaa merag, ltsaññala ñaa thelcesrag. ⁴ Lasne phiñste stiñne migunni ña khorñgunni khañpe nañña dugsa tañ zan tañcessi phia cogoshespo ña shes'."

⁵ "Tene khoe sponboe bulon tañste yodkan tshañma rere coste bods. Tañpoboa ñis, 'Khyorañña ñe sponboa shalgoshessi bulon tsam yod?' ⁶ Khoe zers, 'Oliwwi mar litar stoñsum.' Khoe zers, 'Gyogspa khyoraññi bulonni tho khyoñste stoñ cignañphed Griis'."

⁷ "Tene khoe yañcigga ñis, 'Khyorañña bulon shalgoshes tsam yod?' Khoe lantañs, 'Ðo kyilogaram ston nyishu', yañ khoe zers, 'Khyoraññi bulonni tho khyoñste ston cignañduggya Griis'."

⁸ "Sponboe ñaño medkanni chagzodpoa, sambacanni las coskanboe phia stodpa tañs. I jigstenpagun khorañgunni topagun nyampo ñel cocessi nañña, oddi migunni sañ mañña skyonjan yodte innog. ⁹ Ðe khyozhagunla zerrad, khyozhe jigstenni norgun zhanma phanthogs tañces tañ khoñgun nyampo dzao cocesla kol. Tene norbo medkan chacig, namkhe khañpe nañña khyozhagunla gasus zhuin."

¹⁰ "Nyununzhiggi nañña idshescan luskangun, mañpoe naññañ idshescan lusin. Nyununzhiggi nañña ñaño macokangunni mañpoe naññañ ñaño mico. ¹¹ Galtes khyozha jigstenni nor ñel cocessi nañña idshescan medna tene sui khyozhaa namkhe denbe nor stadin. ¹² Galtes khyozhaa zhanme norri nañña idshescan medna, tene khyozharaññi inkanbo sui khyozhaa tañin. ¹³ Yogpozhiiggi sponbo nyissi zhabstog co minyan, cigpoa naphrad yañ cigpoa cessa coin, ya cigpoa snyiñne zhabstog yañ cigpoa mathadda zhabstog zhuanog. Tenna tsogsla Konchog tañ nor nyiskoa zhabstog zhu minyan."

¹⁴ Te tshañma teka yodkanni nordodcan pharushipagunni tshorpa, khoñgunni Yeshua ñhelgod tañs. ¹⁵ Yeshui khoñgunla mols, "Migunni dunla khyozhagunni khyozharañ ñaño inkan stancesla thaddug, innañ khyozhe snyiñgun Konchoggi khyennanog. Migunni ma rincan thekanbo, Konchoggi skundunla tebo khamlog thein."

Zhanyañ labzhaa rig.

16:16 ne 18

¹⁶ Tsoo Yeshui mols, "Kañhims tañ luñstonpagunni ñia dzadkangun Yohananni tus tshagpa shadda dzads. Tedusne pharla Konchoggi gyañsiddi gamoe nastshul shadin innog, yañ tenañña chacessi stonñus tshañme coin innog."

¹⁷ "Innañ Konchoggi kañhimssi ige ya tsagcig storri sañ, namkhaa tañ sa nyisko storcespo lamo in. ¹⁸ Khoraññi nama cadte zhan bumozhig nyampo nama cokañboe

logyem coste innog, yaŋ cadkanni bumo nyampo nama cokanboeŋ logyem coste innog."

Mi chugpozhig taŋ Lazarras.

16:19 ne 31

¹⁹ "Chugpo mizhig Koshen taŋ rishemmi koslag rincan gonte, zhagdaŋ ðontaŋin skyidpo coin duggadpin. ²⁰ Khoe ghoe dunla zugspo gaŋpoa shoa biŋte yodkan Lazarras zerkanni ltsaŋkanzhig duggadpin. ²¹ Khoe mi chugpoboe cogtse kane budkangun zacessi dodpa coadpin, teka nanma khyigun yoŋste khoe smakhagun ldaggadpin."

²² "Zhagshig ltsaŋkanbo shi, yaŋ Konchoggi phonyagun skyodte kho Abraham yodsa khurte khyerra dzads. Mi chugpoboan shi yaŋ subs. ²³ Nyalwe naŋŋa sdugsŋal ŋante thoŋin, khoe namkhaa staspa thagriŋzhigne Abraham taŋ khoŋŋi dunla Lazarras thoŋ."

²⁴ "Khoe skad chenmo nyampo zers, 'Aba Abraham, ŋeka snyiŋrje dzadste Lazarrassi dzigubo chua cugste ŋe lcebo taŋmo co cugga kalla dzad, ciazerna ŋa i me naŋŋa sdugsŋal chenmo thoŋŋarag'."

²⁵ "Innaŋ Abrahammi lantaŋs, 'Butsha idtu cos, khyoraŋŋa raŋŋi mitshe naŋŋa skyidpogun thob zane Lazarrasla sdugsŋalgun thobte inpin. Ta ika Lazarrasla skyidpo yaŋ khyoraŋŋa sdugsŋal thoŋdug, ²⁶ te tshaŋma matshad ŋazhaa taŋ khyoraŋŋi parla luŋpa chenmozhiŋ yod. Ikane khyoraŋ chogsla chaa thadnaŋ chaa minyan, yaŋ tekane suzhiggaŋ ŋazhaa yodsa yoŋ minyan'."

²⁷ "Khoe zers, 'Juju yab Abraham, Lazarras ŋe abe khaŋpa kalla dzadte ²⁸ ŋe acono ŋŋakoa sdigpe mitshe phudces maphaŋna khoŋgunnaŋ i bardocanni nasse naŋŋa lebin molte spaŋpud cugga dzaddaŋ'."

²⁹ "Innaŋ Abrahammi lantaŋs, 'Mozes taŋ zhan luŋstonpagunni ðikangun khoŋgunni lagga yodte innog, tegunla nyangos'."

³⁰ "Khoe zers, 'Yab Abraham tezug mamol. Galtes shikangunne ŋone cig khoŋgunnika chana, khoŋgunni gyodpa coste sems gyurin'."

³¹ "Abrahammi khoa zers, 'Galtes khoŋgunni Mozes taŋ luŋstonpagunni Griiskangun khaa manyanna, shikangunni ŋone laŋste chakanboe khaŋ khoŋgunni minyan'."

Sdigpa, tatpa taŋ khag khurces.**17:1 ne 10**

17 ¹Tsoo Yeshui khoŋraŋŋi lobtuggunla mols, "Sdigpe naŋŋa gyelcugkan tantan cuŋin, innan tebo cuŋcugkanboa tsamshiggi jigspa miyoŋ. ²I chuŋgunni naŋne cigga sdigpa cocuggi saŋ khoranŋi skyea ranthaggi rdoa tagste gyatshoe naŋŋa phaŋna gyal. ³Tene khyozhe zhaste suzhiggaŋ sdigpe naŋŋa migyelcesla tantan cos."

"Galtes khyozhe spunzhiggi sdigpa cona, khoa khaskyeste skyoŋ, yaŋ galtes khoe gyodpa cona shagspa toŋ. ⁴Galtes khoe nyima ciggi naŋŋa lan rdun khyozhe gyabgalla sdigpa coste lan rdun khyozheka yoŋste gyodpa cona, khyozhe khoa shagspa toŋ."

⁵Skutshabsgunni Tsooa zers, "Dazhaa dadpe naŋŋa ldan cugga dzad."

⁶Tsooe lansals, "Galtes khyoraŋŋa nyuŋskarri saon chuŋun zamshiggi tatpa yodna khyoraŋŋi ose lcaŋmaa zer, 'Paŋagne pudte tshoe naŋŋa soŋ' yaŋ teboe khyoraŋŋi khaa nyanin."

⁷"Khyoraŋŋi yogpozhiŋ zhiŋŋŋoa ya lug tshoa soŋte khaŋpa logte yoŋŋacig, khyoraŋŋi khoa zerinna, 'Yoŋ, ika dugste kharji zo'? ⁸Khyoraŋŋi khoa mizerra, 'Goŋzan ɗalɗig cos, yaŋ ŋa zaa taŋ thuŋ tshartshar tshagpa skyerags ciŋste zhabstog cos, te stiŋne khyoraŋ zathuŋnaŋ ɗig'? ⁹Zerkan naŋzhin yogpoboe cospa, khyoraŋŋi khoa thugrjeche zerinna? Tantanla mizer. ¹⁰Tenna tsogsla molkan naŋzhin khyozhe, citshaŋma cotsharte, khyozhe zergos, 'Dazhaa stsiwe ospa mankan yogpo in, khag kalkanni laspo ŋazhe cospin'."

Dzenad yoŋkan rcu gyalcugga dzads.**17:11 ne 19**

¹¹Tsoo Yeshu Yerushalemmi gyalsa chogsla skyod zane Samarriya taŋ Galillii yuljoŋssi partshamsne skyods. ¹²Khoŋ gamyulzhiggi naŋŋa skyod zane dzenad yoŋkan rcui Yeshu thoŋ yaŋ thagriŋŋa dugste ¹³kuco taŋin khoŋgunni zers, "Yeshu sponbole, ŋazheka snyiŋrje dzaddaŋ."

¹⁴Khoŋgun zigssacig khoŋŋi mols, "Soŋ, khyozharaŋŋi zugspo lamagunla ston." Khoŋgun chaa zane khoŋgun dzenadne phan.

¹⁵ Khoŋgunni ʈone ciggi nad gyalkanbo thoŋte skad chenmoe naŋŋa Konchogga stodpa phulin logste yoŋs. ¹⁶ Yaŋ Yeshui zhabssi dunla gyelte khoŋŋa thugrjeche zhus. Kho Samarriyapazhig inpin.

¹⁷ Yeshui mols, "Khyozha rcu nadne phan maphansa? Zhan rgubo kare?"

¹⁸ Yahudapa mankan khyoraŋ cigpo mane, zhan tshaŋma Konchogga thugrjeche zhuala logste mayoŋssa?" ¹⁹ Tene khoŋŋi khoa mols, "Loŋs yaŋ soŋ, khyoraŋŋi dadpe khyoraŋ gyalcugste in."

Konchoggi gyałsid nyemo leb.

17:20 ne 37

²⁰ Zhagshig pharushipagunni Konchoggi gyałsid nam lebin zerte ʈikanboa Tsoo Yeshui lansals, "Zhibca coste sten dugnaŋ Konchoggi gyałsidpo lebba mithoŋ, ²¹ ya migunni 'Ikane ya akane dug' mizer ciazerna Konchoggi gyałsid ni khyozhagunni ʈoa yodte innog."

²² Tene khoŋŋi khoŋraŋŋi lobʈuggunla mols, "Tuspo lebin nam khyozhagunni mirigssibu logste yoŋcessi zhagpo thoŋcessi dodpa borin innaŋ thoŋ mithub.

²³ Migunni khyozhaa zerin, 'Stos, khoŋ ikane ya akane dug', khoŋgunni stiŋraŋne baŋtaŋste macha. ²⁴ Skamlaggi od namkhe chogs cigne zhanchogs cigga khyebssa tsogs mirigssibu logste yoŋ zaneaŋ chen. ²⁵ Innaŋ tedussi saŋ sŋunla khoa sdugsŋal maŋpo thoŋste i Mirabspoe kho su inkanboeka tatpa macoa phaŋin."

²⁶ "Mi ɗaŋpo Noae tusla cuŋkan tsogs mirigssibu yoŋŋi tuslaŋ cuŋin ²⁷ Noa ʈuziŋŋi naŋŋa zhugssi zhag tshogpa migun zen, thuŋin, nama coin taŋ bagma taŋin dug. Tene jigstennika chulog yoŋste mitshaŋma chui naŋŋa nubte shi."

²⁸ "Tenna tsogsla Lod zerkanni tuslaŋ soŋpin, migun zen, thuŋin, nyoin, tshoŋtaŋin, zhiŋ tabin taŋ khaŋpa stigin yodpin, ²⁹ innaŋ Lod Sodommi gyalsane biŋŋacig, namkane me taŋ tugcanni rdoa zhenin yodkangun babste tshaŋma medkan soŋ. ³⁰ Tenna tsogs mirigssibu sŋonni tusla cuŋin. ³¹ Te zhagga khaŋpe khathogga yodkangun yogga babste khaŋpe naŋŋa norgun lennala macha.

Tenna tsogsla zhiŋŋika las coin yodkangun logste khaŋpaa citoŋ lennala macha.

³² Loddi namaa cuŋkanbo idtu cos. ³³ Raŋŋi mitshea thamste dugkangunni denbe mitshe skyalin, innaŋ ŋe phia khoranŋi mitshe phudkangunni denbe mitshebo skyobin. ³⁴ De khyozhagunla zerrad, te tshanla mi nyis maltsa ciggika nyid taŋste yodkangunni naŋne cigpo namkhaa khyerra dzadin yaŋ cigpo borin.

³⁵ Raŋthagika ðo skorin yodkan bumo nyissi naŋne cigpo namkhaa khyerra dzadin yaŋ cigpo borin." ^{36j}

³⁷ Khoŋgunni tiŋ, "Tsoo, i tshaŋma karu cuŋin."

Khoŋŋi lansals, "Ro yodsa sha zakanni cagun khorranog." (Khyozhe te stagsgun cuŋŋa thoŋŋacig thame tus lebcespo khyozhaa hagogos).

Snyiŋruscanni ane maraŋmo.

18:1 ne 8

18 ¹ Zhagshig Tsoo Yeshui khoŋraŋŋi lobtuggunla sun masunna tusgyun moslam zhugoshesla labzha salin ruŋsshig shadda dzads. ² "Gyalsazhiggi naŋŋa Konchogga mijigskan yaŋ migunla stsiwa medkanni thimsponzhig yodpin. ³ Tenna gyalse naŋŋa ane maraŋmozhiŋ zhagdaŋ khoeka yoŋste zhuwaa phuls, 'Da ŋe ðaoe kane ospe thimscad coa dzad.' ⁴ Thimsponni lan maŋpo khoe zhuwaa snaŋŋa mataŋs innaŋ stiŋjugga khoe sam, 'Da Konchogga mijigskan yaŋ migunla stsiwa medkan ⁵ innaŋ i ane maraŋmoboe ŋa snaŋŋa tshercugpa, ŋe khoa ospe thimscad taŋin, te mane kho zhagdaŋ yoŋste ŋa semssi thilne ŋalcuggog'."

⁶ Tsooe mols, "Thimspon, ospa macokanni ruŋspoe kane labzhaa len. ⁷ Konchoggi nyintshan medpa khoŋŋa moslam zhukan, khoŋŋi ldamsma dzadkangunla ospe thimscad midzadda? Ci Konchoggi khoŋgunla rogs coala gorcugga dzadinna? ⁸ De khyozhaa zerrad, gyogspa khoŋgunla ospe thimscad coa dzadin. Innaŋ mirigssibu yoŋŋi tusla khoa jigstennika tatpacan thobinna?"

Pharushipa taŋ thallenkanni ruŋs.

18:9 ne 14

⁹ Raŋ ðaŋpo inkanboeka lokhyel yaŋ zhan tshaŋma thushog samkan khacigga, Tsoo Yeshui i ruŋspo shadda dzads, ¹⁰ "Mi nyis chodkhaŋŋa moslam zhuala soŋ, cigpo pharushipa yaŋ cigpo thalnenkan kaboa migunni thushog sammad.

¹¹ Pharushipabo laŋste khorraŋŋi skorla moslam zhus, 'Konchog, ŋa nyeraŋŋi zhan migun yaŋŋa cagpa, miŋanpa, logyem cokan, ya i thalnenkanbo tsogs midzadcesla ŋe thugrjeche zhuad. ¹² Daa rdunzhaggi naŋŋa lan nyis roza duggad, yaŋ ŋe yoŋgo tshaŋme rcu khagpo nyeraŋŋa phullad'."

¶17:36 sŋunme Griissi specha maŋchea naŋŋa ibo Griiste medte innog, "Mi nyis zhiŋŋa yodtus cigpo lenin, yaŋ cigpo borin."

¹³ "Innaŋ thalnenkanbo zhangunni saŋ thagriŋŋa laŋste go ghuste namkhaa mastaa, ɗaŋ rduŋin moslam zhus, 'Kye Konchog, ŋa sdigcanla snyiŋrje dzad'."

¹⁴ De khyozhaa zerrad, Konchoggi skundunla pharushipabo manpa i miboa shagspa thobte khoranŋi khaŋpa logste soŋ ciazerna taŋpo stankan tshaŋma pasmo coa dzadin yaŋ khoran pasmo borkanboa stsiwa salla dzadin."

Tsoo Yeshui ɗugu chuŋungunla cinlabs sals.

18:15 ne 17

¹⁵ Zhagshig phamagunni ɗugu chuŋungun Tsoo Yeshui chagstsea dzadte cinlabs salcesla khyoŋs. Tebo thonŋacig lobɗuggunni khorŋunla khaskyes.

¹⁶ Innaŋ Yeshui ɗugugun khoranŋ yodsa bodda dzadte mols, "ɗugu chuŋungun ghag maghagga ŋa yodsa yoŋcug, ciazerna itsogsgunni phia Konchoggi gyaɗsidpo innog. ¹⁷ De khyozhaa denba zerrad, Konchoggi gyaɗsid ɗugu chuŋungun tsogsla malenkangun Konchoggi gyaɗsiddi naŋŋa mane zhugs minyan."

Mi chugpozhiŋgi ruŋs.

18:18 ne 30

¹⁸ Yahudape sponbozhiggi Tsoo Yeshua ɗis, "Lobpon zaŋpole, thamedpe mitshe norskalla thobcessi phia ci cogos?" ¹⁹ Yeshui khoa ɗia dzads, "Ciphia khyoranŋi ŋaa zaŋpo zerrad? Konchog cigpo mastog suaŋ zaŋpo man. ²⁰ Khyoranŋi kagyagun shessanog: riŋŋi zhidmad manpa zhanma nyampo luɗɗel maco, mi masad, ɗkumaɗku, spaŋpo zunba mataŋ, raŋŋi aba taŋ amaa stsiwa cos."

²¹ Khoe Yeshua zers, "Te tshaŋma ŋe chuŋtusne pharla ɗuŋste in"

²² Tebo sannacig Yeshui khoa mols, "Tarun khyoranŋa cogoshes cig luste dug. Soŋ yaŋ khyoranŋi gyunor tshaŋma tsoŋste pene nyalbacangunla toŋ, namkhe naŋŋa khyoranŋa baŋdzod thobin. Tene yoŋste ŋe gyabne ɗoŋs." ²³ Tebo tshorracig, khoa tsherkha ɗante yoŋs ciazerna kho machugpo yodpin. ²⁴ Yeshui khoa zigste mols, "Chugpogun Konchoggi gyaɗsiddi naŋŋa lebcespo tsamshiggi kagspo manog." ²⁵ Tantan, mi chugpo Konchoggi gyaɗsiddi naŋŋa lebcessi saŋ rjabon khabbi migne biŋcespo lamo chen."

²⁶ Tebo tshorkangunni khorŋa ɗis, "Tene sua tharpa thobin."

²⁷ Yeshui lansals, "Mia co minyancespo Konchogga dzad nyannanog."

²⁸ Pitari Yeshua zers, "Zigssaŋ ŋazhe citshaŋma phaŋste nyeraŋŋa ɗaŋspin"

²⁹ Khoŋŋi khoŋgunla mols, "De khyozhaa denba zerrad, Konchoggi gyałšiddi phia khaŋpa ya namaa ya acono ya phama ya ɽugu phaŋskan tshaŋmala, ³⁰ inna mitshe naŋŋa, tegunni ldab maŋpo matshad Konchoggi gyałšiddi tusla thamedpe mitshe thobin."

Tsoo Yeshui lan sumpa khoŋraŋ doŋshessi luŋstan salla dzads.

18:31 ne 34

³¹ Tsoo Yeshui khoŋŋi lobɽug rcugnyispo soso khyerte mols, "Dadaŋgun kyenla Yerushalemma chaces innog, yaŋ luŋstonpagunni mirigssibui skorla Griiskan tshaŋma ɽaŋɽa ɽubin. ³² Kho Yahudapa mankaŋgunni lagga stadin yaŋ khoŋgunni khoa ɽhelba stante, chilmag taŋ stallcag gyabste sadin. ³³ Yaŋ zhag sumpe zhagga yaŋskyar kho sontea laŋin."

³⁴ Innaŋ lobɽuggunla khoŋŋi molkaŋgun caŋ hamago. Te spere tongun saŋwe naŋŋa borpa khoŋgunla hago mathub.

Zhara ltsaŋkanzhig phancugga dzads.

18:35 ne 43

³⁵ Tsoo Yeshu taŋ khoŋŋi lobɽuggun, Yerikoe nyemoa yod zane, zharazhig lammi thama ltsaŋin dugste yodpin. ³⁶ Tekane mitshogsshig chen yodkanbo tshorte khoe khoŋgunla ci chen innog zerte ɽis? ³⁷ Khoŋgunni zers, "Natsaredpa Yeshu skyodin innog." ³⁸ Tene khoe kuco taŋin zers, "Yeshu, gyalpo Dabiddi phorgyud ŋeka snyiŋrje dzad."

³⁹ Sŋunla chakaŋgunni khoa khaskyeste cubcod zers, innaŋ khoe maŋŋa kuco taŋste zers, "Gyalpo Dabiddi phorgyud, ŋeka snyiŋrje dzaddaŋ."

⁴⁰ Yeshu ɽulla madzadda zhugs yaŋ zharabo khoŋŋi dunla khyoŋcesla mols. Kho Yeshui dunla lebbacig, khoŋŋi khoa ɽia dzads, ⁴¹ "De khyoraŋŋi phia ci co."

Khoe zers, "Tsoole, ŋaa yaŋskyar thoŋ cugga dzad."

⁴² Yeshui khoa mols, "Khyoraŋŋi thoŋcessi khyudpo len, khyoraŋŋi dadpe khyoraŋ phancugste in." ⁴³ Tennamalla khoa thoŋthub, Konchogga stodpa phulin Yeshui stiŋraŋne soŋ. Mitshaŋme tebo thoŋŋacig khoŋgunniaŋ Konchogga stodpa phuls.

Zakkaeus thalnenkanni skor.**19:1 ne 10**

19¹ Tsoo Yeshu Yeriko ðonkhyer gyudte skyod zane, ² teru thalnenkanni sponbo Zakkaeus zerkan mi chugpozhiḡ yodpin. ³ Khoa Yeshu jalcessi dodpa yodpin, innañ mitshogs taḡ khoe gobo chuḡun yodcespoe Yeshu jal manyan. ⁴ Kho sḡunla baḡtaḡste Yeshua stacesla khoḡ skyodcescanni lammika yodkanni sikamorri lcaḡmeka dzags.

⁵ Yeshu te nasseka lebbacig, kyenla zigste khoa mols, "Zakkaeus, yogga gyogspa babste yoḡ. Diriḡ ḡaa khyoraḡḡi khaḡpa ðaḡsa duggos." ⁶ Tene kho gyogspa babste, ma thadpo nyampo Yeshua khoraḡḡi khaḡpa gasus zhus. ⁷ Teru yodkanni mitshaḡme tebo thoḡte bagaboge shadin zers, "Khoḡ mi sdigcan nyampo zhugsa skyod."

⁸ Zakkaeus laḡste Tsooa zers, "Tsoole zigssaḡ ḡaa yodkanni nor phedpo ḡe nyalbacanla taḡin yaḡ galtes ḡe suzhigga gobskorte pene lente yodna, teboe zhildab ḡe logste taḡin."

⁹ Yeshui khoa mols, "Diriḡ i khaḡpe naḡḡa tharpa lebte in ciazerna khaḡ Abrahammi phorgyud innog. ¹⁰ Mirigssibu storkangun tsalces taḡ skyobcesla yoḡste in."

Serri pene cui ruḡs.**19:11 ne 27**

¹¹ Migunni nyanin yod zane, Tsoo Yeshui khaḡgunla ruḡsshig shadda dzads ciazerna khaḡ Yerushalem gyalse nyemoa yodpin yaḡ migunni Konchogḡi gyaḡsid tenna zane sḡonces innog sammadpin. ¹² Khoḡḡi mols, "Skuthagzhig yul thagraḡzhigga gyalpoe Kosa lente logste yoḡcesla soḡ. ¹³ Kho che saḡ sḡunla khoraḡḡi yogpo rcu bodte, khaḡ rerea lzawa summi lachaa ðaḡde pene taḡste zers, 'Da logste yoḡyoḡ tshagpa i penebo tshoḡcoala kol'. ¹⁴ Innañ te yulli mitshaḡme khoa naphrad cospa, khoe stiḡraḡne mi khacig, 'I mibo ḡazhe gyalpo coala ḡazhagun thadda merag zerrala kals'."

¹⁵ "Innāḡ kho gyalpo gyurte logte yoḡs. Tene tshoḡ taḡste tsam khye thobtog stacesla khoe pene taḡskanni yogpogun bods. ¹⁶ Yogpo taḡpo yoḡste zers, 'Sponbole, nyeraḡḡi pene taḡkanboe rculdabpo ḡaa jor'."

17 "Sponboe khoa zers, 'Gyalla cos, yogpo zanpo, khyoraŋ nyuŋunzhiggi naŋŋa idshescan luspa, khoranŋa ŋe gyalsa cuika waŋcha taŋŋad'."

18 "Yogpo nyispabo yoŋste zers, 'Sponbole, nyeraŋŋi pene taŋkanboe ŋŋaldabpo ŋaa jor'."

19 "Sponboe khoa zers, 'Khyoraŋŋa gyalsa ŋŋeka waŋcha taŋŋad'."

20 "Tene yogpo sumpa yoŋste zers, 'Sponbo, nyeraŋŋi pene ŋe lagphissi naŋŋa tumste vaste borpin, ta logste nams. 21 Da nyeraŋŋa jigs ciazerna nyeraŋ sponbo snyiŋrje medkan, mataŋŋa lenkan taŋ matabkanni kane rŋakan innog'."

22 "Sponboe khoa zers, 'Yogpo ŋanpa, khyoraŋŋi zerkangun gyudte ŋe khyoraŋŋa ŋhimscaadin. Da snyiŋrje medkan yaŋ ŋa mataŋŋa lenkan taŋ matabkanni kane rŋakan inkanbo gyusyodteaŋ, 23 khyoraŋŋi ŋe penebo muldzodkhaŋŋi naŋŋa ciphia mataŋspin? Galtes taŋspinna, ŋa yoŋste pharynyampo ŋari pene lente yoddo'."

24 "Tene sponboe teka laŋste yodkangunla zers, 'Khoe kane penebo lente rculdab jorkanboa toŋ'."

25 "Khoŋgunni zers, 'Sponbo, khoe lagga rculdab maŋŋa pene yodte innog'."

26 "Sponboe lantaŋs, "Ona, taŋskanbo gyalla coste kolkangunla maŋŋa taŋin, innaŋ makolkangunni kane nyuŋun yodkanboaŋ khyerin'."

Yeshua gyalpoe tshulla gasus zhus.

19:28 ne 40

28 Tegun mol tsharracig Tsoo Yeshu lobtuggunni sŋunsŋunla Yerushalemma skyod. 29 Khoŋ oliwwi rika^k yodkan Bedphage taŋ Bedthani doŋsebgunla lebkyis yoddacig, Yeshui khoŋraŋŋi lobtug nyis sŋunla lamcugga dzadte, 30 mols, "A doŋsebbi naŋŋa soŋ, teru lebbacig, suaŋ mazhonkanni buŋsarzhig tagste thoŋcen, tebo tolte ika khyoŋ. 31 Galtes suzhiggi, 'Khyozhe buŋsarbo ciphia tollad' zerna, 'Tsooa gosdom dug' zer."

32 Sŋunla kalkanni lobtuggun soŋte Yeshui molkan naŋzhin thoŋ. 33 Buŋsarbo tol zane teboe dagpogunni khoŋgunla ŋis, "Buŋsarbo ciphia tollad?"

34 Khoŋgunni lantaŋs, "Tsooa gosdom dug." 35 Tene khoŋgunni buŋsarbo Yeshu yodsa khyoŋs yaŋ khoŋraŋgunni Kos teboa stadte Yeshu teboeka skons.

36 Yeshu skyod zane, migunni raŋraŋŋi Kos khoŋ skyodse lammika tiŋs. 37 Khoŋ oliwwi rine thurla chakanni lammi nasse nyemoa lebbacig, khoŋŋa daŋste yoŋkan

^k19:29 i riboika oliwwi lcaŋma maŋpo skyeste yodpa iboa oliwwi ri zerradpin.

tshaŋme, khoŋŋi halasshessi dzadpagun thoŋ pasañ gamo nyampo Konchogga stodpa phulces gozugste zers,

³⁸ "Tsoo Konchoggi waŋche naŋŋa

Skyodkanni gyalpo cinlabscan.

Namkhe naŋŋa zhide taŋ namkhe thoshogga

Zhugskanni Konchogga spal khyoŋin."

³⁹ Te mitshogssi ʈone pharushipa khaciggi Yeshua zers, "Lobponle, nyeraŋŋi lobʈuggunla khaskyea dzadte tezug zercesne gagga dzaddaŋ."

⁴⁰ Khoŋŋi lansals, "De khyozhaa zerrad, galtes khoŋgun cubcadna, i rdoagunni kuco taŋte stodpa phulin."

Yeshu Yerushalempagunni phia ŋua dzads.

19:41 ne 44

⁴¹ Yerushalem gyalse nyemo lebbacig gyalsaa zigste Yeshu shumsa dzads ⁴² yaŋ khoŋŋi mols, "Galtes khyozhaa Yerushalempagunni diriŋŋi zhagga zhide thobcessi lambo shespinna, khyozhaa thobte yoddo innaŋ dagsa tebo khyozhagunni migne vaste borte innog. ⁴³ Khyozhagunnika te zhagpo lebin nam khyozhe ʈaogunni khyozhe gyalsa kyir skorte stsigpa stsigste chogs tshaŋmane khyozheka spuŋgol coin. ⁴⁴ Gyalsabo thestor coste migun sadte medkan coin. Rdoa ciggika cig tsagste milus ciazerna Konchog khyozhaa skyobba skyodkanni tuspo khyozhagunni ŋo mashes.

Tshoŋpagun chodkhaŋŋi naŋne phiŋŋa dzads.

19:45 ne 48

⁴⁵ Tene Tsoo Yeshu chodkhaŋŋi naŋŋa skyods, ʈogchodla phulcessi semscan tsoŋkangun philogga phiŋces gozug coa dzads. ⁴⁶ Yeshui khoŋgunla mols, "Dampe suŋrabssi naŋŋa Konchoggi molla dzadte dug, 'De khaŋpaa moslam zhusse khaŋpa zerin,' innaŋ khyozhagunni ibo cagpagunni tshaŋs coste dug.¹"

⁴⁷ Zhagdaŋ khoŋŋi chodkhaŋŋi naŋŋa labzha salla dzaddadpin. Lama uskyoŋgun, chosthimsla khaspagun taŋ yul mii uskyoŋgunni khoŋ sadcessi thabs tsalces gozugs. ⁴⁸ Innaŋ khoŋgunla skabs mathob ciazerna Yeshui labzha chuŋunzhiggaŋ bud macugga nyancesla mitshaŋmaa thaddadpin.

¹**19:46** zhalchad snyiŋpe yeremyi speche naŋŋa ibo 7:11 yodte innog.

Yeshui waŋcha gyabgal.**20:1 ne 8**

20¹ Zhagshig Yeshui migunla chodkhaŋŋi naŋŋa labzha salin gamoe nastshul shadda dzadin yod zane, lama uskyoŋgun, chosthimsa khaspagun taŋ Yahudape uskyoŋgun khoŋ yodsa yoŋste ² ŋis, "Ŋazhaa shoddaŋ, ka waŋcha nyampo khyoraŋŋi igun coad yaŋ khyoraŋŋa i waŋcha sui taŋs?"

³ Yeshui khoŋgunla mols, "Ŋeaŋ khyozhagunla ŋiwazhig ŋiin, shoddaŋ, ⁴ Yohananla thussalcessi waŋcha Konchoggi chogsne thobte innogga ya mi chogsne?"

⁵ Khoŋgunni khoranŋgunni naŋŋa spera taŋste zers, "Galtes Konchoggi chogsne innog zerna khoe, khyozhe khoa cia idshes macospin zerte ŋiin. ⁶ Innaŋ galtes mii chogsne innog zerna, mitshaŋme ŋadaŋŋa rdoa gyabste sadin ciazerna khoŋgunni Yohanan luŋstonpa inkanboa tatpa coanog. ⁷ Teboephia khoŋgunni Yeshua lantaŋs, "Kane thobte in ŋazhaa gyusmed."

⁸ Yeshui khoŋgunla mols, "Ŋeaŋ mishad, sui waŋche naŋŋa ŋe igun coad."

Ŋanpa tshaskangunni ruŋs.**20:9 ne 19**

⁹ Tsoo Yeshui migunla i ruŋspo shadda dzads, "Mizhiggi khoranŋŋi zhiŋŋa rgun tabste zhan zhiŋbadpagunla shasla taŋs yaŋ lo khacig khoranŋ zhanyulzhigga dugga soŋ. ¹⁰ Stonthoggi tusla khoe shiŋtoggi skalla lennala shasla taŋkangunnika khoranŋŋi yogpozhiŋ lamcugs. Innaŋ khoŋgunni yogpoa rduŋste, kho lagstonŋa logste lamcugs. ¹¹ Zhiŋŋi dagpoe zhanyaŋ yogpozhiŋ lamcugs, khoŋgunni khoa rduŋs yaŋ thelba stante lagstonŋa logste lamcugs. ¹² Khoe yogpo sumpabo lamcugs, khoa rduŋste smakhaa phiŋste philogga phaŋstaŋs."

¹³ "Tene rguntshassi dagpoe sam, 'Ŋe ci cogos? Ŋe cessa cokanni butsha lamcugna khoa stsiwa co micoahe'."

¹⁴ "Innaŋ shaspagunni butsha thoŋŋacig, khoŋgunni cig taŋ cigga zers, 'I zhiŋ norskalla thobcescanbo yoŋŋala. Yoŋshig, kho sadin yaŋ khoe norskalbo ŋadaŋŋa thobin.' ¹⁵ Tene khoŋgunni kho rguntshasne philogga phaŋste sads."

Yeshui ŋia dzads, "Tene khoŋgunla rguntshassi dagpoe ci coin? ¹⁶ Kho yoŋste, shaspagun sadin, yaŋ rguntshaspo zhan zhiŋbadpa rigga shasla taŋin."

Migunni te ruŋspo tshorracig zers, "Tetsogs ŋanpa mane macuŋshig."

¹⁷ Innaj khoṅṅi khoṅgunla zigste mols, "Tene dampe suṅrabssi naṅṅa i Griiskanboe tontagpo ci innog,

Ka rdoabo khaṅpa stsigkangunni phanmithogs thes,

Tenna rdoabo khaṅpe ṭurdoabo gyur

Kabo tshaṅmesaṅ khagcan rdoabo innog.^m

¹⁸ Te rdoeka ghaggyabkan tshaṅma tumpatumpe naṅṅa chagin, innaj te rdoabo khoṅgunnika budna, khoṅgun medkan chen."

¹⁹ Chosthimsa khaspagun taṅ lama uskyoṅgunni tennamalla Yesu zumcessi dodpa yodpin, ciazerna te ruṅspo khoṅgunni gyabgalla shadte inkanbo hago. Innaj khoṅgun migunla jigs.

Rommi gyalpoa thalshalces.

20:20 ne 26

²⁰ Khoṅgunni mi ḍaṅpo inzun taṅste Tsoo Yesuika snaṅstag borra jasusgun kals. Khoṅgunni Yesu molkanni spere naṅṅa khoṅ khadcugste Rommi kalonni lagga stadcessi dodpa coadpin. ²¹ Jasusgunni Yesua ṭis, "Lobponle, nyeraṅṅi molkan taṅ labzha salkanbo ḍaṅpo yaṅ mi naṅṅa yaphes madzadda ḍaṅpo nyampo Konchoggi lammika ḍulces labba dzadkanbo ṅazhaa gyusyod. ²² Molla dzaddaṅ, Rommi gyalpoa thal shalcespo ospa innogga ya manog?"

²³ Yesu khoṅgunni juṅṅan khyente, khoṅgunla mols ²⁴ "Rompe mulli penezhig ṅaa stonnaṅ. I peneka yodkanni par taṅ miṅ sui innog?"

Khoṅgunni lantaṅs, "Rommi gyalpoe innog."

²⁵ Khoṅṅi khoṅgunla mols, "Gyalpoe inkanbo gyalpoa toṅ yaṅ Konchoggi inkanbo Konchogga phul."

²⁶ Migunni dunla khoṅṅi molkanbo gyudte Yesu khadcug manyan yaṅ khoṅṅi lansalkanboa halaste khoṅgun hanḍaṅ soṅ.

Sontea laṅsshessi skorla ṭiwa.

20:27 ne 40

²⁷ Tene shikangun sontea laṅṅa manog zerkanni saddukipa khacig Yesu yodsa ṭiwazhig ṭiala yoṅs, ²⁸ "Lobponle Mozessi ṅadaṅgunla thimsshig salla dzadte dug, 'Galtes butshazhig ṭugu medpa shina, khoe aco ya noe magpa shikanni bumoa

^m20:17 ibo ni zhalchad snyiṅpe suṅgurri speche naṅṅe 118:22 naṅṅa yodte innog.

nama coste, shikanboe mirgyud lusshessi phia tugu skyecug gos.' ²⁹ Ta acon rdun yodpin, tanpoboe nama cos yan tugu medpa shi., ³⁰ tenna tsogs nyispa ³¹ tan sumpabo matshad rdunkoe ane maranmoba nama cos inna tugu medpa shi, ³² yan stinjugga bumobaan shi. ³³ Bumoboe khoj rdunko nyampo nama cospa, shikangun son tea lanji tusla kho khongunni nan ne sui nama gyurin?"

³⁴ Yeshui lansals, "I jigstenni migunni bagma coanog. ³⁵ Inna yan yoncescanni tus, shikangunni tone son tea lan shessi ospa yodkangunni nama mico ya bagma mitan, ³⁶ yan khongun yanskyar mane mishi ciazerna khongun namkhe phonya tsogs innog. Shikangunni tone son tea lan ja dzad pasan khongun Konchoggi tugugun innog.

³⁷ Lcanma mea barkanni skorla dia dzadkanboe nan ja Mozessian shikangun son tea lan ja dzadcespo stannanog, ciazerna khoe Tsoo Konchogga Abrahammi Konchog, Isakgi Konchog tan Yakobbi Konchog zers.' ³⁸ Teboe khoj ni shikangunni Konchog manpa, sonpogunni Konchog zhugste inkanbo stannanog, ciazerna khoj tshanma Konchoggi dunla son tea innog."

³⁹ Chosthimsla khaspe mi khaciggi khoj na zers, "Lobponle, nyeranji lan gyalla sals." ⁴⁰ Tene pharla suzhigan khoj na tiwa ticessi hampa macos.

Gyalpo Dabiddi sas su in.

20:41 ne 44

⁴¹ Tene Tsoo Yeshui khongunla mols, "Konchoggi ldamma dzadkanni Mashika, gyalpo Dabiddi phorgyud innog kazuggi zerranog. ⁴²⁻⁴³ Sun gurri speche nan ja gyalpo Dabiddi Griiste dug,

'Konchoggi ne Tsoo mols,

De khyoranji dao tshanma,

Khyoranji kanpe yogga borbor tshagpa,

Khyoran ne lagpa yaspe thissika dug."ⁿ

⁴⁴ "Galtes Dabiddi Mashikaa 'Tsoo' zerradna, tene kazuggi Mashika khoe phorgyud innog?"

ⁿ20:43 ibo ni zhalchad snyinpe sun gurri speche nan ne 110:1 nan ja yodte innog.

Chosthimsla khaspagunne shaṅ cos.**20:45 ne 47**

⁴⁵ Mitshaṅma nyanin yod zane Tsoo Yeshui khoṅraṅṅi lobṭuggunla mols,
⁴⁶ "Chosthimsla khaspagunni kane shaṅ cos. Khoṅgun chossi koslag riṅmo gonte
 ḍullala, yaṅ thomssi naṅṅa migunni kane stsiwa thobcesla thaddanog. Dukhaṅṅi
 naṅṅa stsiwacanni nasseka yaṅ ḍonni naṅṅa ḍalgoa duggala thaddanog. ⁴⁷ Ane
 maraṅmogunla gobskorte khoṅṅi khaṅpagun khyerces, yaṅ migunla stancesi phia
 moslam riṅmo zhudug. Teboe zhaste khoṅgunla chadpa ṣante phogin

Ane maraṅmoi bulldus.**21:1 ne 4**

21 ¹ Tsoo Yeshui chodkhaṅṅi naṅṅa yodtus mi chugpogunni bulldussi
 ghammi naṅṅa khorṅgunni bulldus phulin zigs. ² Khoṅṅi nyalbacan ane
 maraṅmozhibgi zaṅssi pene nyis phulkanboṅ zigs.

³ Khoṅṅi mols, "De khyozhaa denba zerrad, zhan tshaṅme saṅ i ane maraṅmo
 nyalbacanboe maṅṅa phuls, ⁴ ciazerna mitshaṅme khorṅgunla maṅpo yodkanni
 naṅṅe nyuṅunzhig taṅs, innaṅ i ane maraṅmoboe nyalbacan inteṅṅ kho sontea
 lusshessi gosdom yodkan tshaṅma taṅs."

Thame tus lebcessi skorla luṅstan sals.**21:5 ne 38**

⁵ Tsoo Yeshui lobṭug khaciggi chodkhaṅ halasshes stsigste rincan rdoagun yaṅ
 migunni Konchogga phulkanni stagsgun nyampo ma ldemo coste yodkanboe
 skorla spera taṅin yod zane Yeshui khoṅgunla mols, ⁶ "Khyozhagunni ibo
 thoṅdugga? Teduspoṅ lebin nam i stsigkanni rdoa ciggaṅ ciggika stsagste milus,
 tshaṅma shigin."

⁷ Khoṅgunni khoṅṅa ṭis, "Lobponle, tegun nam cuṅin, yaṅ tegun ḍanda ḍubcessi
 stagsgun kazug rig yoṅin?"

⁸ Yeshui lansals, "Suzhiggaṅ khyozhaa gobskor taṅ micugcesla shaṅ cos,
 ciazerna ṅe miṅ khurte 'Da ldamma dzadkanni Mashika in yaṅ tuspo nyemo dug'
 zerkan maṅpo yoṅcen. Khoṅgunni stiṅraṅṅe macha. ⁹ Mag taṅ waṅṣulpa ṅolog
 cocesgun tshorracig jigs majigs. Goma tegun cuṅgos innaṅ thame tus taruṅ mileb."
¹⁰ Tene khoṅṅi khoṅgunla mols, "Gyalkhams cig taṅ cig yaṅ gyalkhag cig taṅ ciggi

gyabgalla mag tañin. ¹¹ Nassa manpoe nañña muge, sañgul tañ jarnad gun yoñin, yañ namkhe nañña jigssnañcanni stasgun tañ tagpo stagsgun cuñin."

¹² "Innañ tegun cuñji sañ sñunla ñeka dodpa cocespoe khomegunni khyozhaa zumste nags stanin, dukhamegunni nañña khyerte tsonkhañña kagin yañ thimscaddala kalon tañ gyalpo gunnika khyerin. ¹³ Tedus khyozhaa, ñaa su inkanboe spanpo khomegunla tañcessi skabs thobin. ¹⁴ Innañ khomegunni dunla khyozhaa nonjmed kazuggi stanin samste sñunla tsher matsher. ¹⁵ Ciazerna ñe khyozhagunla tezug spera tañ shesrabs tañin, khyozhe ðao suzhiggañ teboa gyabgal ya lan tañ minyan. ¹⁶ Phama, acono, nyen tañ dzao gunniañ khyozhaa ñolog coste khyozha khacig sadcugin. ¹⁷ Khyozhaa ñeka tatpa cocespoe mitshañme khyozhaa naphrad coin. ¹⁸ Jig majigshig khyozhagunni goi şanyag ciggañ medkan chacugga midzad. ¹⁹ Ñe nañña stanpo dugna khyozhaa thamedpe mitshe thobin."

²⁰ "Khyozhe, Yerushalemmi gyalsa magmigunni skorte thomeñacig, tebo medkan chacessi tus nyemo lebte inkanbo shesgos. ²¹ Tene yahude yuljomeñssi nañña dugkangun rigunla shorgos, Yerushalemmi gyalse nañña yodkangun philogga biñgos, yañ philogga yodkangun gyalse nañña logste cha magos ²² ituspo ni Konchoggi chadpe tus in, teboe dampe sunrabssi nañña Griiskan tshañma ðubin. ²³ Tedusla skyecesma tañ tuga pibi tañkanni amagunla tsamshiggi jigssnañ manog, i nasse nañña sdugsñal tagpo cuñin, yañ i migunnika thugsşo tagpo babsin. ²⁴ Ðaoe magmigunni khomegun sadin yañ zhan gyalkhams tshañme nañña tsonpa coste khyerin, yañ Yahudapa mankangunni Yerushalempagun wañji yogga nante borin nam tshagpa khomegunni tuspo tshañ mitshañ."

²⁵ "Nyima, lzawa tañ skarma gunni nañña stagsgun thomeñin. Gyatsho skad tagpo tañ chulbag chenmo lañcespoe jigstennika gyalkhams tshañme migun jigste cig nañ cigga ci cuñste innog zerte ñiin. ²⁶ Konchoggi namkhe wañgun şugga dzadkanbo migunni thomeñacig jigstennika ci cuñin samste jigssnañji nañña khomegun munin. ²⁷ Tene khomegunni mirigssibu wañ tañ zirrijid tagpo nyampo, şinnika zhonte yoñña thomeñin. ²⁸ Tegun cuñña thomeñacig, lañste go stogste kyenla stos ciazerna khyozhe tharpa nyemo lebte innog.

²⁹ Tene Yeshui khomegunla i ruñspo shadda dzads, "Phig khazassi lcañma tañ lcañma tshañma stos. ³⁰ Tegunla loma biññacig, khyozhaa yar nyemo lebkanbo shessanog. ³¹ Tenna tsogsla khyozhagunni te stagsgun thomeñacig, khyozhe Konchoggi gyalşid nyemoa lebste yodkanbo shesin. ³² Ñe khyozhaa denba zerrad,

i Mirabspo medkan che saŋ sɲunla te tshaŋma cuŋin. ³³ Namkhaa taŋ jigsten nyisko medkan chen, innaŋ ɲe zerkangun medkan mane micha."

³⁴ Ɖon taŋces taŋ rarosshes taŋ i mitshee tsherkhagunni khyozhagunni sems Konchogne thagriŋŋa mikhyercesla shaŋ cos. Tezug macona, te zhagpo lebste hunmedla khyozhagun khadin, ³⁵ te zhagpo jigstennika mitshe phudkan tshaŋmeka babsin. ³⁶ Tusgyun shaŋ coste dug yaŋ i cuŋcescanni naslug tshaŋmane tharces taŋ mirigssibui dunla jigs majigssa laŋste dug thubcesla moslam zhus."

³⁷ Yeshui zhagdaŋ chodkhaŋŋa labzha salla dzads yaŋ phitog biŋte oliwwi ri zersse nassa skyodte tshanla zhugssa dzaddadpin. ³⁸ Yaŋ mitshogs zhagdaŋ ma ɲamone khoŋŋi labzha nyannala chodkhaŋŋa yoŋŋadpin.

Karyodpa yude ɲolog cos.

22:1 ne 6

22 ¹ Ta skyur medkanni tagi tuschen kaboa pesaggi tuschen zerrad nyemo yodpin, ² lama uskyoŋgun taŋ chosthimsa khaspagunni saŋwe thogne Yeshu sadcessi thabs tsals ciazerna mitshogssi teboa gyabgal coanog samte khoŋgun jigssadpin.

³ Tene lobɥug rcugnyissi naŋne cig, karyodpa zerkanni yude naŋŋa shetan zhugs, ⁴ yaŋ kho lama uskyoŋgun taŋ chodkhaŋ ɣuŋkanni magmi uskyoŋgun yodsa soŋte kazuggi Yeshua ɲolog coste khoŋgunni lagga stadin zerte ɖabs cos. ⁵ Khoŋgun maŋaŋte thadte khoa pene taŋcesla khachams. ⁶ Khoŋ teboa khachamste mitshogs med zane Yeshu khoŋgunni lagga stadcessi skabs tsals.

Stiŋjuggi dontaŋ nams.

22:7 ne 30

⁷ Tene skyur medkanni tagi tuschen leb, te zhagga pesaggi lugpo ɣogchodla phulladpin, ⁸ Tsoo Yeshui Pitar taŋ Yohanan lamcugga dzadin mols, "Soŋte ɲadaŋgun zacesla pesaggi dontaŋ ɖalɖig cos."

⁹ Khoŋgunni Yeshua ɥis, "Ɖazhe pesaggi dontaŋ karu ɖalɖig cole.

¹⁰ Yeshui khoŋgunla mols, "Gyalse naŋŋa zhugs zane, teru chukar khurkanni mizhig khyozhagunla thugcen, khoe stiŋraŋne soŋ. Kho zhugste chasi khaŋpe ¹¹ khaŋdagpoa zer 'Lobponni ɥiarag, "Ɖonpo zhugsse naŋbo kane yod, teru ɲe ɲaraŋŋi lobɥuggun nyampo pesaggi zan zen?" ¹² Khoe khyozhaa stanthogga ɖalɖig coskanni naŋ chenmozhig stancen, teru dontaŋŋi ɖal cos." ¹³ Tene khoŋgun soŋ yaŋ

citshaṅma Yeshui molkan naṅzhin thoṅ. Khoṅgunni teru pesaggi dontaṅ ḍaldig cos.

¹⁴ Tustshot lebbacig Yeshu khoṅraṅṅi skutshabsgun nyampo cogtse dunla nyassika stente zhugs ¹⁵ yaṅ khoṅṅi skutshabsgunla mols, "Ḍa sdugsṅal nyuṅṅi saṅ sṅunla i pesaggi kharji khyozhaa nyampo dugste zaccessi dodpa chenmo yodpin, ¹⁶ ciazerna ṅe khyozhagunla zerrad, ṅe ibo yaṅskyar mane miza namtshogpa iboe tontagpo Konchoggi gyalṅid naṅṅa ḍaṅḍa miḍub."

¹⁷ Tene Yeshui donskyogpo namste Konchogga thugrjeche zhus yaṅ khoṅgunla mols, "Ibo lente khyozharaṅgunni naṅṅa gos. ¹⁸ Ḍe khyozhaa zerrad, i rgunchaṅbo ṅe yaṅskyar mithuṅ namtshogpa Konchoggi gyalṅid mileb."

¹⁹ Tene donkyir namste Konchogga thugrjeche zhus yaṅ cagga dzadte lobṭuggunla sals yaṅ mols, "Ibo khyozhagunni phia taṅskanni ṅe zugspo in. Ḍa idtu cocesla ibo cos."

²⁰ Tenna tsogsla kharji stiṅne yaṅskyar rgunchaṅṅi donskyogpo nams yaṅ mols, "I korebo Konchog taṅ khoṅṅi migunni parla ṅe ṅhag nyampo coskanni chaddon soma in. ²¹ Innāṅ stos, ṅa ḍaoe lagga stadkanni lagpa i cogtseka ṅa nyampo dug. ²² Thagcadda dzadkan naṅzhin mirigssibu shigos, innāṅ kho ḍaoe lagga stadcescanni miboa tsamshiggi jigspa miyoṅ." ²³ Lobṭuggunni ṅone, tebo sui coin zerte khorāṅ cig taṅ cigga ṅices gozugs.

²⁴ Tene lobṭuggunni naṅṅa khorāṅgunni ṅone ṅagshog su in zerin zerzer soṅ. ²⁵ Yeshui khoṅgunla mols, "Yahudapa mankaṅgunni gyalpogunni khoṅgunnika snyiṅrje medpa waṅṅullanog, yaṅ migunnika waṅcha yodkangunni khorāṅgunla 'Migunni dzao' zerranog. ²⁶ Khyozhe naṅṅa tetsogs yoṅ magos. Khyozhe ṅone ṅagpo inkanbo chuṅshog gyurgos yaṅ waṅṅulkanbo zhabstog zhukan gyurgos. ²⁷ Cogtseka zanzala dugkanbo chea innogga ya zhabshi zhukanbo? Cogtseka zanzala dugkanbo michea? Innāṅ ṅe zhabshi zhukanni tshulla khyozhagunni ṅoa mitshe phuddad."

²⁸ "Ḍa kagspo thoṅṅi tusla khyozhaa ṅa nyampo dugkangun innog. ²⁹ Kazug ṅe yabbi ṅaa gyalṅidzhig waṅṅulla sals tenna tsogs ṅeaṅ khyozhagunla gyalṅidzhig waṅṅulla taṅin. ³⁰ Khyozha ṅe gyalṅiddi naṅṅa ṅa nyampo ṅe cogtse kane zen, thuṅin yaṅ Israelli mirigs rcugnyissika waṅṅulcesla thissika dugin."

Yeshui Pitarri khoṅ misheszun taṅcespo luṅstan dzads.

22:31 ne 38

³¹ Tsooe Yeshui mols, "Shimon, Shimon, shetanni khyozhagun tshodlte naṅṅa ḍo sigga tsogsla sigcugcesla Konchogga zhuwa phuls. ³² Innaṅ khyoraṅṅi tatpa miphaṅces yaṅ gyodpa coste yaṅskyar ṅeka tatpa coacig, khyoraṅṅi spungunla spospa taṅcesla moslam zhuspin."

³³ Pitarri lantaṅs, "Tsoo, ṅa nyeraṅ nyampo tsonla chaces matshad shiceslaṅ ḍaldig in."

³⁴ Yeshui Pitarla mols, "Ḍe khyoraṅṅa zerrad, diriṅ capoe caskad taṅṅi saṅ sṅunla khyoraṅṅi ṅaa lan sum misheszun taṅin."

³⁵ Tene Yeshui khoṅgunla mols, "Ḍe khyozhaa khomags, jola taṅ pabu medpa kal zane khyozhagunla gosssdomgun ḍaṅḍa masonṅa?" Khoṅgunni zers, "Ḍaṅḍa soṅle."

³⁶ "Innaṅ khomags yodkangunni tebo khurgos tenna tsogsla jolaṅ. Rai medkangunni raṅṅi Kos tsoṅste rai nyogos. ³⁷ Ḍe khyozhaa zerrad, dampe suṅrabssi naṅṅa 'Kho thims cagkangunni ṅoa stsiin' Griiskanbo ṅe naṅṅa ḍubgos. Tantan ṅe skorla te Griiskanbo ḍubin innog."

³⁸ Khoṅgunni zers, "Tsoole, ṅazhe lagga rai nyis yod."

Yeshui mols, "Rai skorla maṅpo zers, ta ḍiog."

Yeshui oliwwi rika moslam zhua dzads.

22:39 ne 48

³⁹ Tsoo Yeshu lobs naṅzhin gyalsane philogga biṅste oliwwi rika skyods yaṅ khoṅṅi lobṅuggun khoṅṅi stiṅraṅṅe soṅ. ⁴⁰ Te nasseka lebbacig khoṅṅi khoṅgunla mols, "Khyozhaa sdigpe naṅṅa migyelcessi phia moslam zhus."

⁴¹ Tene rdoa phaṅste lebtshad zamshig khoṅgunne thagriṅṅa skyodte pigdoṅ tsugste moslam zhus, ⁴² "Yable galtes nyeraṅ thugsthadna i sdugsṅalli korebo ṅe kane thenna dzad, innaṅ ṅe dodpa naṅzhin manpa, nyeraṅṅi thuggoṅs naṅzhin coa dzad." ⁴³ Tene namkane phonyazhig skyodte khoṅṅa stobs cugga dzads.

⁴⁴ Sdugsṅal ṅaṅṅe naṅṅa snyiṅṅi thilne moslam zhua dzads, yaṅ khoṅṅi zhaldone biṅkanni mulchu ṅaggi thigspa tsogsla seka bud.

⁴⁵ Moslam zhu tsharracig khoṅ zhaṅste lobṅuggun yodsa logste skyods. Khoṅgun nyidla soṅṅe zigs, tsherkhe zhaste khoṅgun ṅaṅṅe ṅalte yodpin. ⁴⁶ Khoṅṅi

khonḡunla ʈia dzads, "Khyozhaa cia nyidlogste in. Loḡshig, khyozhaa sdigpe nanḡa migyelcessi phia moslam zhus."

Yeshu zums.

22:47 ne 53

⁴⁷ Tsoo Yeshui zhalta salin yod zane lobḡug rcugnyispoe nanḡe cig, Yuda zerkanboe mitshogsla go coste Yeshua pug taḡḡala khonḡ yodsa yoḡs. ⁴⁸ Innanḡ Yeshui khoa mols, "Yuda, khyoraḡḡi pug taḡste mirigssibua ḡolog coadaa?"

⁴⁹ Yeshui zhan lobḡuggunni cuḡcescanbo thonḡacig khonḡunni zers, "Tsoole, ḡazhe rai gyabba?" ⁵⁰ Yanḡ khonḡ cigciggi lama chenmoe yogpoa rai gyabste khoe namchog yaspa cadtaḡs.

⁵¹ Innanḡ Yeshui mols, "Ta ḡiog, itsogs maco" yanḡ te miboe namchogpoa chag stseste phancugga dzads.

⁵² Tene Yeshui lama uskyonḡ, chodkhanḡ ḡunḡkanni magmi uskyonḡ taḡ Yahudape uskyonḡ khonḡ zumma yoḡkangunla mols, "Rai taḡ berga khurte ḡa zumma yoḡste ci ḡa stanshig innogga?" ⁵³ Chodkhanḡi nanḡa zhagdanḡ ḡe labzha taḡ zane khyozhe ḡa cia mazumspin?, innanḡ ibo ni khyozhagunni tustshot, mundḡiggi waḡḡulli tus innog."

Pitarri Yeshu misheszun taḡs.

22:54 ne 65

⁵⁴ Tene chodkhanḡ ḡunḡkangunni khonḡ zumste, lama chenmoe phodaḡḡa khyers yanḡ Pitar thagriḡzhigne khonḡi gyabne soḡ. ⁵⁵ Khonḡunni phodaḡḡi gyaḡskorri zhuḡḡa mea taḡste teboa khorde dugḡ, Pitarraḡ khonḡun nyampo dugḡ. ⁵⁶ Tene yogmozhiḡgi Pitar mea dugste thonḡpa khoa zhibca coste stas yanḡ zers, "I miboanḡ Yeshui nyampo dugpin."

⁵⁷ Innanḡ Pitarri zun taḡste zers, "Bumo, ḡe kho shessamed."

⁵⁸ Tsapig stiḡne yanḡ mizhiḡgi kho thonḡte zers, "Khyoraḡḡanḡ khonḡunni ḡopa cig innog."

Pitarri khoa zers, "Dzao, ḡaa man."

⁵⁹ Chutshod cig dzod ciggi stiḡne zhan mizhiḡgi zers, "Tantanla i miboanḡ khoe ḡopa cig innog ciazerna kho Galillipa innog."

⁶⁰ Innanḡ Pitarri lantaḡs, "Khyoraḡḡi ci zerte in ḡa hagoa merag." Khoe tebo zerin yod zane, capoe caskad taḡs.

⁶¹ Tsooe gyabgyurte Pitarla zigs. Tene Pitarla Tsooe, "Capoe cascad tañji sañ sñunla khyorañji ñaa lan sum misheszun tañin" molkanbo idtu yoñs, ⁶² yañ kho philogga soñte maşante ñus.

⁶³ Yeshu şunķangunni khoñña tshig tañin rduñces gozug. ⁶⁴ Khoñgunni khoñji mig lagphis nyampo kabste ltabin zers, "Luñstan shoddañ khyorañña rduñkanbo su innog?" ⁶⁵ Yañ spera stsogpo mañpo zerte khoñña thełba stans.

Yeshu Yahudape tshogsdui nañña khyers.

22:66 ne 71

⁶⁶ namlañssacig Yahudape uskyoñgun, lama uskyoñgun tañ chosthimsla khaspagunni tshogsdu tshogste Tsoo Yeshu khoñgunni dunla khyoñcugs.

⁶⁷ Khoñgunni zers, "Ñazhaa shoddañ, khyorañ ldamma dzadkanni Mashikaa inna?"

Khoñji lansals, "Galtes ñe khyozhaa zerna khyozhaa den mishes, ⁶⁸ yañ galtes ñe ñiwazhig ñina khyozhe lan mitañ. ⁶⁹ Innañ tannepharla mirigssibu kunwañ Konchoggi chag yaspe ñhissika dugin."

⁷⁰ Khoñ tshañme zers, "Khyorañ Konchoggi şas inna?" Khoñji lansals "Khyozhe zerkanbo ña in."

⁷¹ Tene khoñgunni zers, "Ñadañña i sañ mañña spañpo ci gosin? Khowe zerkanbo ñadañgunni tshor."

Yeshu kalon Pilatuika khyers.

23:1 ne 7

23 ¹ Tene Yahudape tshogsdui thusmi gañpo lañste Tsoo Yeshu Rompe kalon Pilatuika khyers. ² Khoñgunni Yeshua skyon kalin zers, "I miboe migunla Rommi gyalpoa ñolog cocugste ñhal mashal yañ khorañ Konchoggi ldamma dzadkanni Mashika, gyalpo in zerdug."

³ Tene kalon Pilatui Yeshua ñis, "Khyorañ Yahudape gyalpo inna?"

Khoñji lansals, "In, nyerañji zerkanbo in."

⁴ Innañ Pilatui lama uskyoñgun tañ mitshogsgunla zers, "Ñaa i miboe nañña skyon cañ thobba midug."

⁵ Khoñgunni utshugs tañste zers, "I miboe khorañji labzha gyudte yahude yuljoñs gañpoe migun ñhugs shugs, Galillii yulne gozugste i tshagpa leb."

⁶ Tebo tsharte Pilatui, kho Galillipa innogga zerte țis. ⁷ Khoņ Herodadi waņņi yogga inkanbo khoa gyus chacig khoe Yeshu Heroda yodsa kals, tedusla Heroda Yerushalemmi naņņa yodpin.

Herodadi dunla Yeshu khyoņs.

23:8 ne 12

⁸ Herodala Tsoo Yeshua thugcessi skabs thobpa mașante thad ciazerna khoa khoņņi skorla tshorte tus maņpozhighne pharla Yeshu jalte khoņne stasshig stacessi dodpa chenmo yodpin. ⁹ Khoe Yeshua țiwa maņpo țis innaņ khoņņi lan ciggaņ masals. ¹⁰ Teka yodkanni lama uskyoņgun taņ chosthimsla khaspagunni șoe naņņa kuco taņste khoņņa nyadgal kalin dugs. ¹¹ Heroda taņ khoe magmigunni Yeshua țhelba stante habgod taņs, tene khoņņa namzaa tagpo skonte Pilatu yodsa logste kals. ¹² Te zhagga Pilatu taņ Heroda dzao gyur, sņunla khoņgun đao inpin.

Misad phuds yaņ Yeshua shicessi chadpa phog.

23:13 ne 25

¹³ Tene Pilatui lama uskyoņgun, Yahudape uskyoņgun taņ migun bodte, ¹⁴ khoņgunla zers, "Khyozhagunni i miboe migunla Rommi gyalpoa ņolog cocugkanni nyadgal kalte ņe dunla khyoņs. Đe khyozhe dunla khoa starcod taņsteaņ, khoe naņņa khyozhagunni kalkanni skyon caņ mathob." ¹⁵ Herodaņ caņ skyon mathobba, ņeka logste kalkanbo khyozhe thoņin innog, kho sadgoshessi skyonzhig caņ thobba midug. ¹⁶ Tennaboephia khoa stallcag gyabcugste phudin." ¹⁷ o

¹⁸ Khoņ tshaņma cig soņte kuco taņin zers, "I mibo sadda khyer yaņ Barabas ņazhe phia phudda dzad." ¹⁹ (Yerushalemmi gyalse naņņa Rommi waņșulpe ņolog coste mi sadcespoe Barabas tsonla kagste yodpin). ²⁰ Pilatua Yeshu phudcessi dodpa yodpa yaņskyar mitshogsla țis, ²¹ innaņ khoņgunni maņņa kuco taņin zers, "Kho șkyaņshiņņa șkyoņ, șkyaņshiņņa șkyoņ."

²² Pilatui lan sumpa khoņgunla zers, "Ciphia, khoe țhimssi gyabgal ci costog. Sadgoshessi skyonzhig khoe naņņa ņaa caņ mathob. Teboephia ņe khoa stallcag gyabcugste phudin."

^o**23:17** sņunme tussi Griissi speche naņņa 23:17 Griiste medte innog. Innaņ stiņmagunni naņņa ibo thudte innog tebo "I tuschenni skabsla tsonpagunni țone cig phudtaņcessi thims yodpin."

²³ Khoṅ tshaṅme chadmacugga skad chenmoe naṅṅa kho ṣkyaṅshiṅṅa ṣkyoṅ zerte kuco taṅs, yaṅ khoṅgunni kuco taṅkanbo thaṅspo lus. ²⁴ Pilatui khoṅgunni zerkan naṅzhin cos. ²⁵ Ðolog coste mi sadcespoe tsonla kagskanni mi khoṅgunni phud zerkanbo phuds yaṅ khoṅgunni dodpa naṅzhin Yeshu ṣkyaṅshiṅṅa ṣkyaṅcesla stads.

Yeshu ṣkyaṅshiṅṅika ṣkyaṅs.

23:26 ne 43

²⁶ Tsoo Yeshu thidte khyer zane magmigunni gamyulne yoṅkanni Kirinpa Shimon zums yaṅ ṣkyaṅshiṅbo kalte Yeshui stiṅraṅne ḍulcugs. ²⁷ Mitshogs chenmohig Yeshui gyabne yoṅs, khoṅgunni ṭoa Yeshui phia sdugpo coste ṅuin yodkanni bumogunnaṅ innog. ²⁸ Yeshui gyabba zigste khoṅgunla mols, "Yerushalemmi bumogun ṅe phia maṅu, khyozharaṅ taṅ khyozhe ṭugugunni phia ṅus. ²⁹ Tuspo lebin, nam khyozhagunni zerin, 'Ṭugu majorkan, caṅkhogga ṭugu makhurkan taṅ oma masterkanni pibi, cinlabscan in.' ³⁰ Tedusla migunni rigunla zerin, 'Ðazhekaa dibshiggaṅ', yaṅ ḍaggunla ṅazhaa 'Kobshiggaṅ'. ³¹ Galtes lcaṅma lonpa yod zane migunni izug cona, tene lcaṅma skamste stiṅne khoṅgunni ci mico?"

³² Thims cagkanni zhanmi nyissaṅ sadcesla Yeshu nyampo thidte khyers. ³³ Goi ruspa zerkanni nasseka lebbacig, magmigunni Yeshu ṣkyaṅshiṅṅika ṣkyaṅs, khoṅ nyampo thims cagkanni mi nyiskoṅ ṣkyaṅshiṅṅika ṣkyaṅs, cigpo khoṅṅi yaspa yaṅ cigpo yomaa.

³⁴ Yeshui mols, "Yable, khoṅgunla shagspa sal ciazerna khoṅgunni coin yodkanbo khoṅgunla hamagoa innog." Magmigunni khoṅṅi namzaa gocesla gyan gyabs.

³⁵ Migunni cuṅkan tshaṅma sten dugs innaṅ uskyoṅgunni tshigs taṅin zers, "Khoe zhanmagun skyobs, galtes kho Konchoggi Mashika ldamma dzadkanbo inna khorāṅ skyobcuggaṅ." ³⁶ Yaṅ magmigunnaṅ tshigs taṅin khoṅṅi dunla yoṅste khoṅṅa rgunchaṅ skyurmo taṅs ³⁷ yaṅ zers, "Galtes khyoraṅ Yahudape gyalpo inna, raṅ skyobbaṅ." ³⁸ Khoṅṅi ui stagga i mibo Yahudape gyalpo in Griiste yodpin.

³⁹ Ṣkyaṅshiṅṅika ṣkyaṅskanni thimscagkan cigpoe khoṅṅa tshigs taṅste zers, "Khyoraṅ ldamma dzadkanni Mashika manna? Khyoraṅ taṅ ṅazhaa skyobbaṅ."

⁴⁰ Zhan cigpoe khoa khaskyeste zers, "Khoṅ tsogs khyoraṅṅa shicessi chadpa phogteaṅ Konchoggi thimscadla jigssa meragga? ⁴¹ Ðadaṅ nyiskoa ṅadaṅṅi las ṅanpa cokanni ospe chadpa phogte innog, innaṅ i miboe ṅanpa las caṅ coa

madzads. ⁴² Tene khoe Yeshua zers, "Tsoole, nyeraŋ nyeraŋŋi gyałšiddi naŋŋa skyoddacig, ŋa idtu borra dzad."

⁴³ Yeshui lansals, "Ŋe khyoraŋŋa denba zerrad, diriŋ khyoraŋ ŋa nyampo namkhe naŋŋa lebin."

Tsoo Yeshu ɔŋs.

23:44 ne 49

⁴⁴ nyiŋguŋ zamshigne chutshod sumpa tshagpa yul gaŋpo muŋɔig soŋ. ⁴⁵ Nyime od medkan soŋ yaŋ chodkhaŋŋi yolla gone jug tshogpa khagnyissi naŋŋa chad.

⁴⁶ Tene Yeshui skad chenmoe naŋŋa mols, "Kye yab, ŋe semsnyid nyeraŋŋi chagga staddad" tezug mol tsharracig khoŋ ɔŋs.

⁴⁷ Maggye sponboe cuŋkangun thoŋte Konchogga stodpa phulin zers, "Tantanla i mibo ɔaŋpo mizhig inkyag." ⁴⁸ Teru ŋkyaŋshiŋŋa ŋkyaŋces stala yoŋkanni mitshaŋme cuŋkan tshaŋma thoŋŋacig ɔaŋ rduŋtaŋin logste soŋ ⁴⁹ innaŋ Galillii yulne Yeshui stiŋraŋne yoŋskanni bumogun theste khoŋ sheskan tshaŋme thagriŋŋa dugste cuŋkangun stas.

Yeshui spur spurkhaŋŋa zhus.

23:50 ne 56

⁵⁰ Ta Yahudape tshogsdui thusmi Yoseb zerkanni ɔaŋpo taŋ zaŋpo mizhig yodpin, ⁵¹ khoŋgunni thabsldiŋs taŋ lasgunla khoe khamachams. Kho yahudi ɔŋkhyer Arimathapa, Konchoggi gyałšid lebcesla ŋuŋste yodpin. ⁵² Kho Pilatuika soŋte Tsoo Yeshui spur khoa sal zerte zhuwa phuls. ⁵³ Spur ŋkyaŋshiŋŋi kane babste ras kuspoe naŋŋa tums yaŋ ɔaggika skoskanni spurkhaŋ ro mane maborkanzhiggi naŋŋa khoŋŋi spurbo bors. ⁵⁴ Te zhagpo shabbaddi phia ɔalcoces yaŋ shabbaddi zhagpo gozug chakyis yodpin.

⁵⁵ Galillii yuljoŋsne Yeshu nyampo yoŋskanni bumogun Yosebbi gyabgyabne soŋ yaŋ Yeshui spur borra dzadkanni spurkhaŋbo thoŋ. ⁵⁶ Tene khoŋgun khaŋpa logste yoŋs yaŋ spurla skuccessi phia ɔizhimcanni mar taŋ marnag ɔalɔig cos. Kathims naŋzhin khoŋgun shabbaddi ŋaltshoe zhagga ŋaltshoste dugs.

Tsoo Yeshu sku sotea zhanj.**24:1 ne 12**

24¹ Zanyime zhagga namo zanzijne te bumogun daldig cokan tizhimcanni mar taj marnag khurte spurkhanji dunla lebbacig, ² spurkhanja kabste yodkanni rdoa leblebpo thente thoj. ³ Khoŋgun spurkhanji nanja zhugsacig Tsoo Yeshui spur mathoj. ⁴ Khoj hanpan sojte i skorla samin yodtus hunmedla ma ldanŋshan koslag gonkanni mi nyis khoŋgunni dunla zhanste zhugs.

⁵ ŋante jigspa bumogunni go ghuste saa stas, innaj khoj nyiskoe khoŋgunla mols, "Khyozhe shikangunni toa sotea cia tsallad?" ⁶⁻⁷ Khoj ika med, khoj sotea zhanste in. Galillii yuljoŋssi nanja yod zane khoŋji khyozhaa, 'Mirigssibu sdigcangunni lagga stadte, ŋkyaŋŋiŋjika ŋkyaŋin yaŋ zhag sumpe zhagga sotea lanja dzadin' molkanbo idtu cos"

⁸ Tene khoŋgunla khoŋji molkangun idtu yoŋs. ⁹ Spurkhanje logste lebbacig skutshabs cugshig taj zhan tshanjala cuŋkan tshanma shads. ¹⁰ Skutshabsgunla te lon khyoŋkangun Miryam Magdallenma, Yoanna taj Yakobbi ama Miryam taj khoŋji topa bumogun inpin. ¹¹ Te speragun tonmed tshorpa khoŋgunni idshes macos. ¹² Innaj Pitari lanste spurkhanja gyugste soj, ghuste staspa spurraspo cigpo borte thoj. Tegun ci cuŋste in samin kho hanpan sojte khanja logste saŋ.

Emausla chasi lammika Yeshu jal.**24:13 ne 35**

¹³ Tenna zhagga khoŋgunni tone lobtug nyis Yerushalemne kilomitar rcugcig thagriŋja yodkanni Emaus zerkanni doŋkhyerla chadpin. ¹⁴ Khoj nyiskoe cuŋkan tshanme skorla spera tanjadpin. ¹⁵ Spera tanjin, doldur co zane Tsoo Yeshu khoŋji gyabne skyodte khoŋgun nyampo dulla dzads, ¹⁶ innaj Yeshu inkanbo khoŋja ŋoshes cugga madzad.

¹⁷ Khoŋji khoŋgunla mols, "Khyozhe chennaŋ ci skorla spera tanjad?"

Khoj dul madulla dugs. Khoŋgunni ldoŋjika tsherkha ŋante yodpin. ¹⁸ Khoŋji tone Kleopas zerkanboe khoŋja zers, "Tanjiriŋja Yerushalemmi nanja cuŋkangun gyus medkanni bespa nyeraŋ cigpo inna?"

¹⁹ Khoŋji khoŋgunla tia dzads, "Ci cuŋkyag?"

Khoŋgunni lantaŋs, "Yeshu Natsaredpe skor. Khoj ni luŋstonpa, halasshessi dzadpa dzadkan yaŋ Konchog taj mitshanme dunla wanja nyampo halasshessi

labzha salkanbo inpin. ²⁰ Lama uskyoŋgun taŋ Yahudape uskyoŋgunni khoŋŋa ŝoggi chadpa taŋŋala stads yaŋ khoŋ ŝkyaŋshiŋŋika ŝkyaŋs. ²¹ Innaŋ khoŋ Israelpagun thar cugga dzadcesla skyodte inkanbo ŋazhe rewa yodpin, tegun cuŋste diriŋ zhag sumpe zhagga, ²² ŋazhe ʈone bumo khaciggi i nastshulbo shadte ŋazhaa halasshugs. Khoŋgun ŋatogne khoŋŋi spurkhaŋŋa soŋ, ²³ innaŋ tenaŋŋa khoŋŋi spur med pasaŋ ŋazhaa yodsa logste yoŋste khoŋgunla zhalzigssi naŋŋa phonyagun jalte Yeshu sontea zhaŋste yod mollarag zerin shads. ²⁴ Ŋazhe ʈone khacig spurkhaŋŋa soŋte bumogunni shadkan naŋzhin Yeshui spur spurkhaŋŋi naŋŋa medkanbo thoŋtog."

²⁵ Tene Yeshui khoŋgunla mols, "Khyozhaa tsamshig samba medkan yaŋ khyozhe kagspo nyampo mane luŋstonpagunni molkan tshaŋmaa idshes coa midug.

²⁶ Mashikaa te sdugsŋalgun nyuŋste mane spal mithob molkanbo gyusmedda?"

²⁷ Tene khoŋŋi luŋstonpa Mozesne gozugste luŋstonpa tshaŋme khoŋŋi skorla dampe suŋrabs tshaŋme naŋŋa ʈia dzadkanni ton khoŋgunla hagocugga dzads.

²⁸ Khoŋgun Emausla lebcas taŋ bespo tsharces nyemo lebbacig, Yeshu khoŋgunni saŋ nassa thagriŋŋa skyodcespo thoŋ ²⁹ innaŋ khoŋgunni khoŋŋa utshugs taŋste zers, "Ŋazhaa nyampo zhugsa dzad ciazerna muncu rubste tshan chakyisdug." Tene khoŋ khoŋgun nyampo zhugcesla naŋŋa skyods. ³⁰ Goŋzan donna cogtse dunla zhugssacig Yeshui donkyir chagga namste thugrjeche zhuste cagga dzads, yaŋ khoŋŋa sals. ³¹ Tene khoŋgunni mig phedte khoŋ su inkanbo ŋoshessacig khoŋ khoŋgunni dunne stor soŋ.

³² Khoŋgunni cig taŋ cigga zers, "Khoŋŋi lamma ŋadaŋŋa zhalta dzadin dampe suŋrabssi naŋne hagocugga dzad zane, ŋadaŋgunni snyiŋŋi naŋŋa me barkan tsogs matshorra?" ³³ Tennamalla, khoŋgun laŋste Yerushalemma logste soŋ yaŋ skutshabs rcugcigpo zhan ʈopagun nyampo dzomste yodkanbo thoŋ. ³⁴ Khoŋ nyiskoa khoŋgunni, "Tsoo denba sontea zhaŋste Shimonni jaltog" zerin tshor. ³⁵ Tene khoŋ nyiskoeŋ lamma cuŋkan tshaŋme skor taŋ khoŋŋi donkyir cagga dzaddacig khoŋ ŋosheskanbo shads.

Yeshu lobʈuggunla ŋŋons.

24:36 ne 49

³⁶ Khoŋ nyiskoe speragun shadin yod zane hunmedla Tsoo Yeshu khoŋgunni skyilla ŋŋons yaŋ mols, "Konchoggi zhide khyozhaa nyampo lusshig." ³⁷ Innaŋ khoŋgun ʈogs yaŋ jigs, khoŋŋa shindezhig thoŋte innog sam. ³⁸ Yeshui khoŋgunla

mols, "Khyozhaa cia jigssarag yaŋ khyozhe snyiŋŋi naŋŋa thetshoms cia skyearag?
³⁹ Ñe kaŋpa taŋ lagpa gunla stossaŋ, ŋaraŋ in. Lagpa stseste ŋaa nyuggaŋ, shindea
 sha taŋ ruspa yoŋŋa manog innaŋ ŋa tegun yod." ⁴⁰ Tebo molte khoŋŋi khoŋraŋŋi
 chag taŋ zhabs gun khoŋgunla stanna dzads. ⁴¹ Thadpo taŋ gamo chanaŋ taruŋ
 khoŋgunni idshes macospa Yeshui khoŋgunla mols, "Khyozhe lagga zacesshig
 yodda?"

⁴² Khoŋgunni nya şagskanni khagzhig khoŋŋa taŋs. ⁴³ Khoŋŋi tebo namste
 khoŋgunni dunla dons.

⁴⁴ Tene khoŋgunla mols, "Ña khyozhaa nyampo yod zane ŋe igun zerpin,
 'Mozessi kathims, luŋstonpagun taŋ suŋgurri spechagunni naŋŋa ŋe skorla Griiskan
 tshaŋma ɗaŋɗaa ɗubgos'." ⁴⁵ Tene Yeshui khoŋgunla dampe suŋrabssi naŋŋa ɗia
 dzadkangun hagocessi khyud sals. ⁴⁶ Khoŋŋi khoŋgunla mols, "Ibo ɗia dzadte dug,
 'Konchoggi ldamma dzadkanni Mashika sdugsŋal nyuŋin
 Yaŋ zhag sumpe zhagga
 Shikangunni ɗone sontea zhaŋsin.

⁴⁷ Yerushalemne gozugste gyalkhams tshaŋme naŋŋa
 Sdigpane gyodpa coces taŋ sdigpa selcessi phia
 Khoŋŋi tshanni naŋŋa chosshadin.'

⁴⁸ "Te tshaŋme spaŋpo taŋin khyozhe mitshaŋmala shod. ⁴⁹ Ñe yabbi, dampe
 thugnyiddi zhalchad dzadkanbo ŋe khyozhagunla kalin. Innaŋ namkane dampe
 thugnyid skyodte khyozhagun khyuddi skaŋskaŋ tshagpa khyozhaa inna gyalse
 naŋŋa dug."

Konchoggi Yeshu namkhaa khyerra dzads.

24:50 ne 53

⁵⁰ Tene Tsoo Yeshui khoŋgun philogga Bedthani ɗoŋsebbi nyemozhigga khyerra
 dzads, yaŋ namkhaa chogsla chag şkyanŋa dzadte khoŋgunla cinlabs sals.

⁵¹ Khoŋgunla cinlabs salin yod zane khoŋgunne pheste Yeshu namkhaa khyerra
 dzads. ⁵² Khoŋgunni khoŋŋa colin, ma thadpo nyampo Yerushalemma logste saŋ.

⁵³ Zhagdaŋ khoŋgun chodkhaŋŋa skyodte Konchogga stodpa phulladpin.